

PHILOSOPHIA
NOVO-ANTIQUA
THOMÆ CEVÆ
SOC. JESU

Notis & prævia præfatione in hac
editione illustrata,

EMINENTIS. CARDINALI

ANNIBALI
ALBANO
SACRA



MEDIOLANI, MDCCXXVI.

Typis Hæredum Dominici Bellagatæ.





LECTORI

3

Præmissis quibusdam monitis,
origo hujus philosophiæ exponitur.



Hic meæ philosophiæ præmittenda
censui nonnulla, quibus explanandis
illustrandisque necessitas metri par esse
non potuit. Et primò quidem præ-
nosse oportet magnum esse discrimen
inter Epicuri dogmata, & Physicam
Gassendi, qui tum solidis rationibus, tum pietate
Christianâ, non modò crassiores hujus philoso-
phiæ errores egregiè confutavit, sed insuper ejus-
dem philosophiam ab omni penitus impietatis la-
be deterisit: in cæteris verò plerisque mentem po-
tius Epicuri quàm suam aperuisse eum semper
existimavi. Iisdem etiam vestigiis insistere eos
puto, qui eandem expurgatam philosophiam pro-
fitentur: & paucos admodum fore, etiam inter
Heterodoxos, qui Lucretianæ impietati subscri-
bant. Optandum tamen foret ut Atomorum do-
ctrinam, jam antea oblitteratam, & fere oblivio-
ne sepultam, celeberrimus ille Auctor suis in la-
tebris reliquisset; eâ siquidem eruditionis, atque
ingenii vi, & styli elegantia, quâ plurimum pol-
lebat, solidiorem, utilioremque scientiam exco-
lisset, aut invenisset.

Illud etiam monendum censeo, aliam esse cau-
sam eorum, qui systema Copernici tanquam me-
ram & simplicem hypothesim statuunt; aliam
verò eorum, qui hanc ipsam telluris circumvolu-

tionem, tanquam absolutè veram, & re ipsâ existentem tuentur. Cùm enim rationes, quæ pro utraque parte afferuntur, congruentiæ porius dici possint quàm solidæ demonstrationes; cumque assertum illud Copernici apertè repugnet sacris literis, & communi hominum persuasione; id vel le nihilominus pertinaciter sustinere, telluremque ex possessione suæ stationis quietisque dejicere, quàm constituit eidem sæculorum fere omnium consensus, justam sanè suspicionem ingerit, id fieri a nonnullis heterodoxis, ut Romano decreto adversentur, juxta illud *Nitimur in vetitum*, quod nimis sæpè contingit. Est autem Christianæ demissionis, & religiosæ mentis officium eas partes tueri omni conatu ingenii, animique propensione, in quas inclinat, vel quas decernit Ecclesia. Atque hæc quidem dicta sint ut prudens Lector discernat in quos auctores interdum declamare libuerit; quod quidem ex ipso contextu carminis satis apparebit.

Ea porro, quæ de primo motore atque arbitro, ejusque potestate reducendi in nihilum omnia corpora suis locis inferuimus, videri alicui possint supervacanea, cum vel ipso hujus mundi aspectu statim cœli terræq; Factor atque Architectus manifestus appareat. Idem dic de naturæ magisterio nobis occulto, ex cujus ignorantia argumentum sumpsimus, illud nobis aliquandò revelandum fore Beatorum in patriâ; undè Animarum nostrarum immortalitatem conati sumus ostendere: Hæc, inquam, omnia, licet ex aliis fontibus satis innotuerint, conatus tamen nostros benignè Lector excipiat, nec statim adversarii partes arripiat, sed porius, si quid addi, aut demi, aut dilucidius

5
eius effertur valeat, in eo clarius & firmitus constituendo, aciem ingenii exacuat: sin minus, æquo animo ferat, id à nobis præstitum pro nostra tenuitate, quod auctores alii plures egregii, etiam heterodoxi, adversus atheos præstiterunt.

His ita præmissis, referre lubet originem eorum potissimum, quæ in prima dissertatione hujus nostre philosophiæ continentur, quod facilius & jucundior evadat eorundem intelligentia. Ea mihi affulserunt ex quadam repente injectâ cogitatione; in quâ aliquandiù hæsi suspensio animo, atque ex eadem, veluti ex quodam figmento poetico, mirificam voluptatem hausi. Itaque hypothesis, seu potius fictio hujusmodi in mentem venit. Deum scilicet, priusquam hanc rerum universitatem e nihilo erueret, globulum lapideum, instar cujusdam moduli, in spatiis imaginariis constituisse, ita ut nihil aliud in rerum naturâ extaret, præter hunc unum lapidem, qui certè constitisset immobilis; nec enim ulla ratio foret cur in unam potius quam in alteram partem se se dirigeret. Quemadmodum verò in hoc nostro globo terra quoque partes omnes diriguntur & connituntur in unum punctum, quod est earundem commune centrum, ita etiam partes omnes illius lapidis similem directionem & tendentiam habuissent.

Ponamus nunc alium lapidem minorem in aliquâ distantia positum fuisse a supremo artifice socium prioris, utrosque autem, retentâ eadem distantia, conjunctos fuisse lineâ quâdam inflexibili, ceû virgâ ferreâ, transeunte per eorundem centra; quo posito, ex duobus illis corporibus invicem nexis unum corpus effectum foret, quod pariter unicum foret in rerum naturâ, ideoque

immobile permaneret. Quemadmodum igitur in priore hypothefi partes illius lapidis unicè exiftentis, dirigebantur in unum punctum; ita in hac fecundâ hypothefi partes hujus corporis unicè exiftentis, nempe illi duo lapides invicem nexi, dirigerent fe pariter in unum punctum, atque in illud idem punctum fe fe invicem urgerent. Non poffent autem æquilibrati, immotique confiftere, nifi lapis minor suppleret nifu atque impetu id quod deeft ejus quantitati. Quare, fi major lapis duplus fuerit ex. gr. alterius, neceffe erit ut alter minor, duplò majore nifu contranitur majori, ut in æquilibrio confiftant; cæterùm major propelleret minorem, eumque perfequeretur per fpatia imaginaria in infinitum. Sublatâ igitur lineâ inflexili, ambo illi lapides, libertate donati, invicem concurrent; & minor quidem duplò majore impetu, duplò velociùs altero. Quamobrem, fi diftantia ex. gr. ponatur trium palmorum, eo tempore, quo major lapis conficit unum palmum, minor confeciffet duos palmos; ex quo fequitur ut punctum concursus dividat eam lineam, feu diftantiam, in ratione reciproca prædictorum lapidum, atque iftud punctum vocatur centrum gravitatis; accessus autem ad iftud punctum dicitur defcenfus, recessus autem vocatur afcenfus; conatus autem quo prædicti lapides ad illud tendunt, dicitur gravitas.

Hinc vides, in his duobus corporibus, quæ fola exiftunt in rerum naturâ (cætera enim fingimus nondum e nihilo emerfiffe) vides, inquam, natam libram Archimedeam: vides originem staticæ: intelligis quid fit centrum gravitatis, nempe illud punctum, in quod concurrerent duo quævis corpe-

corpora , si unica existerent in naturâ . En ut istud punctum dividit eorundem distantiam in ratione reciproâ quantitatum ac velocitatum eorundem corporum . Vides insuper unâ cum his duobus lapidibus nasci motum , tempus , rationem , seu proportionem , & gravitatem , quæ est tendentia ad centrum , locum scilicet infimum , qui terminat descensum . Vides denique quid sit centrum unius corporis unicè existentis in terum naturâ : est enim punctum , in quod omnes ejus corporis partes eodem tempore convenirent , nisi obstaret earundem impenetrabilitas . Hujusmodi autem sunt partes hujus mundi unicè existentis , quæ (sublata earundem impenetrabilitate) reducerentur in unum punctum , hoc est in illud nihilum , ex quoeductæ fuerunt .

Ponamus nunc Deum tria dumtaxat corpora creasse , ex. gr. tres lapides inæquales , invicem utcumq; distantes , veluti quendam lusum , ut ita dicam , suæ Omnipotentiae : Observavi ea corpora descendere eodem tempore ex distantis , utcumq; inæqualibus , ad eorum commune centrum , retentis in descensu triangulis similibus & similiter positis , & consequenter retentis invicem iisdem rationibus ; retento insuper communi centro immobili in eadem statione , quod minimè contingeret , nisi ea corpora eodem tempore convenirent . Hæc autem conati sumus ostendere in nostro libello de naturâ gravium , edito in lucem anno 1699 . Vide ibi lib. 1. digressionem , cui titulus *de intelligentiâ , quæ in opere natura elucescit* : Ibi demque videre licebit Geometriam nasci unâ cum Staticâ ; quæ quidem geminæ sorores in his tribus corporibus , atque in hac solitudine nunc

primùm conjunctæ apparent . Hinc mihi primùm oborta lux de corporum vi motrice , proportionatâ eorundem distantis a communi centro ; quo fit ut ex quavis distantia eodem tempore ad centrum ex quiete descendant .

Quod diximus de tribus hisce lapidibus , dicendum pariter de quovis numero corporum , quæ eodem instanti ex nihilo emerfissent . Ea quippe , licet temerè dispersa per spatia imaginaria , unanimi quadam conspiratione , eodemque tempore circa suum commune centrum immotum , in speciem globi conformarentur : & siquidem forent guttæ dispersæ , circa suum centrum confluentes , ex iisdem sphaera exactissima conficeretur .

Plura alia possumus in hac hypothefi contemplari . Nam si fingamus creatam a Deo sphaeram vacuum , quæ sola existat in rerum naturâ ; atque in ejus centro intelligatur positus globulus terreus , necesse erit ut ibi immobilis permaneat ; non aliter quam globus telluris in medio mundi consistit .

Jam video quid tibi , Lector , in mentem veniat , quidve tecum ipse submurmures ; nempe hæc corpora solitaria videri ingenio prædita , rationesque geometricas egregiè didicisse . Sed mox hujusmodi admiratio evanescet ; Quin potius miraberis rem omnino vulgarem , tuisque oculis perpetuò obviam te nunquam admiratum fuisse .

Itaque exeamus tandem ex hac solitudine inanum spatiorum . En globus ingens nostræ telluris , a supremo conditore e nihilo extractus . Fingamus autem nondum creatos orbes cœlestes ,

sed hoc unum terraqueum corpus existere. Ponamus insuper eodem instanti creatum lapidem in aliquâ distantia. Dico hunc lapidem descensurum versùs centrum terræ; terram autem in suâ statione immobilem physicè permansuram. Habemus enim in hac hypothesi duo corpora unicè existentia, quorum alterum, nempe globus telluris, cum lapide comparatum, si physicè æstimetur, habet rationem corporis infiniti. Ducatur itaque linea recta a centro unius ad centrum alterius, eaque dividatur in ratione reciproca prædictorum corporum, Punctum igitur divisionis tantò propius erit centro terræ, quantò major est tellus eo lapide; ideoque (physicè loquendo) perinde erit, ac si punctum istud existeret in centro terræ; & consequenter motus terræ versùs punctum aded proximum censeripotest nullus. Quod manifestius fiet si addatur immensa moles orbium cœlestium, in quorum centro terra consistat.

Hinc vides, Lector, ea quæ diximus de concursu corporum in spatiis imaginariis, quæ prorsus miranda, & fortasse nonnullis incredibilia videri poterant, ea, inquam, non aliud esse quam illud ipsum, quod quotidiana experientia nobis ostendit in corporibus ex alto in terram cadentibus: in quibus tamen eadem admirandi ratio perseverat. Quis enim dirigit ejusmodi corpora versùs centrum? Quomodo agnoscere videntur hoc idem punctum?

Hujus arcani aliqua explanatio videtur mihi desumi posse ex ipsâ vi motrice inditâ corporibus a supremo architecto & motore Deo. Si enim ponamus extare in rerum naturâ unicū corpus,

corpus, ex. gr. unicum lapidem, vis motrix eidem indita non debet censerì prorsus extincta. Illa utique perseverat : sed cum nullum habeat terminum, juxta quem se se dirigat, inde fit ut impetu suo ingenito conetur tendere circumquaque in omnem partem, ideoque corpus immotum consistat. Cum autem nullam inveniat viam, reflectitur impetus in unum punctum, quod est ejusdem centrum. Jam, si ponatur aliud corpus in quavis distantia, eo posito, habetur terminus, & facta est quodammodo via, juxta quam utraque corpora dirigunt suas vires, atque invicem sibi occurrunt.

Quod diximus de duobus corporibus idem dic de tribus, & de quavis multitudine in spatiis imaginariis dispersa, ac denique de hac nostrâ universitate corporum, quæ se se dirigunt in unum punctum. Qualecunque tamen sit hoc nostrum ratiocinium, seu systema, non ideo cessat justissima admirandi ratio; quæ quidem longè major est in cæteris naturæ operibus a Deo constitutis, si attentè considerentur: Nam quodd ex glande perfici exurgat arbor, ex cujus ramis tot pendeant persica, nata ex sinu seu potius ex cadavere matris sepultæ, est aliquid sanè mirabilius, quàm quodd lapides, ex alto demissi, ad terram rectà descendant. Nequidquam porrò divini Opificis magisterium ad normam nostrarum vilissimarum artium exigimus. Malo admiratione frui, quam mihi ingerit ignoratio, quàm mira hujusmodi arcana futili aliquâ commentatione infelicitè scire, seu potius superbè nescire. Neque illud quisquam mihi facile persuaserit, quod ex quadam desperatione ingenii asseritur a nonnullis,

nullis, nullam inesse corporibus inditam a Deo vim activam ad descensum, sed ipsi met Deum manuducere lapides versùs centrum; eosdemque humi quiescentes premere versùs idem punctum: universim verò nullas dari causas secundas. Sane in sacris paginis legimus data a Deo præcepta telluri ut proferat sua germina; mari ne egrediatur e suis finibus; atque alia plura. Quid si, post hujusmodi jussa, cogeretur ipse met Deus, se solo, singula quæque moliri?

Non aliter certè Prætor Senogalliæ, ut ajunt, Ipse met exequitur sua jussa, & , quæ fieri vult, Efficit ipse unus, cum non sit idoneus ullus

Ex grege servorum, qui par sit rebus agendis. Sed de hac opinione iterum in notis. Quod autem asserit Gassendus, corpora trahi ad centrum a quibusdam corpusculis uncinatis, inane per-fugium est; nam de iisdem corpusculis (ut in primâ dissertatione ostendimus) eadem prorsus quæstio, eademque, imò longè major, difficultas redit. Quod quidem satis sit hoc loco obiter innuisse.

Dico nunc, corpora omnia habere impetus versùs centrum commune proportionatos eorundem distantis ab eodem centro. Quamobrem (præscindendo ab impedimento aëris, terreque impenetrabilitate) demissa eodem instanti ex quiete, tum altiora, tum inferiora, unanimi consensu, eodem tempore pervenirent ad centrum. Non hîc afferro rationes allatas in primâ dissertatione, quas persuasioni magis accomodas censui, aliis omisiss, quarum constructiones, & geometrica ratiocinia adstringi meto non poterant.

Hinc

Hæc res cum prorsus mira & fere incredibilis mihi videretur, nec possem causam ullam physicam indagare, undenam oriri posset ut corpora in recessu a centro vires aquirerent majores & majores pro ratione distantiae, rem ipsam, in arcanis divini magisterii absconditam, clarissimo Geometrae P. Abbati Grando communicavi, qui me certiorē fecit celeberrimum Geometram (si benè memini) Petrum Fermatium Senatorem in Curiâ Tolosonâ in eâdem sententiâ fuisse; eundemque ad id demonstrandum, usum pariter fuisse librâ Archimedæa in centro terræ positâ. Imo in notis, quas prædictus Pater addidit opusculo Galilæi, narrat se invenisse in manuscriptis D. Viviani, egregii mathematici eandem demonstrationem desumptam pariter ex librâ in centro Mundi positâ, eodem adhibito ratiocinio, quo usus sum ego in his carminibus, nullo cujusquam prævio lumine; & multos ante annos præstiteram in meo libello de naturâ gravium: Quo in libello nonnulla ex aliorum receptis placitis irrepsērunt, quæ deinde, clariori luce obortâ, eadem in luce collocanda sunt, atque alia nonnulla secundas curas exigunt. Quod satis sit obiter monuisse.

His itaque inventis, audax planè cogitatio in mentem venit, an possem æternos Planetarum motus ex Staticæ legibus constituere. Itaque investigare prius cœpi quid contingeret lapidî horizontaliter projecto, modò liberam haberet viam, sublato aëris & terræ impedimento. Animadverti igitur in eâ projectione duos motus, alterum retardatum, quo lapis ille ex vi impetus horizontalis recedebat a centro (quem mo-

tum

tum Galilæus æquabilem posuit, nullâ habitâ ratione centri) alterum acceleratum ex tendentiâ seu nisu ad centrum. Itaque, retentis in utroque motu legibus a Galilæo præscriptis, vidi, alternantibus iis motibus, lapidem illum circâ centrum in gyrum verti circuitu æterno. Eam porro lineam, ortam ex mixtione utriusque motus, ellypsi similem, cum ad P. Grandum misissem, post accuratum examen, invenit eum gyrum constare quatuor segmentis parabolicis in unam lineam curvam coeuntibus. Ea tamen curva, ex frustis parabolæ compacta, non illi placuit. Sed neque placuit P. Hieronymo Saccherio nostræ Societatis. Nam, positis corporum velocitatibus proportionatis eorundem distantis a centro communi, jam non poterant, (ajebat vir perspicacissimus) retineri leges motus accelerati ac retardati positæ a Galilæo, quas retinere omnino conabar; easque tandem in secundâ editione horum carminum, substitutis aliis legibus rationi experientiæque consentaneis, post diuturnum litigium, victus deserui. Itaque ab eodem P. Saccherio petii ut rem universam, nodis difficillimis implexam, aggrederetur; nec corporum æquilibrium expenderet præcisivè a centro communi, positâ nimirum librâ in distantia infinitâ, sed haberet rationem tendentiæ ad centrum mundi. Rem igitur aggressus, in lucem edidit suam ingeniosissimam Neostaticam anno 1708. atque in libro secundo, accurate expensâ librâ Archimedæâ, demonstravit eam subsistere non posse, nisi velocitates corporum proportionales forent eorundem distantis a communi centro; nec aliter sustineri Archimedis

medis rationes posse, nisi in distantia infinita, retento consequenter in descensu corporum parallellismo. Aliundè igitur prædictas velocitates, proportionales distantis, operosè demonstravit lib. 3. atque ex eodem fonte leges velocitatum, temporum, spatiorumque decursum in descensibus gravium derivavit, ad Geometriæ rigorem exactas, quæ tamen in hac immensâ distantia, in quâ sumus a centro mundi, sensibilibiter non differunt a legibus Galilæi: si tamen descensus ad plura milliaria extenderetur, discrimen sensibile appareret.

His atque aliis feliciter constitutis, investigare aggressus lib. 4., quam lineam describeret projectum, modò liberam haberet viam, invenit lationem ejus fieri per perimetrum ellipsos, revolutione æternâ; excepto unico casu, in quo nimirum corpus illud, projectum fuisset tantâ vi, quantam acquisivisset in centro, si ex quiete per lineam rectam ad illud descendisset; in quâ hypothese æternum institueret gyrum, & quidem motu æquabili, per circumferentiam circuli. Quod demonstratum invenies propof. 8. prædicti lib. 4.

His igitur æternis gyris summâ cum voluptate perspectis, nescio quis ardor Icarius animum subiit erigendi volatum ad cœlestes orbes, ubi Planetæ per suas ellipses perenniter circumferuntur, ex impetu projectionis, a Deo semel impresso, quo ab occasu in orientem volvuntur, dum interim a primo mobili vi quadam, veluti magneticâ (seu mavis ab intelligentia motrice, juxtâ Patrum asserta) ab ortu in occasum rapiuntur. Isti porro motus præcisè sumpti, nul-

latus

latenus lœduntur, ut patet in navi delatâ versùs occidentem, ex cujus prorâ si jaciatur lapis ad puppim versùs orientem, ille idem lapis ex impetu accepto a cursu navis fertur versùs occidentem; & tamen ex vi projectionis describit curvam in partes oppositas, quæ præcisè sumpta nihil differt ab eâ curvâ, quam descripsisset, si navis constitisset immota. Porro, ex raptu primi mobilis planetæ attrolluntur, ut videmus in his omnibus, quæ impetu jugiter inhærente circumrotantur; ideoque altiùs semper atque altiùs trahi deberent, longiùs recedendo a centro motus, quo quidem raptu ad fixa sydera, vel ad ipsum primum mobile pervenire deberent. Sed quoniam, præ ratione recessus a centro, juxta nostrum systema, crescit impetus, seu momentum versùs idem centrum, ad usque augeri potest hujusmodi vis centripeta ut tandem vincat vim centrifugam ortam ex raptu. Tunc autem descendent planetæ usque ad Perigæum, motu tamen lentissimè accelerato, qui tandem reducatur ad æquabilitatem, contranitente scilicet prædictâ vi centrifugâ ex raptu primi mobilis.

Quoniam verò, præ ratione descensus, imminuitur impetus versùs centrum, juxta nostrum systema; hinc fieri potest, ut descensu retardato, tandem prævaleat vis raptus, quâ rursùs ad pristinam altitudinem, nempe ad Apogæum, eleventur. Verùm ista accuratius examen poscunt; non enim quidquam certi constituo. Juvat tamen faculam aliquam proferre, licet luminis semimortui; cui (ut interdum contingit) alia facies admotæ, auctâ luce, rem clariorem

riorem efficiant. Ea enim, quæ ad motus cœlestes pertinent, constitutionemque cœlestis domus, aded sunt inextricabilibus tricus implexa, ut ab ipso Architecto, ejusdem in domo, sint denique addiscenda.

Hæc præmonenda censui, quorum nonnulla suis locis in notis subjicere iterum libuit, quæ quidem Lector, si superfluere sibi videantur, facile poterit præterire.

Quoniam verò, ea quæ diximus de concursu corporum in spatiis imaginariis, supponunt posse redigi in nihilum hanc mundi aspectabilis machinam, ita ut possint creari duo corpora invicem distantia quæ sola existant in rerum naturâ, quoniam, inquam, negat Cartesius id fieri posse a Deo, ed quodd in eâ hypothese adhuc remaneret extensio, seu spatium impenetrabile, ex quo diversimode rotato ac trito, tanquam ex materiâ, putat corpora quæque constare: iccirco, ad tollendum ejusmodi præjudicium, conatus sum demonstrare in primo aditu hujus meæ philosophiæ, potestatem hanc Deo creatori negari non posse; quod quidem negligere potuissem. Ecquis enim ex Cartesianis sibi persuadere seridè possit, nihil aliud inesse corporibus præter longitudinem, latitudinem, & profunditatem? Cuinam cadere in mentem possit, spatium, quod nos dicimus occupari ab aliquo saxo, spatium, inquam, illud, reipsâ, nihil aliud esse nisi ipsummet saxum? Quis sibi persuadeat, sanguinem, ossa, & nervos, nihil aliud esse quam extensionem, seu spatium diversimode tritum, ita ut hæc nostra corpora sint mera spatia ambulantiâ, ex globulis, pulviscu-

visculo, & ramentis ejusdem spatii compacta?

Ex hac igitur divinâ potestate exorsus sum, ut dixi, hanc meam philosophicam poësim. Quoniam verò plerumque contingit, ut opus serium & minimè interruptum, aspectu ipso lectorem terreat: præsertim si initio aliquid salebrosum moram injecerit; lubet iccirco in ipso aditu solutâ oratione prædictum ratiocinium exponere, quo facilius illud idem metro alligatum, & cætera subinde huic adnexa percipiantur.

Intelligatur igitur lapis perpendiculariter fursùm projectus. Gravitas perpetuò obstitans aliquem ejusdem lapidis motum impedit. Non impedit autem motum, qui actu fit; nec enim fieret, si impediretur; nec ille lapis conficeret illud spatium, quod actu conficit, quæ sunt repugnantia. Ergo impeditur alius motus, qui fieri debuerat, nisi gravitas obstitisset. Est igitur quidam alius motus ulterior, natu prior, quo lapis ille ulteriùs tendere contendit, qui propterea debet esse aliquid reale, idèdque possibile; cæterùm neque mobile eum motum consequi niteretur, neque illum gravitas impediret. Hic portò motus, qui sic impeditur, ex consensu omnium Mathematicorum æquabilis omnino est, quodd videlicet a nullo adverso impetu lædatur, secluso omni extrinseco impedimento. Possibilis ergo absolutè est motus æquabilis per rectam lineam; qui tamen in hac rerum serie naturaliter dari non potest. Nam motus corporum, qui fit per lineas rectas, vel est accessus ad centrum, ideoque acceleratus; vel recessus a centro, ideoque retardatus. Ex-

go, cum ejusmodi motus æquabilis jam ostensus sit absolutè possibilis; & ex alio capite in hoc rerum ordine sit impossibilis; necesse est eundem naturaliter posse existere in alio rerum statu; in eo nimirum, in quo nec gravitas retrahens, nec aliud obstat extrinsecum impedimentum. Quod quidem eveniret sublato mundi centro, quò gravia feruntur. Tunc enim, si lapis intelligatur impulsu quovis per inane delatus, neutiquam retraheretur a gravitate versùs centrum sibi extrinsecum, unde oritur retardatio. Verùm id fieri nequit, nisi omnia corpora in nihilum redigantur, lapide illo uno tantùm superstitè, qui incitetur ad cursum. Si enim alia superessent, centrum quoque eorundem superstes foret, edque corpora tenderent motu accelerato, vel ab eodem recederent motu retardato, ut priùs. Ergo cum sit ostensus possibilis motus ille naturalis æquabilis; neque sit possibilis, nisi in eâ hypothesi, quam diximus, dari etiam potuit istiusmodi status, in quo nimirum omnia corpora, uno tantùm retento, in nihilum redigantur. Datur ergo in Deo hujusmodi potestas. Quod erat demonstrandum.

Jam verò hoc idem, solutionesque eorum quæ obiici possent, atque alia phisicomathematica subinde nata, dilucidè, nisi fallor, carmine exposita invenies. Sicubi verò odiosum nomen demonstrationis reperias, id intelligas velim mitiùs, quantum scilicèt hanc geometricam doctem res physicæ patiantur: Nec enim aliter accipi volo ea, quæ hæctenus dixi, nisi ut systema, quo nimirum, positâ gravitate inditâ a Deo corporibus, plura phænomena, quæ nobis ver-

fan-

fantur ante oculos, commodè explicantur. Nam ratio vera æquilibrii, & statio fixa centri gravitatis in quovis corpore, in quavis ejusdem corporis positione; nec non ratio accelerationis in gravium descensu, exactissimo experimento conformis; tum a projectis descriptæ curvæ per æternos circuitus, dum libera sit via: Hæc omnia, atque alia ex gravitate ingenitâ geometricis rationibus demonstrantur. Conabimur autem in prima dissertatione ostendere hanc ipsam gravitatem, seu vim motricem, cui nititur Statica, nullatenus a causa physica extrinseca provenire.

²⁰
JOANNES VINCENTIUS
IMPERIALIS
E SOCIETATE JESU,
PRÆPOSITUS PROVINCIALIS
Provinciae Mediolanensis.

CUM Librum, qui inscribitur: PHILOSOPHIA NOVO-ANTIQUA Patris Thomæ Cevæ è Societate JESU, aliquot ejusdem Societatis Theologi recognoverint, & in lucem edi posse probaverint; facultate nobis à Patre Nostro Vicario Generali Michaelæ Angelo Tamburino ad hoc communicata; concedimus, ut Typis mandetur, si ita iis ad quos pertinet videbitur. In quorum fidem, has literas, manu nostra subscriptas, & Sigillo Societatis nostræ munitas, dedimus. Genuæ 7. Augusti 1704.

JO: VINCENTIUS IMPERIALIS.

Die XIX. Maji MDCCXXVI.

REIMPRIMATUR.

*F. Angelicus Thomas Cuneo Provicarius Sancti
Officii Mediolani.*

*Carolus Franciscus Curionus pro Eminentiss.,
& Reverendiss. D. D. Card. Archiep.*

Gallerinus pro Excellentiss. Separa.

DISSERTATIO PRIMA.

ARGUMENTUM.

Dari in Deo potentiam redigendi in nihilum universa corpora bujus mundi aspestabilis, ostenditur ex motu gravium retardato. Gravitatem esse innatam corporibus contra Gassendum, & Cartesium. Cur gravia ad centrum ferantur. Ex naturâ libræ demonstratur, corpora demissa ex quiete ex inæqualibus distantis a centro, eodem tempore ad centrum pervenire. Corpuscula Gassendi vel esse omnino torpida, vel in anum concurrere, ac proinde reduci ad quietem.

Summe Pater, cujus divino hæc omnia nutu
Ex improvisò venire in luminis auram,
Quæ prius obscuro in nihilo subducta latebant;

Hoc opus immortale tuum, mentisque supernæ
Grande magisterium quoties caligine densâ
Obfitus ingredior contemplaturus opacæ
Naturæ ingenium, toties formidine sacrâ
Territus, & cognoscendi spe lusus inani,
Te summum artificem, veluti sub nube latentem,
Eque tuis rebus translucens Numen adoro.
Magnum aliquid certe miranda hæc machinarum

20 *PHILOSOPHIA NOVO-ANTIQUA.*

Abstrusum gremio cupidis mortalibus abdit:
 Nec Deus ille opifex nos ludit imagine vanâ,
 Circitor ut solet admirandis fallere vulgus
 Portentis, quorum simul ac perspexeris artem,
 Ilicet e trivio nugas contemnis inanes,
 Et plebem intentam vana ad spectacula rides.
 Longè aliud reor istud opus quàm ut deniq; possim
 Musivam ex variis frustillis credere opellam,
 Aut aliquid tale exigui moliminis, unde
 Majestas rerum, & iusta admiratio cesset.
 Fas mihi, magne Parens, operum nonnulla
 tuorum,

Visa per obscuram veluti splendescere noctem,
 Perspicio metro in Latium deducere carmen:
 Illa quidem pauca, at quædam ceu fulgetra Veri
 Illius immensi, densâ de nube micantis,
 Quo mentes hominum quondam lux dia beabit,
 Quamprimùm exuvias, & terrea vincula ponent.
 Sed priùs artificem rerum cognoscere præstat,
 Imperio qui cuncta regat, qui vertere nutu
 In nihilum possit, penitusque absumere cuncta.
 Scilicet hinc aditus prima in penetralia veri;
 Idque perexiguâ ac facili conabimur ex re
 Arguere. Ex minimis nimirum maximus ille
 Arbiter & mundi faber innotescere gaudet.

Hoc primum statuo: Gravia omnia descen-
 dendo,

Aut ascendendo, seu per declivia plana,
 Seu rectâ ad mundi centrum prolapsa ferantur;
 Non illa æquato, sed vel crescente deorsum,
 Vel sursum contra pereunte incedere motu.
 Insuper hoc etiam mihi posco, ut, si impetus ille,
 Qui lapidi semel imprimitur, nullatenus unquam
 Opposito elisus fuerit nisu, integer usque

Illu-

Illæsusque æquo deducat mobile cursu.

His animadversis, lapidem jaculemur in altum.
Protinus hunc gravitas à tergo inimica coërcet,
Atque manu quadam retrahit, cogitque reverti.
Ergo aliquem nifu adverso motum impedit. At
quem?

Non illum certè, qui fit; nec enim fieret, si
Obstaret quidquam ne fiat; nec lapis ille
Conficeret cursu spatium quod conficit. Ergo
Est alius motus natu prior, ulteriorque,
Quem natura cupit, quo corpora jacta ferantur,
Ni vetet ingenitum pondus. Sic acer arenâ
Aut circo sonipes, nisi fræna injecta morentur,
Ilicet effuso prætervolet omnia cursu.

Sic, ubi remigio valido ratis æquora fulcat,
Si fortè ingruerint adversi flamina venti,
Illa quidem cursum frænant retrahuntq; priorem;
Non illum tamen imminuunt; qui restat eunti.
Hactenus hæc liquidò constant. Jam quæritur:

Isse,

Qui lapidi est veritus motus (quem nempe teneret,
Ni vis retraheret contraria) quæritur, inquam;
Num sit deficiens: Nimirum, si foret expers
Ponderis omnino lapis ille, an rursus eidem
Vis aliqua obstaret sic moto, ipsumque cieret
Opposito nifu. Quod si asseris, usque redibit
Quæstio; namque eadem causa est, atque omnia
utrinque.

Sunt paria. Ergo illud postremò linquitur, ut sit;
Non utique expirans paulatim, ac deficiens; sed
Æqualis sibi met semper: Quippe impetus ille
Impressus semel, a nullo tunc læditur hoste.
Atqui (ut constitui jam pridem) æquabilis isse
Motus in hæc rerum serie postaque repugnat:

24 PHILOSOPHIA NOVO-ANTIQUA.

Et capite ex alio fictas nequit ille Chimæras
Inter, & ex hirco & cervo pugnancia monstra
Censeri; nam si id foret, & prorsus nihil esset,
Non illi obstarét gravitas inimica, nec ipsum
Natura usque aded ingenito conamine vellet:
Ergo, aliâ in rerum serie posituque, fateri
Omnino debes hunc tandem existere posse.
Hactenus hæc pariter manifesto lumine constant.
Jam rogo, quæ foret hæc series diversa? quid
inquis?

Illa, inquis, quâ corporibus nil pondus obesser,
Sublato id propter centro, quò cuncta feruntur.
Tum lapis impulsu nimirum quolibet actus,
Ilicet æquato fugeret per inania cursu.
Egregiè! At fieri hoc nequit, in nihilum n.
cuncta

Verteris, & lapis ille unus solusve superlit:
Nam si præterea remanerent corpora, ubivis
Illa velis poni, centrum foret usque superstes,
Atque illuc ruerent, veluti priùs: Ergo necesse est
Deleri, interimi, atque eradi funditus omnia.
Cogeris hoc etiam concedere. Jam teneo te.
Verte omnes tete in facies, & contrahe quidquid
Sive animis, sive arte vales; non hinc patet ullus
Exitus. Ergo illum cum posse existere morum
Æquatum dederis; pariter fateare necesse est
Posse dari hanc seriem, quâ corpus scilicet unum
Dumtaxat reliquum maneat. Datur ergo potestas
Omnia vertendi in nihilum: Quod erat mihi
in isto

Garmine propositum. Atqui, inquis, verissima
sunt hæc,

Si nempe ingenitâ ad centrum gravitate ferantur
Corpora, ut a mundi exorta res credita. At istud
Qas.

DISSERTATIO PRIMA. 23

Gassendus tibi, parque illi Cartesius usque
 Contendent, aliam feriem atque exordia rerum
 Commenti. Ergo illa aut uncis apprensæ qui-
 busdam,

Atque catenatis atomis rapiuntur ad ima;
 Aut quadam rapidi vi turbinis extruduntur.
 Quare, ubi desierit vis illa, extrinsecus iisdem
 Adveniens, iter instituent æquabile; quamvis
 Et centrum, & mundi mole, illæsa supersit.
 Hæc illi. Ast alium liceat mihi fingere (a) quendam
 Hostem de trivio, quo cum certamen inire
 Liberiùs possim; nec enim decet hoc pugilum par
 Nobile cum vulgo in mediam descendere arenam.
 Huc ades ergo. Peto, num, si duo corpora libræ
 Lancibus insidant hinc inde æqualia prorsus,
 Exactè à puncto medio suspensa, peto, inquam,
 Num paria hinc atque hinc credas momenta futura
 Ut neutrum neutri præstet cedatve? quid inquis?
 Certè assentiri vel nolens cogeris; aut si
 Præfractè id renuas, terrarum quisquis in orbe est
 Non penitus stipes justâ te exhibilet irâ;
 Teque olitor, lanio, tonforque, puerque triennis,
 Fœmina quæque rudis, docti indoctique furentem
 Ex hominum cœtu ruinetque facessere cogant.
 Id mihi sponte, reor, concedis. Jam peto rursus,
 Teque oro; Unde habeas, librata hæc pondera
 utrinque

Mansura? unde scias? inquam. Nam cætera turba
 Causam habet in promptu; paribus quodd nempè
 deorsum

Vi-

(a) Aliquem scilicet ex vulgo sequacium Gas-
 sendi & Cartesii. Nam cum ipsis auctoribus, &
 quibuscumque clari nominis scriptoribus diver-
 sando agendam. Excipitur impius Epicurus.

26 *PHILOSOPHIA NOVO-ANTIQUA.*

Viribus ingenitis tendant. Æqualia quippe
Utraque cū sint omnino, pariterque remotā
Ex æquo à centro libræ; conatibus æquis
Urgent iccirco sese, librantque vicissim;
Nec secus id poterit contingere. Non ita porro
Prompta tibi est ratio, cui vis extrinseca prorsus
Hoc præstat munus. Nam quī scis (corpora
quamvis

Mole pari extiterint) iccirco æqualiter istis
Impactis untis, nisu, & vi prorsus eadem.
Hinc atque inde trahit quī scis vim turbinis illam,
Quā non pugnantum ventorum implexior ulla,
Æquam utrinque fore? externo res vertitur ista
Arbitrio & nutu, atque aded formidine plena est,
Assensumque nequit cuiquam extorquere; nec ipse
Hinc possis liquidò verum istud cernere. Nam si
(Finge tibi) ex Indis veniens, aut ultimā ab Arcto
Circitor, ignotæ regionis mira recensens,
Imponat vulgo, saxa illic jacta per auras
Interdum obliquare vias, consistere sæpe
In medio cursu, non raro assurgere in altum
Sponte ab humo: Hunc certè largo effusoque
cachinno

Complois manibus ridebimus. At tibi mirum
Ex istis nihil acciderit. Promptissima causa
Illico erunt torto corpuscula devia cursu
In latus: Et quævis blateraverit ille, oculisque
Visa sibi juret; solvendis illico nodis
Intrepidè cunctis (nam quid non denique solvas?)
Præsto aderunt atomi. Non ergo hinc pondera
possis,

(Ut redeam ad litem) non, inquam, hinc pon-
dera possis,

Corporibus certo modulo præscribere. At, inquis,
Non

Non hinc arguimus; Sed cogimur inde fateri,
Quòd manifesta oculis sit res. Æqualia quippe
Corpora ubi fuerint, toties librata videmus
Atq; , his perspectis, tum demum reddere causam
Nitimur. In pedicas atque oblita vimina visco
Irruis, unde ægrè pennas exsolvere possis.
Nam quî scire queas (quotiès librata quiescunt
Corpora) an exactè tum sint æqualia? Nam, si
Alterutri quidquā plus justo dempseris, actum est,
Quantumvis minimum desit. Quî cernere possis
Num libra à medio suspensa? an brachia utrinque
Æquè densa, pari sub mole? an libera prorsus?
Num tacita ærugo obsistat? quæ Lynx queat ista
Rimari intuitu, quæ perspicienda tamen sunt
Ut manifesta oculis res sit? Non sensibus ergo
Hauserimus ista, sed ingenito nos lumine solers
Instituit ratio. Nec enim exactissima libra
Fors unquam extiterit, nec corpora prorsus eadem
Prædita mole, nec ulla unquam experientia testis
Adduci potuit. Redit ergo quæstio prima
Unde scias? Puerum quinquennem interroga,
eburnis

Propositis globulis æqualibus: Ille, priusquam
Rem librâ expendas, quam nunquam viderit olim,
Ilicet intrepidè paria hinc atque inde futura
Afferet haud dubius momenta, quòd insita utriq;
Sit gravitas eadem. Sic illum nempe magistra
Natura instituit: sic illum ab origine format.
Nec præjudicia ætatis de more cavenda
Objicias: Scimus quòd demum hæc nœnia tendat
Et fortasse aliquis nativum extinguere lumen
His cupiat nugis, quòd circumducere cæcas
Ad libitum possit prærupta per invia mentes.

Re.

28 *PHILOSOPHIA NOVO-ANTIQUA.*

Postremò nodus superest tricosior. Illa,
Quæ lapidem rapiunt corpuscula adunca deorsum,
Sponte-ne deducunt ad centrum, an & ipsa tra-
huntur?

Si primum: ergo illis, quâ tendere ad infima
possint,

Instita & ingenita est gravitas, nempe impetus ille,
Qui trahit ad centrum. Cur ergo & corpora
eundem

Non habeant pariter nisum? Sin ipsa quoque uncis
Indigeant aliis; eadem de his quæstio rursum
Perpetuo semper reditu instaurata recurrit.

Non igitur gravitas extrinsecus advenit ullis
Corporibus: Quod erat mihi denique demon-
strandum.

At nondum ad votum perspexeris hæc, nisi
discas

Cur gravia ad centrum constanti lege ferantur.
Nam quid habent illic, quæso, quod denique
possit

Ipsa adeò allicere? An sedem, quâ fortè quiescant?

At sedes angusta nimis, concessaque nulli,

Scilicet exiguum punctum. Num cuncta tumultu

Iccirco properent tanto connixa vicissim,

Conatuque ipso impediant sibi denique metam?

Nimirum est aliud quiddam, quod corpora vellent,

Ingenitisque prius tentant conatibus; atque hinc

Impetus ad mundi centrum consensibus æquis

Detorquetur. Id exemplo prius exequar; inde

Illud idem sperem manifesto in lumine coram

Sistere. Sex igitur raro de subere cymbas

Finge tibi exiguas, in gyrum æqualibus inter-

vallis dispositas, quas pura, quicunque lympa

Sustineat; totidemque pares tibi fingito iisdem

(a) Magnetes superimpositos, ut quisque sodalem Pertrahere ad sese valeat. Tunc viribus æquis, Ut primùm data libertas, de more vicissim Contendent sibi met concurrere. Sed quia in orbem.

Dispositi ex æquo distant, & tempore eodem Perficere id prorsus vellent; cùm mutuo jungi, Atque coire aliter nequeant; se protinus omnes Dirigere ad centrum, atque illuc contendere verso Impete, consilio quodam dictante, videbis.

Nec tamen iccirco credas conatibus illis.

Appetere hoc punctum, aut illic sperare quietem;

Sed quadam veluti ingenitâ ratione coactos

Conspirasse simul, quò se contingere possent.

His ita perfectis; tibi finge hæc omnia latè.

Undique sub cœlo (b) concurrere velle vicissim.

In-

(a) Magnetes hic ponimus, perinde ac si præditi forent sola vi tractiva.

(b) In hac hypothesis concursus simultaneus corporum considerari debet perinde ac si quavis eorundem collectio, quantumvis disjunctorum, redacta foret in centrum suæ gravitatis: videlicet, perinde ac si in eo puncto exercerent vim suam, instar unius corporis, Sic pariter considerantur ab Archimede gravia in librâ, prop. sexta equiponderantiam. Rursus nifus ille, sive impetus, quo ejusmodi collectiones conantur invicem concurrere eodem tempore, ita debet intelligi ut sit in ratione reciproca earundem collectionum; atque in super ille nifus dirigatur juxta lineas jungentes earundem centra. Sic enim invenies omnia denique corpora niti in unum centrum commune omnibus, atque in idem concurrere ex quavis distantia eodem tempore. Quod subinde absolute demonstratur.

30 PHILOSOPHIA NOVO-ANTIQUA.

Inter se, quamvis distantia, tempore eodem,
 Non secus ac paleis electra, hydrargiros auro,
 Et ferro magnes, & cera hispana papyro.
 Tum ratione pari confestim fœdere quodam
 Omnia perspicies punctum convergere in unum.
 Hactenus hæc claro manifesta in lumine cernis.
 At duo sunt, inquis, jam constituenda. Quod
 omnia

In primis cupiant sibi corpora mutuo jungi:
 Deinde quod unanimi studio concurrere eodem
 Tempore nitantur. Nodum mihi solvere utrumque
 Aggredere. Aggredior: Sed te prius id rogo
 supplex

Ut neutram in partem tibi mens inclinet, ut æquas
 Hinc atque hinc ratio sustentet libera lances.

Finge itaque ex tot corporibus, quæis machi-
 na vasti

Conflatur mundi, finge, inquam, nil superesse
 Ex istis, præter tellurem. Cætera verò,
 Scilicet aëreos tractus, & sydera, & ipsos
 Stellatos orbes, & quidquid cernimus, omnia
 Dispersa in nihilum, deleta, absorptaque cuncta:
 Namque, ut principio statui, datur ista potestas.
 Tum lapidem ex alto demissum intellige inane
 Per spatium. Hunc gravitas innata, ut vidimus,
 imum

Deferet ad centrum terræ. Nihil hiscere contra,
 Nil huc usque potes, nisi jam concessa retractes.
 Rursum alium lapidem demissum intellige, triplo
 Majorem. Hic pariter, velut alter, ad ima feretur.
 Sic alius pariter quoque major. Denique quicquid
 Ponderis adjicias, delabi semper ad ima
 Prospicies animo. Hoc etiam concesseris ultro;
 Et fortasse etiam graviori à pondere credas

De :

DISSERTATIO PRIMA. . . . 31

Descensum augeri potius, quàm posse verari.
Auge itaque usque aded, ut terras jam prorsus
adæquet,

Ut gemini existant orbes telluris, utrinque
Æmuli, utrinque pares penitus, prorsusque gemelli
Immenso circumfusi latè undique inani.

Jam rogo: num descender adhuc, veluti prius?
Hic te

Nonnihil hærentem video implexumque: Quid
inquis?

Quid tecum reputas? quid mente animoq; volutas?
Fortè neges? atque immotum consistere utrumque
Tum fortasse velis? At molem ac pondera sensim
Auximus, atque oculis descendere ad ima deorsum
Perpetuè hunc lapidem crescentem huc usque vi-
debas.

Cut ergo, ut primùm terrarum æquaverit orbem,
Protinus injecto veluti subsistere fræno

Tum primùm incipiat? Num tantâ mole superbus
Dedignetur ad obsequium demittere sese,

Contineatq; gradum? Quod si descendere perstet,
Ut prius, idq; velis; rogo te, cur hic novus orbis

Ad veterem potius tendat? cur non prior ille
Tendat ad hunc potius, cùm sint paria omnia

utrinque?

Forfan in immenso credas existere inani
Punctum aliquod, quod jure suo trahat illico
quicquid

E nihilo eruerit Numen? Non ista fateri
Æquo animo possis, nec tricis liber ab istis

Impunè exieris, nisi des concurrere utrosque
Tunc orbes (quanquam jam pridem, dispare

quamvis

Mole utcunq; forent, concurrere uterq; vicissim
Ces-

32 *PHILOSOPHIA NOVO-ANTIQUA.*

Cœperat ad staticæ leges ; ut nempe minori
 Impetus & cursus major foret , ordine verso .
 Verùm istud differre juvat , ne pondere iniquo
 Ex rerum cumulo tibi mens conferta gravetur)
 Ad causam redeo . Cùm jam concesseris orbes
 Hos geminos concurrere ; jam dabis ergo lapillos
 Hoc itidem præstare duos : modò cætera quæque
 Absorpta in nihilum fuerint ; dein tres quoque
 eadem

Lege occursum dabis ; & dabis insuper ultra
 Quotcumque è nihilo eductos prodire subinde
 Videris . Ergo vides , paulatim denique mundo
 Reddito in integrum , singillatimque vocatis
 E nihilo rebus , concurrere cuncta vicissim :
 Quod fuerat primò statuendum . At cernere nondū
 Hinc potes , ut punctum tendant ista omnia ad
 unum ,

(Quod jam propositum fuerat) nisi cuncta vicissim
 Corpora nitantur concurrere tempore eodem .
 Id porro evincam , spero , si corpora eodem
 Tempore conveniant ad centrum , diffita quamvis ,
 Ex intervallo quovis . Hinc quippe necesse est
 Ut prior ille etiam concursus mutuus , unum
 Prorsus , idemque perat sibi temporis intervallum ,
 Id superest unum nobis , labor ultimus hic est .
 Summe opifex rerum , cujus mira abdita sancto
 Terrore ingredior , qui nunc cuncta superno
 Conditor è nihilo eduxti , meque addere rebus
 Insuper hisce tuis partem , miserate , dedisti ;
 Da faciles aditus sacra in penetralia veri ,
 Quò te , rerum auctor , mortales territi adorent ,
 Agnoscantque Deum . Tu nigras discute nubes ,
 Tu pavidos gressus , tu cæcam dirige mentem .
 His rite obsequiis domino auctoriq; solutis ,

Huc

Huc ades, atque animos detergâ nube ferenos,
 Et curis vacuos mihi præbe. Hanc aspice libram
 Insertis utrinque globis (a) ex ære rigente
 Utrique extremo; quorum alter mole sodalem
 Excedit decuplò: decuplò sed longiùs alter
 A centro libræ; versâ ratione, recedit.
 Hos ita dispositos consistere utrinque necesse est
 Momentis paribus libratos: Idque fateris;
 Quippe Syracosius quondam hæc miranda reclusit
 Inventor statices mortalibus Archimedes.
 Hanc igitur libram suspensam mente deorsum
 Defer, ut in centro mundi librata quiescat,
 Centro inibi quoq; fixa suo. Tum pondera ibidem,
 Momentis æquis hâc ipsâ in sede retentis,
 Urgebunt sese, neutro superante, vicissim.
 Jam rogo; Cur decuplò major globus ille mi-
 norem

Opposito nequeat nisi detrudere, quanquam
 Corpore conetur decuplo? Quâ fiat, ut alter
 Præfractè obsistat contra? Conatibus ergo
 Mutuò contendunt inter se æqualibus. Ergo
 Ille minor quantum decrescit corpore, tantum
 Viribus excellit; defectumque impete supplet:
 Segnior ille prior, longè iste animosior. Ut, si
 Tres tibi nocturni fures convellere postes
 Nitantur, tuque obnixo in contraria tergo
 Restiteris; triplò major quàm cuique latronum
 Impendenda tibi vis est: Ni feceris; illi
 Impete discludent valvas. Haud secius isti
 Obversis globuli luctantur viribus: Hinc se

C

Ex

(a) Intellige hos globos æreos insertos lineâ ir-
 flexili, quæ transeat per eorundem centra. Nam
 sic pariter constituitur libra ab Archimede.

34 PHILOSOPHIA NOVO-ANTIQUA.

Ex æquo trudent ; Hinc librâ exemptus uterque
 Confestim ad centrum concurrent tempore eodem ,
 Quantumvis spatio decuplo minor altius extet .
 Quippe intervallo responder prorsus utrique
 Imperus , augeturque auctâ distantia , iisdem
 Legibus . At simili ratione & cætera quæque
 Corpora pervenient simul omnia tempore in unum
 Ad mundi centrum . Hinc relegens vestigia retro
 Arguo , eos nifus , natu & ratione priores ,
 Quis sibimet cupiunt concurrere corpora ; eodem
 Tempore velle suos urgendo absolvere cursus :
 Quod quia non possunt , reflectitur impetus unum
 In punctum ; atque illuc simul omnia tempore
 eodem ,

Dissita quantumvis , diversâ è sede feruntur .
 Hinc quid sit gravitas noris , nempe impetus iste
 Ingenitus rebus , punctum reflexus in unum .

Nec te decipiat quodd ligno & marmori , eadem
 Sub mole , haud par sit gravitas , hoc namque
 ideo fit ,

Quodd quantò gravius , tantò quoque densius unum
 Est præ alio ; sive interspersum id præstat inane ,
 Seu minus aut plus materię spatio sub eodem .
 Sed neque te fallat , globulus quodd parvus ab alto
 Tardiùs ad terram veniat , quàm major , eadem
 Demissi è turri . Expansum folium quoque chartæ
 Segniùs inde cadet , quàm si agglomeraveris illud
 In globulum exiguum ; quodd magnâ ex parte sit illi
 Tunc exempra superficies . Haud secius , auctâ
 Mole globi , haud quaquam modulo quoque crescit
 eodem

Ambitus , (a) ut geomètra docet ; Sed , pro ratione
 Cre-

(a) *Qua ratione minuatur superficies corporum
 similium respectu minorum , docet stereometria .*

Crescentis solidi, minor est cutis extima, corpus
 Quæ tegit; atque aded minùs officit aura cadenti,
 Contra autem tenuis pulvisculus aëre longas
 Usque moras trahit, & variis ambagibus errat.
 Hæc obiter monui, ne (quod fit sæpe) serenum
 Præsentia impediatur tenuis nubecula solem.

Sed quoniam veri lux improvisa latentis
 Perstringit radiis oculos, aciemque retundit;
 Estque tibi portenti instar, quod tempore eodem,
 Seu lapis è turri, sive idem lapsus ab astris,
 Ad metam gravium descendat; rem tibi eandem
 Luce novâ illustrem conabor reddere: quan-
 quam hæc

Pieriis numeris includere plectra laborent,
 Quodd nequeat geometra suo discurrere campo.
 Nec valeo nisi desumptis popularibus uti
 E trivio rebus, quas possim æquare canendo.

Finge igitur tibi mente globum, qualem ænea
 belli

Machina ventre cavo clausum gerit, ore vo-
 mendum:

Atque ipsum in centro mundi tibi finge repostum.
 Huic parte ex aliquâ minimùm si ponderis addas,
 Aut digito timidè percusseris exiguo iectu,
 Ilicet à medio incipiet discedere puncto.

Quodd si ipsum æquato motu, dextraque sequaei
 Summoveas recta, & sursum deducere perites;
 Tum sensim obniti contra, dextramque gravari
 Urgendo, & pondus paulatim crescere eundo
 Concipies animo; ac demum cohibere renixu
 Vix poteris. Gravitas igitur, seu nifus ad imum
 Telluris punctum, qui nullus prorsus ibidem
 Principiò fuerat, cursu agglomeratur in ipso.
 Quod sit, ut à centro quantò est distantia major,

Tantò etiam vis momenti superaddita crescat.
 Atque ideo æquali descensum tempore, quovis
 Ex intervallo fieri fateare necesse est.
 Id potes exemplo vulgari addiscere. Filo
 Suspensus globulus puncto requiescat in imo;
 Quælibet aura mover; sed quò altiùs ille per ar-
 cum

Provehitur, tantò graviori pondere sentis
 Dextræ obluçtari, & reditum affectare deorsum;
 Quò fit ut æquali decurrat quoslibet arcus
 Tempore, inæquales quamvis. Hoc prorsus in ipso
 Corpore contingit, quoties summo veris illud
 A mundi centro, & sursum deducere tentes.
 Nam si stellato defixa adamantina Cælo
 Linea nexa globo fuerit, libramine iusto
 In metâ gravium posito; dextraque sequaci
 Hunc procul a centro impuleris; non ille per arcus
 Excurret, quos tu valeas discernere sensu;
 Sed recto in speciem motu, ceuliber, ab imo
 Discedens puncto provectus in ardua tendet.
 Et tamen, ad leges exactas penduli, eundo
 Momenta acquireret semper majora deorsum.

Verùm, inquis, ratio hinc quædam, & quæ-
 dam veluti mens

Indita corporibus, sensusque animusque videtur.
 Quod si uncis atomis eadem comprehensa trahantur,
 Tum nihil ex istis affingimus. O bone! mentem
 Cur ergo hanc ipsam & sensum in corpuscula tran-
 sfers?

Nonne vides ut sponte suis egressa latebris
 Ex imo centro contendant tramite recto
 Ad lapidem emissum fundâ per inane vagantem?
 Quem, veluti prædam, confestim mordicus hamis
 Injæctis, penitusque poros ingressa patentes

Com-

Comprehensum vinculis retrahunt, secumque deorium
 In sua regna vehunt? Cur non illo impetu eodem,
 Quo primum incurrunt, non ipsum tramite recto
 Ulterius pellunt? cur, prædam nacta, repente
 Consilium mutant, rursusque feruntur ad ima,
 Inde iterum redeunt instructa tenacibus ansis?
 Nonne ista arbitrio quodam studioque geruntur?
 Namque aliud quid agit, comprehenso fure, satelles?

At quod dispicias hanc clarius, & propius rem;
 Finge tibi in nihilum rursus ista omnia verti,
 Atque unam superesse atomum dumtaxat inani
 In ipatio. Illa utique in nullam se vertere partem
 Sponte obnixa queat (nam quod se denique vertat?)
 Huic igitur dubiæ, incertiæque, morasque trahenti
 Finge aliam è nihilo egressam prodire sodalem
 Eminus extantem. Rogo nunc, an & ista quiete
 Torpescet simili? nam tertia quartaque eadem
 Segnitie ac somno pariter sopita quiescet:
 Nullaque ad officium naturæ operosa jacenti
 Præstod erit. Ergo illa, ut primum socia altera
 demum

Prodierit, monitu & sensu velut excita quodam,
 Instituet cursum. Sed quod? nam terminus olli
 Esse aliquis certus debet, ne insana vagetur.
 Verte omnes tete in partes; Nam denique in unum
 Cogaris invitus concurrere utramque fateri.
 Aspicias in nostros ut te deducere sensus
 Paulatim incipimus? Verum par, inquis, utrinque
 Occupat attonitum stupor, & nox obruit atra.
 Nam quæ istud fieri demum queat, ut lapis ille,
 Aut atomus, torpens prius atque immota, sodali
 Protinus occurrat? qui nuncius admonet? aut quæ
 Incitat improvisa manus? Quid cætera cogit
 Corpora, ut à centro quantum summota recedunt

Tantum inde acquirant momenti , ut tempore eodem

Convenient ? Verum mihi prompta solutio nodi est.

Egeris ista , velis nolis , concedere . (a) Libræ Quippe inconcussæ jam vidimus omnia niti .

At causas , latebrasque illas , quas deinde requiris , Perplexique moras nodi vox unica solvet .

Aura , tibi hanc vocem committo , hanc defer in altum ,

Si potes , ad superos , & coram Numine siste , Ingenii testem confusâ in nocte jacentis .

Nescio . Non (b) ipse hoc possit penetrare subire , Scaccia qui triplici certamine versat eodem

Tempore summotus ludo procul , omnia mente Complexus memori : Non qui (c) Vivianea solvit

Hugeniique obscura ænigmata , Leibnitique ; Nec geometriæ vinclis (d) qui claudere motum

Institit , implexum sperent dissolvere nodum . Nec pudet ignorare . Decet caligine opacâ

Majestatem operis tanti sub nube laterè , Abscondique magisterium . Te scrupulus angit

Atque

(a) Ratio ipsa æquilibrii , assignata ab Archimede , subsistere nequit , nisi in nostra hypotbesi , qua impetus gravium ex quiete proportionatos facit distantis à centro communi eorundem gravium . Hoc autem demonstratum fuit à P. Hieronymo Saccherio Soc. Jesu lib. 2. Neostatica , ut in præfatione monuimus .

(b) Hieronymus Saccherius è Soc. Jesu , Lector Math. in Ticinensi Universitate .

(c) D. Guido Grandæus , Abbas Camaldulensis , Lector Mathematicos in Pisana Universitate .

(d) Joannes Ceva meus frater .

Atque urit tenui (si cætera conspicias) in re,
 Securusque trabis, paleâ tetræris inani;
 Ut qui longævum percussit fuste parentem,
 Argentumque latrocinio factum abstulit aris,
 Deinde timet, lustralis aquæ ne quinque vel octo
 Exciderint guttæ è digitis in limina templi.
 Namque alio certè ingenio genitricis in alvo,
 Ignarâ genitrice ipsâ, molimine clauso
 Formatur fœtus. Quæ mens tot digerit artus?
 Ut venæ, ut fibræ tot in usus, ordine tanto,
 Dispositæ? ut partes nexæ insertæque vicissim,
 Exactis aded numeris, solertiâ, & artè?
 Ingenio-ne suo? quid ais? Lapidum-ne cadentum
 His conferre queas leges? Plena omnia cernis
 Consilio, & ratione; Sed artificis tamen una
 Est mens, consilium, & ratio, (a) quæ cuncta
 gubernat.

Postremò, quod distuleram, nunc accipe; Nempe
 Si duo inæqualis ponantur corpora (b) molis

C 4

In

(a) Non hic approbo eorum opinionem, quæ,
 sublatis causis secundis, naturam constituit omni-
 no inertem, nulliusque operis effectricem, Deo
 nimirum unicè operante, & singula se solo con-
 ficiente. Nulla apud hos auctores vis insita igni
 ad comburendum, nulla vis soli ad illuminandum:
 eandem ex integro efficit Deas ad mechanicas opi-
 ficum leges, quibus ajunt se obstrinxisse: quasi
 verò nescierit, aut non potuerit operibus suis in-
 dolem talem naturamque conferre, qua possent
 sibi relicta (Deo utique opem ferente) commissa
 sibi munera exercere. Absit hoc a sapientissimo,
 atque omnipotente rerum omnium Domino, cui
 omnia obediunt, omnia serviunt.

(b) Mole hic sumitur pro quantitate.

40. PHILOSOPHIA NOVO-ANTIQUA.

In rerum nihilo, sibi concursura vicissim
Utraque, sed versâ ratione; ut nempe minori
Sit præ alio cursus tantò velocior, ipsam
Quantò infra est molem alterius. Finge utraq; filo,
Diffita quantumvis, conjungi adamantino, ut
unum

Ex geminis corpus coalescat. Jamque pusillus
Hinc tibi proveniet Mundus: nam cætera cuncta
Fingimus absorpta in nihilum; Atque, ideo,
velut istâ

In rerum serie nituntur corpora quæque
In metam gravium; haud aliter tunc illa duo unum
Urgebant sese in centrum librata vicissim.
Ergo (vides) quantò moles erit amplior uni,
Tantò erit hinc motus vice versâ lentior, atque
Languidior; Secus adnexum propelleret ultra,
Jugiter urgendo, socium, & per inane fugaret
Æterno impulsu: ut navis, si incurrat cundo
In cymbam contra venientem, flamine venti
Delatam, atque æquè velocem, protinus illam
Mole perexiguam secum rapit æquor in altum.
Quantò igitur præstans ingenti corpore pondus
Majus erit, tantò evadet constantius, & vi
Ingenitâ stabit sibi nixum firmitus. Hinc fit
Ut mole immensâ, atque immani pondere Mundus
Consistat; nec eat gravibus sponte obviis ullis,
Sed stans aspiciat labentia corpora ab alto.

Hæc mihi jam versata diu. (a) Hinc penitus
Galilei

Mobilium emanant leges; hinc illa cadentum
Exoritur ratio ad seriem imparium numerorum;
Hinc geometriæ quamplura recondita nobis
Ex improvisò in lucem venire reperta,
Cunctaque jam longo studio sibi consona vidi.

(a) En

(a) Ex eo quod gravia, demissa ex quiete, eodem tempore ex quavis distantia perveniant ad centrum, demonstratum fuit a P. Hieronymo Saccherio S. J. in sua Neostatica lib. 4. prop. 2. incrementa velocitatum fieri in ea ratione quâ crescunt sinus recti desumpti in circulo, descritto à centro terræ, ejus semidiameter sit recta, jungens centrum ipsum terræ cum illo puncto spatii, unde ex quiete incipit grave descendere. Sed quoniam initio quadrantis prædicti sinus proximè accedunt ad rationem assignatam à Galileo; accirco in hac immensâ distantia, in quâ sumus à centro terræ, ejusdem Galilei demonstrationes assumi possunt tanquam physicè veræ, licet in rigore mathematico minimè subsistant. Quod verò gravia demissa ex quiete, eodem tempore perveniant ad centrum terræ, id demonstratum pridem fuit à nobis in nostro libello de naturâ gravium; quod postea luculentius ex principiis notioribus demonstratum fuit ab eodem P. Hieronymo Saccherio in sua Neostatica.





DISSERTATIO SECUNDA.

A R G U M E N T U M.

Innuitur systema, quo Natura motu rerum perpetuo agatur. Inde tamen sequitur necessitas aliqujus formæ Peripateticæ, quæ à Gassendo etiam tribuenda est suis atomis; quanquam nonnulla, sed pauca, fieri possint ex diverso positu corpusculorum. Systema Cartesii impugnatur. Philosophiam veterem inventis recentiorum quamplurimis esse instaurandam.

HIS ita compositis, quantum finit ingenii vis.
Non tamen inde satis consultum rebus :
& istis

Naturæ vicibus, quas cernimus, hæud satis usque Provisum. Quippe his demum concursibus illud Postremò efficitur dumtaxat, ut omnia in unum Convergant punctum, inque vicem connixa quiescant.

Æternos natura autem petit incita motus Implexos, varioſve, quibus miscerier omnia, Mistaque secerni possint, iterumque coire, Et varias facies fortiri, & sumere formas Nunc has nunc illas, partim ex concursibus istis, Partim ex integro. Verùm hîc caligine rursum Obruimur cæcâ; nec fas nisi, ut abdito in antro, Attrectare manu, siquid fortasse teneri Prenſative queat.

Fin-

DISSERTATIO SECUNDA. 43

Finge ergo, hos præter nifus, queis corpora quæq;
Undique conantur descendere ad infima mundi;
Finge alios quosdam diversis rebus inesse,
Queis sese fugiant nonnullæ, aliæque vicissim
Nexibus, & nodis sese amplectantur amicis;
Non tamen è spatio quovis, sed, limite fixo,
Ex intervallis certis, ceu mobile ad aurum
Convolut argentum, atque alia innumera. Hinc
tibi motus

Perpetuus fortè exurgat, retrahentibus illis,
Ast aliis contra revocantibus; hinc fera bella,
Et plexus varii, atque à centro devia sæpe
Nunc hæc nunc illa, hinc lites, permistaque cun-
cta.

Nec tamen hæc statuo, longo meditanda recessu
Ad leges certas, sed quadam indagine fingo:
Quæ, nisi convenient rectè scitèque, relinquam.
Verùm Epicuri, inquis, ruit hinc respublica,
cui lex

Immota & stabilis, præter motum atque figuras,
Nil aliud posci: Atque aded natura quibusvis
Una eademque atomis danda est, discrimine nullo.
Nam species varias si finxeris, illico regnum
Obtineat vetus illa, putris, macieque peresa,
Explosa, exosa, atque hujus jam fabula seculi,
Illa, inquam, (at quænam? dic ocyùs, obsecro)
Forma.

Forma malum, quo non terris præsentius ullum,
Monstrum horrendum ingens, egressum in lumi-
nis auram

Exantro, abstrusum dumis, latebrisque Stagiræ,
Raucifonis implens clamoribus atria Athenis.
Non ita pannosam tunicam, hirsutumq; cucullum,
Et claustra, & cinctum è corio vel fune gregales
Cal-

44 PHILOSOPHIA NOVO-ANTIQUA.

Calvini exhorrent , ut formas , & Peripatum
Exulta ingenia , & doctis congressibus arcent :

At paulùm subsiste , rogo : nam Mexici odoro
Se prodit fumo , media inter jurgia , potus ,
Qui lite est potior . Mentem instauremus uterque
Nectare Palladio , quo non præsentiùs ullum
Iratos lenire animos , & tergere nubes
Affusas cerebro . Vos ò , quos Martius ardor
Nunc agit armatis excurrere classibus æquor ;
Hesperii siqua oceani eluctata procellas
Navis ab extremis hanc mercem deferat Indis ,
Secura huic maria , & tutos permittite portus .
Jupiter hoc hauſtu , superis cùm bella moveret
Natio Terrigenùm , postquam de nube locutus
Concilio in magno , cyathis spumantibus altè
In patinis circumlatis , inque orbibus aureis ,
Dicitur excepisse Deos : quo munere lata ,
Belligerantum inter divùm sæva agmina risit ,
Atque suum pariter strinxit Cithereia telum .
Ergo sublaris cyathis Parnassia versùs
Culmina , vere novo teneris mihi florida lauris ,
Hæc , (a) Grimalde , tibi libentur pocula , dona
Nempe tua : è nostris quem nunc Urbs regia Jani
Longinquum terris patrio tenet inclyta Cœlo :
Quo socio quondam , Naturæ arcana docente ,
(Qui mores ! qui candor erat !) tecto sub eodem ,
Tres mihi præcipites , rapidi instar fulguris , anni ,
Quos minimè sensi , fugere . At tu , Libitina ,
Ausa Grimaldæ gentis decerpere nuper ,
Romuleo quondam tingendum murice florem ;
Ausa deinde alio luctum accumulare priorem
Funere ; quantumvis pietas tibi pectore nulla ,
Tantisper nigram ex oculis tibi detrahe vittam ,

MO-

(a) *Joannes Baptista Grimaldus è Soc. Jesu.*

DISSERTATIO SECUNDA. 45

Mœrentemq; domum, Patriæq; dolentis amorem,
Quosque viros letho dederis, sæva, aspice. Lustra,
Atq; annos totidem, quot nuper acerba (a) nepoti,
(b) Germanoq; ferox rapuisti, huic te addere vitæ
Par est, & longum permittere stamina in ævum.
Non aliter pensare queas crudelia fata.

At satis: ad pugnam redeo, litemque resumo.

Formam igitur, primæque vocabula materiai,
Atque alia id genus horrescis ludibria seclii.

At bona verba. Papyraceis vin' tu duodenis,
Pulvere Brasílico fartis, certare cilindris,
Aut totidem lectis è Mexici aromate quadris;
Si te ego, tere, inquam, Peripati hunc denique
morbum

Hisce tuis atomis hærentem admittere cogam?
Huc ades, atq; hæc scitanti mihi differe. Primum
Hoc peto, num cuivis atomo quidam impetus insit
Ingenitus, quo sese agitet, cursusque recursusque
Instituatur varios? Hoc, inquis, cardine tora
Rerum agitur series: Gassendi huic machina, &
omnis

Incumbit moles: Nam si corpuscula ponas
Torpida, nil fiat. Rursum peto an impetus iste
Sit teres, an scaber, an durus? cubica ne figurâ
Constet, an octaëdra? quid ais? Deliria rides;
Namque aliud quiddam est diversum prorsus, &
expers

Corporis omnino; atque ideo nec fingere longum
Nec latum, solidumve potes. Rursum peto: quid
Concipias atomum vim perdere funditus istam?
Tum quid erit? Ceu corpus, ais, cùm vivere tan-
dem

De-

(a) *Ottavio Grimaldo.*

(b) *Jo: Jacobus Grimaldus F. Alexandri, q.
Reip. Genuesis Ducis.*

46 *PHILOSOPHIA NOVO-ANTIQUA.*

Desit, exanimum nimirum ac segne cadaver.
Ergo animæ est instar tuus impetus iste? quid in-
quis?

Hoc pariter dandum est. Igitur jam denique for-
mam,

Formam illam exosam Peripati, incaute, dedisti;
Nempe aliquid (quocunq; velis id nomine dici)
Hospitio velut exceptum corpusculo in ipso,
Quod nequeat sine tecto aliquo subsistere per se,
Principium, unde illi motus ab origine manant.
Hunc ergo abstrusum lemurem, quo concita agun-
tur

Sponte suâ hâc illâc corpuscula, quomodo tandem
Excludi, includi, augeri corpusculo in ipso
Posse putas? quo rere modo, dum missile vibras,
Impetus ille novus tibi prodeat? E nihilo-ne
In rerum numerum profers? Hunc tu prius ergo
Frange mihi nucleum; tum denique sic fere eodem
Ingenio educi formam quoque concipe flammæ.
Scilicet ex æquo solvendus nodus utrique est.

Verum, inquis, formæ jam ferme desit usus.
Nunc alii mores: mutanda vocabula saltem:
Longè alio siquidem graditur Sapientia comptu,
Cyclade nimirum tessellis vermiculata.
Desuetos iterum-ne velis inducere pannos?
Non istud volo; Sed mistum ex prisco atque recenti
Nescioquid medium, quò tutò incedere possis.
An quoties tibi more novo variatur amictus:
Iccirco interula, atq; cutis simul usque novanda est?
Sit modus; atq; aliquem servet mens æqua tenorem.
Non ego nimirum compingi posse negarim.
Particulis quædam variis, quæ corpus in unum
Conciliata, queant plexu posituque videri
Admiranda novo. Sic cœnam in nube Deorum,

Ur-

Urbinatis opus, postquam spectaveris ore
 Immoto, tibi contemplanda subinde tabella est
 Pulcriculis variis, & grumis fœda colorum,
 Quam gerit insertam lævo de pollice pictor.
 Hæc series confusa croci minique subacti,
 Peniculo ducta in telam, radiantia tecta,
 Reginamque Deum stellatâ in veste nitentem,
 Depositoque Jovem prandentem fulmine præbet,
 Usque aded situs, atque ordo, juncturaque pollent.
 Haud aliter variè mistis natura elementis,
 Dispositisque poris, cæcisque meatibus; indè
 Fortè dabit picturatis tibi marmora venis,
 Forsan denticulos etiam mordacis aceti,
 Atque olei & gummi lentorem, & paucula quædam
 Quæ possunt macræ, ac steriles præstare figuræ.
 At non exemplis, fodes, rerum omnium ab istis
 Desumenda tibi ratio est; neque literulis quod
 Ex paucis tam multa vocabula conficiantur,
 Inde supercilio elato deduxeris aptè
 Legitimèque, ergo simili quoque cætera passim
 Pertexi naturæ opera, absolvi que labore.

Finge etenim augeri corpuscula singula duplè
 (Namque id mente potes facillè) Sic aucta deinde
 Auge iterum atque iterum, donec tibi singula mole
 Equiparent coctos lateres, & saxa viarum
 Multifida: id pariter facillè tibi fingere possis.
 Ergo, ubi quæque atomus sic demum creverit; oro,
 Ex his congestis quid fiat? Nil nisi murus,
 Credo equidem, & cumuli diversi, & plena tumultu
 Orta ex concursu lapidatio. Contrahe rursus
 Illa eadem in parvum, ut prius. En tibi protinus
 ex his

Surgere equos, mugire boves, splendescere solem,
 Conflari stellas, fontes, animantia, flores,

Et

48 PHILOSOPHIA NOVO-ANTIQUA.

Et quidquid cœlum complectitur. Omnia porro
Hinc tibi jam veniunt? Hæc cæmentaria nuper
Corpora tam subito didicere pusillula mundum
Conficere? Hæc verò tantatum machinarum,
Quam cæco obsequio poteras nescire; pusillam
Ridiculamque aded tandem tibi definit in rem?
Sunt quædam interdum falsa atque absurda tuenti,
Quæ tamen haud possis aded usq; refellere, ut armis
Depositis veniam & vitam adversarius oret.
Mens tamen æqua videt quàm recto à tramite veri
Longè abeant, atque ingenitâ à ratione recedant.

Præbe animos mihi sedatos tantisper, & omni
A præjudicio exemptos. Pulvisculus ille,
Quem mortariolo contusum conspicias, albo
Dilutus vino, post cœnam sumptus, opacis
Anxia corda levat nebulis; tum roscida inumbrat
Paulatim cerebrum nubes; Hinc lenis obortus
Somnus in auctorem trahitur; quo denique terro,
E strato surgis generosior Hercule; crustum
Continuò Cereris poscis cum flore meraci:
Dein famulo emptori committis prandia, orexi
Singillatim escas dictante; ac denique vires
Exeris in saltus: læta omnia, fausta, beata.
Hic alius contra: (a) similis licet usque priori,
Et geminus prorsus, quantum ovo consimile ovum,
Et cerasum ceraso; tamen exitiale venenum est.
Hoc tibi, per cæcum errorem, fataliter hausto,
Illico lethalis sopor ingruit, obruitur mens,
Inde atri vomitus misti singultibus, ora
Plumbea, liventes maculæ, gelidique per artus
Sudoris guttæ; mox densus anhelitus, & nox
Interfusa oculis: tum demum nuncia mortis
Deli-

(a) In liquoribus manifestior similitudo, et
veneni tantior latebra.

DISSERTATIO SECUNDA. 49

**Deliquia. Hinc nati, & famuli, hinc foror,
ægraque conjux,**

**Confusæ luctu; hinc prope cervicalia Mystes,
Accensâ cerâ cum sacri aspergine roris.**

Tandem animam, extremis luctatus viribus, efflas.

Tota tepentino vicinia territa casu

Per fora perque domos vario rem murmure narrat:

Atque hæc cuncta uno confecta tragædia sole.

Unde aded gemini discrimen pulveris? unde?

Per superos rogo. Particulis nempe ille rotundis

(Respondere ausit quisquam) constabat? at iste

Particulis quadris? Ne quis mihi, Iupiter, ægro

Adsit vespillo medicus, qui talia cæco

Absorbere animo possit; cui caseus, & lux

Particulis constent iisdem; demptisque figuris

Diversis, nihil esse putet discriminis inter

Res ipsas.

Ergo (velis nolis) dandum est (ut de impete nuper

Ostensum) quædam diversis rebus inesse

Indita principia, ut vivis animantibus insunt,

Unde fluant velut ex occulto cætera fonte.

At toties cantata redit jam nœnia: mentem

Ingeniumque secus tribui rebus sine sensu.

Cur autem? Quodd nempe, ajunt, si in pulveris ollam

Nitrati fortè inciderit scintillula; forma

Confestim flammæ, monitu velut excita, coram

Improvisa adsit. Ne rursus hancingere crambem,

Te quæso; In te ipsum redeunt hæc tela retorta.

An tua fortuitò corpuscula mota vagantur

Instar crabronum, cæcisque incurribus acta

Conficiunt casu res cunctas? Non ita certè.

An Deus ipse manu, ceu nutrix sedula passus

Infantum nondum firmos, ad singula quæque

Has ipsas atomos regit ac movet, ut typhelion

D Ar-

50 PHILOSOPHIA NOVO-ANTIQUA.

Arte characteres dum verba ad singula jungit,
Aut veluti filis in scenam icunculæ aguntur?
Id quoque, credo equidem, nunquam concesseris.

Ergo,

Cùm neque vi externâ, nec cæcâ forte ferantur;
Et parte ex aliâ videas tanto ordine cuncta
Consilioque opera in lucem prodire; quid inferst?
Ingenium-ne atomis, & vim rationis inesse?

At tu postremò Cartesii in intima regna
Vorticibus circumseptus subduceris; atque huc
Machina nulla, inquis, nec vis sese inferat ulla.
Per me utique hâc turò tibi fas consistere in arce,
Nil siquidem adversùs contendam; dummodo, ut
auctor

Ipsemet ingenuè summisâ fronte fatetur,
Tu quoq; pronus humi, divina arcanaq; adorans,
Non ita dispositam naturam à numine credas.
Sed quoddam meditantis opus rude, quale miselli
Mortales tentare queant. Sin prorsus idemmet
Consilium summi artificis, mentemque supernam
Indagasse putes; aut illum, suppare saltem
Invento, certasse velis cum Numine; fastum
Tunc execrandum averfabor & impia dicta.
Namque opus ipse suum Deus abdidit; idq; disertè
(a) Afferuit nunquam inventum à mortalibus iri.
Nec me homini infensum reputes, quem vexit ad
astra

Fama ingens meritò;quòd nempe in sacra mathesis
Arcana, ignotum per iter, deducere primus
Mortales potuit, quò gressum inferre vetustas
Nunquam ausa. Hinc illi partum decus; hinc

(b) opus illud

Æter-

(a) Eccl. c. 3.

(b) Geometria Cartesii.

DISSERTATIO SECUNDA. 51

Æternis lauris vinctum, immortalibus aris
 Ipsa suo, ipsa, inquam, defixit gloria Templo.
 Tu verò huic vasto pelago committere primò
 Debueras puppim. Verùm tibi fortè procella
 Littore solventi, noxque improvisa repentè
 Ingruit. Hinc trepidè quantocyùs humida nimbo
 Vela retorsisti; nec te maria aspera rursus
 Tentaturum olim cymbâ, Libycosque sonantes,
 Juraisti tacitè per cærealeam Amphitriten,
 Neptunumq; tridentigerum valda falsa tenentem,
 Motivâ appensâ ante aras fortasse tabellâ.
 Nunc demum liber, multo mihi turbine versam
 Materiem in gyros memoras; nempe illud inane
 Immensum spatium, quod nobis fingimus; atq; hinc
 Attritu assiduo (prolixa est (a) fabula) natos
 Orbiculos quosdam, ramenta, & segmina quædam,
 Deciduaq; scobem; atq; ex his, velut ex elementis,
 Sydera conflata, & terras, volucresque ferasque
 Arduus ore sonas. Nec fas obistere contra
 Unanimi consensu hominum, quibus ista pœsis
 Auribus arridere nequit. Quippe ocyor ipsâ
 Materie in gyrum versâ, velut ursus in antrum,
 In præjudicia à primis vagitibus hausta
 Continuo fugis; atque istâ conclusus in arce
 Tutus inaccessusque latens jacula omnia rides,
 Livoremque putas bilemque quodd' hiscere contra
 Quisquam aulit. Justo, precor, ingenioq; dolori
 Da veniam. Divinum istud, quod suspicis; istud
 Admirandum opus augustum (vox exeat ore
 Libera) crediderim-ne unquam fore prorsus id
 ipsum

D 2

Quod

(a) Sic ipse met Cartesius, non minùs mode-
 stè quàm verè, suam mundi fabricam appellare
 commentum solebat. Vide refutationem hypotbe-
 sis Cartesianæ apud P. de Cboles.

52 *PHILOSOPHIA NOVO-ANTIQUA.*

Quod pistor nocturnus agit sub fornice nigro,
 Cùm sedet ad mactram, cùm sibilat, aut canit ore.
 Dum cribro interea setaceo in arcâ abiignâ
 Disposito, in gyros fractos triquetro axe rotato,
 Pars molitæ Cereris subsidit crassior imo
 Furfur iners alveo, pars tenuior avolat altas
 In sedes, recidensque alias ascendere rursus
 Particulas vario contritas turbine cogit?
 Nam quid præterea secus egit conditor hujus
 Augustæ molis, spatio circum undique verso
 In gyros varios? Nimirum, exinde retractâ
 Cùm stetit ille manu contemplans ecquid ab illo
 Attritu ingenti prodiret; Sydera sponte
 Accendi cœlo, sensim lucescere solem
 Ac Lunam, & terras paulatim emergere vidit?
 Non aliam, nisi motoris, faber ergo supernus
 Partem opere in tanto sibi vindicat? Unicus ista
 Tam variè, ac scitè confecerit omnia turbo?
 An, si cerussam pictor miniumque molari
 Dum terit in gyrum saxo, subigitque colores
 Vorticibus faciliè addiscendis; inde relinqui
 In lapide expictum florem, aut arbuta videres,
 Atque artem hanc ipsam quivis dignoscere posset;
 Hunc tu pictorem eximium summumque putares?
 Non opus hinc mundi pariter vilescere sentis?
 Non verti obsequia in risum? non denique menti
 Infedisse velut stolidum somni simulacrum?
 Longè alio ingenio studioque horaria certè
 Machina construitur: Majori indagine, & arte
 Fœmina pingit acu telas: Solertia fœdis
 Denique araneolis, apibusque industria major.
 Deinde quid hinc lucri? Nil prorsus. Quod Peripato
 Objicitur toties, quadam virtute latente
 Perplexos nodos, atque ardua quæque resolvi;
 Hoc

Hoc itidem præstas. Nam quidquid denique rerum
Abs te quæsierim ; globulis, scobe, segminibusque,
Quæ nemo videat, miserè extricare laboras.

Verùm, inquis, systema novum fas cuiq; volenti
Cudere pro libito. Sic leges juraque cælo
Astronomi nova præscribere ; nec inde putandum
Orbibus iccirco versari prorsus iisdem,
Quos illi arbitrio statuerunt, more recepto.
Nam veri species, quoties nil possumus ultra,
Ipsa etiam placet, ut vitrum pro divite gemmâ,
Ut picti minio flores, & cerea poma,
Cur non Cartesio id pariter licuisse velimus?
Omnino licuisse volo. Quin obvius ulnis
Hoc ipsum excipiam; modò congruat undiq; vero,
Naturæque imitetur opus, passimque receptis
Sensibus à Mundi exortu respondeat. Atqui
Hinc mihi tota perit statice, quam funditus aufert
Ille rapax turbo, unde emendicanda subinde est
Corporibus gravitas, eademque precariò habenda
Externo à domino. Perit omnis vita animantum
Brutorum, sensu quovis animaue carentum;
Erroremque putas haustum nutricis ab ulnis
Quòd credam sentire canem sua vulnera, fuisse
Percussum querno, miserè queruleque larrantem.
Ergo his à præjudiciis ut libera sit mens,
Constituenda tibi tam claro in lumine res est,
Ut dilucidius mihi constet, quàm fore vivum,
Et sentire famem, fustisque viæque labores
Quadrupedem obnixo dorso carpenta trahentem.
Nam facile est cuivis systemata cudere, si quæ
Exinde in solem veniant immania monstra,
Terriculorum instar nocturnorum esse velimus,
Errores nempe ingenitos, animisque coævus.
Principiò statuenda igitur fundamenta molis.

54 PHILOSOPHIA NOVO-ANTIQUA.

Firma solo . In primis , spatium , quod fingimus ante .

Exortum mundi , non esse aliquid merum inane
Et purum nihil ; indè illud potuisse rotari ,
Comminui , & frangi : Namque ipsum immobi-
le , fixum ,

Et stabile opponam . Quod si tamen usque moveri
Præcipias ; alio id fieri in spatio , velut amplo
Immotoque loco , objiciam (a) . Statuenda deinde
Perpetui series motus , ne machina sensim ,
Viribus oppositis eliso denique motu ,
Obdormiscat , & in semet defixa quiescat .

Nec dabitur , quod sponte rapis , quandam esse
perennis .

Mensuram fixam motus , ut corpora quantum
Illius amittunt , tantundem in cætera , prorsus
Illæso censu , præscriptâ lege , refundant .
Centum alia exinde ad trutinam revocanda tibi
sunt ,

Quæ nisi constituas , latratibus usque molossus ,
Atque equus hinnitu contra , & pecus omne re-
clamet .

At contra insurgis : Facilis jactura animantum ,
Et staticæ interitus ; modò cætera corpora nasci ,
Tellurem , æthereos orbes , solemque nitentem ,
Et lucem , & stellas videas . At nox mihi densa
Officit , ut penitus nihil ex his cernere possim .

(a)

(a) Quod autem asserunt , materiam perpe-
tuo rotatu circumagi ab ipso met Deo , ad con-
ficiendas res singulas , quæ non aliud sunt nisi
mera plasmata , id à nobis jam alibi rejectum
fuit .

(a) Nomina stellarum nascuntur, nomina lucis (Quæ tu pro libito imponis) sed nomina vana. Verum, inquis, quibus est animus mensq; acrior, ista Luce palam manifesta vident, mirantur, adorant.

Audi fabellam. Pictor promiserat olim, Exornandæ aulæ veteri, pluvialibus Austris Fornice squalente atque atro, promiserat, inquam, Arte novâ mirabile opus, quod nemo videret Ex vulgo stolido & crasso; sed cernere tantum Egregii artifices possent: murumque reliquit Intactum ac nudum, veluti prius. Inde coactis Sollicitè ex totâ sociis pictoribus urbe, Qui fraudem norant; palis & ponte refixo, Expectata diu miracula protulit artis.

Illi, ex condito, rem miram attollere cælo, Immotisque oculis hæere: hæere, velut grus; Ipse etiam dominus, Bæotum de grege pingui, Artificum intentus dictis. At cætera turba Pars premere ora manu, fracto erupente cachinno, Quodd nihil extaret: pars toto quærere frustra

D 4

For-

(a) Ea corpora, quæ ex tribus elementis Cartesi conficiuntur, ex pulviscula nimirum, sphaerulis & ramentis spatii, rotatu assidue triti, ea, inquam corpora quod appellantur ignes, sydera, &c. nihil moror. Sed quæstio superest utrum sint isti ignes, quos experimur, ista sydera, quæ intusmur. Cum enim eorum corporum essentia, juxta hos auctores, in sola extensione consistat, ideoque non aliud iisdem insit nisi longitudo, latitudo, & profunditas; atque insuper cum careant omni vi activâ sibi ingenita, nec iisdem sit interspersum ullum vacuum, ideoque sint æquè densa; si mente sana considerentur, sunt corpora seu potius spatia omnino homogenea:

36 PHILOSOPHIA NOVO-ANTIQUA.

Fornice picturam : pars denique nescio quiddam
 Visa videre sibi magnum & mirabile, crustas
 Inter, & antiqui maculas & vulnera gypsi.
 Illuc conceptas animo transferre figuras,
 Et maria, & nemora, & varios sibi fingere vultus:
 Quâ specie illusi miseri, pictoribus illis
 Eximiis, studio concordi, adjungere sese,
 Luminibusq; carens reliquum contemnere vulgus :
 Nunc ad rem venio; Nec enim fabella ad amissim
 Intento quadrat, nec ad unguē atq; angulo ab omni
 In rem tota cadit. Docti mirantur, ut æquum est,
 Ingenium sublime hominis, quodd, nemine cæcis
 In tenebris præeunte hominum, molimine magno,
 Quantum mortalis poterat, compingere mundum
 Ex integro ausus fuerit; quodque omnia ferme,
 Quæ poterant quaterere hanc molē, præviderit ante;
 Et variis fulcire modis utcunque ruinas
 Tentarit: Nonnulla vident quoque proxima vero,
 Vera etiam plura hæc illac dispersa nitere
 Instar gemmarum atque auri. Non attamen ullus
 Congruere iccirco naturæ talia censet;
 Nec demens aded quisquam est, qui credere possit
 Extare hanc seriem (non auctor credidit ipse,
 Affuetus ridere sui molimina mundi)
 At siquos nacti fuerint, quos sentibus aspris
 Antiquæ Sophiæ nemus hirtum læserit olim,
 Vix delibato *blisteri* florentibus annis:
 His facile & dulce est imponere. Turbine in illo
 Cuncta vident isti subito manifesta, virumque
 In censum venisse putant trans nubila euntum,
 Si tenues cineres Phœbeâ à luce relinqui,
 Si luctas animi varias, iramque, pavoremque,
 Atque odium nasci quadam de glande cerebri;
 Idque genus nova combiberint arcana. Quod olim

Anti-

Antiqui sensere sophi, ceu sordidi aheni.
Jus pingue, ut tigni cariem, ut ruta cæsa, lutumve
Illico despiciunt; & aduncâ nare prehensum,
Hinc atque hinc versum cum ritu, nec sine sputo,
Projiciunt; vix prætextam deposuisse,
Et sumpsisse togam, sapere & grandescere supra
Vulgus iners, priscis ubi nempe incognita seclis
Ex peregrino aliquo figmenta excerpta libello
In medium tulerint. Scio me non tempori, ut est
mos,

Deservire, nec ad Zephyros vertisse secundos
Vela, parum gratis usus fortasse juventæ
Carminibus. Sed nec thuris piperisque cucullos
Sic metuo, ut valeam sacri contemnere veri
Jura fidemq; datam. Quamquam verò ista refellam,
Atque absurda rear: Non me tamen hispida quæ-
que

Ammoni, ex Arabum densis excerpta rubetis,
Nec Gothicis quæcunque typis venalia prostant
Simplicii, ut sancti custoditique penates,
Addictum teneant mysteria sacra tremementem.
Nam quo jure velis Peripati in gymnade Athenis
Dumtaxat sedem regnumque habuisse Minervam?
An, velut Adriacum rhombos mare, Aricia portos,
Illuque fert chalybem, sic olim illa atria verum?
Perniciosa æquè novitas, & cana vetustas,
Ni verum ingenuè, idq; unum, mens libera quærat.
Ergo, uti quadrimo vino superadditur hornum,
Uvaeque Phœbeos radios perpeffa Novembri;
Haud secus inventis sapientia prisca subinde
Instauranda novis. Jam terror panicus ille
Excessit vacui, cujus formidine quondam
Afferuere boni veteres ascendere lymphas
E puteis, quas irriguos deducit in hortos

Ante

Antlia : (a) Longè aliis natalibus iris Olympo
 Edita , quam genitam prisci de nube putarant .
 Systema ætheræ molis tubus opticus omne
 Subruit antiquum : Fluidos permissa vagari
 Sydera per campos . Ventis nova prorsus origo
 Accessit , penitusque aliis super æquora pennis
 Ire datum . Gravium descensibus ordine certo
 Præscripti numeri . Detractus inutilis ignis ,
 Immenso obvallans terras atque aëra gyro .
 Quid memorem antiquis ignotum sanguinis orbem
 Perpetuum in venis ? (b) certos labentium aquarum
 Ignotos modulos ? vix nota Dioptrica , & usus
 Magnetis varios , genitosque à luce colores ?
 Paulatim studiis crescit sapientia . Verùm
 Interdum est rabies quædam , livorque senilis ,
 Qui juvenes ægrè patitur potuisse aliquid plus ,
 Atque aliquid melius sensisse . Hinc cessa more
 Structa novo , & comptus peregrinæ vestis , & ipsa
 Obliquis oculis nova condimenta tuentur .
 Hinc retum historiæ veterū , documentaq; avorum ,
 Ad quamcunque ansam longo redeuntia nexu .
 Nil verò lethale aded , quàm sectæ inimicæ

Fla-

(a) *Iridis explicatio apud Aristotelem obscurissima . Apud antiquos auctores tentata infelicitè . Figura nubis nihil ad rem confert ; neque enim in nube , sed in guttulis decidentibus Iris pingitur ; quarum ea tantum diversimode colorantur , ex quibus radii solares sub certis angularis ad oculum reflectuntur . Hinc arcus circularis , hinc colorum varietas , & cætera , quæ in hoc miro phænomeno apparent . Hac autem debemus novæ philosophiæ .*


(b) *Aquarum justam distributionem Benedicto Castellio debemus , earundem velocitates , pro diversis ipsarum incrementis , à Torricellio accepimus .*

DISSERTATIO SECUNDA. 59

Flagrantes odiis, laudisque insana cupido,
Atque addicta uni servilibus obsequiis mens;
Quod fit ut errores varios trahat unius error,
Ceu magnes ex ære scobem, dum cogimur ægrè
Falsum aliquod clarâ deprensum in luce tueri:

At nox stellato terras abscondere velo
Incipit, injectâ dirimens certamina veste,
Indicitque manu tranquilla silentia Musis.
Sydera, de vestris, ubi crastina fulserit Eos,
Prærapidis gyris mihi sacro è colle canendum est
Pierias inter lauros, Heliconis ad undam.
Vos adeò in tenebris placido advigilate sopori,
Ne simulacra animos percellant atra quietos,
Roriferam donec conscenderit alma quadrigam
Aurora, impuleritque manu radiante jugales.





DISSERTATIO TERTIA.

ARGUMENTUM.

Ex stellarum fixarum motu æquabili mundum aliquando cœpisse, eidemque præesse aliquem arbitrum ostendimus. Philosophia Lucretii refellitur. Demonstratur dari aliquid, quod non sit corpus. Inane Epicureum excludi penitus à corpusculis: nec posse ex iisdem stabilem machinam coalescere. Cur nonnulli affectent bujuscmodi Philosophiam. Epicuri ingenium puerile & rusticum. Ejus principia absurdis quibuscunque adstruendis accomodari; quod instituto cum eodem dialogismo ostenditur.

JAmque aurora vitris è cœlo pervigil aurum
 Quadrigæ ætheriæ roseis splendoribus infert;
 Parietibusq; suum candorem reddit, & almam
 Lucem impertitur libris, sensimque revelat
 Appensas divûm effigies, noctemque coruscis
 Peniculis delet paulatim, atque omnia inaurat.
 Summe Pater, cujus cœlesti munere solem
 Hunc hodie aspicio, atque auram respiro, diemq;
 Ingredior, te pronus humi, te, Numen, ab alto
 Cuncta regens nutu, rerum moderator, adoro.
 Ut lætus deinde aggredior consueta diei
 Munera! ut hesternos juvat instaurare labores!
 Pro-

PHILOSOPHIA NOVO-ANTIQUA. 61

Protinus ire lubet per colles & juga Pindi
Umbriferi, atque his atque illis assidere myrtis,
Atque hos atque illos passim decerpere flores;
Non secus ac volucris, tecti sub fornice nidos
Quæ parat, ore legens, crebro per rura volatu,
Materiem solers operi. Tum me excipit alma
Stellato Uranie tecto, cui circinus aureus,
Aureaque in manibus norma, & globus astrifer
aureis

Distinctus stellis. Illa autem affusa perenni
Undique luce docet quas servant sydera leges,
Quàm varios ineant cursus, & quot nova cælo
Prodiderint vitreæ priscis incognita lentes,
Atque alia innumera instaurat solatia menti.

At tu isthæc rides, qui luxu divite segnis
Otia longa trahis tecto, auratoque per urbem
Inveheris curru, cui sex Hollandia misit
Corpore præstantes niveo candore jugales;
Teque aded reputas meliori sorte beatum.
Demens! His ego deliciis æquè fruor ac tu,
Crede, miser. Nam cuncta oculis hæc denique vulgi
Pascendis multo ære prius sumptuque parasti;
Quorum ego spectator quoque sum, quoties vo-
lo: nec me

Anxia cura angit ne rubris ungulæ equorum
Intumeant cancris, aut ne cristallina septa,
Emissi lapidis, convectæ vel trabis ictu,
Diffiliant, cænoque atro fordescat Apollo
Quadrigæ à tergo pictus. Quid cætera narrem,
Aut conferre velim? Prius in declive ruens sol
Fræna resolvat equis, quàm singula promere
possim.

At mihi villa, inquis, frondoso in vertice collis
Haud procul est, pictis ubi cedrus plurima in urnis
Pi-

62. DISSERTATIO TERTIA.

Fictilibus, sylvæ, & saltus venatibus apti;
 Et meditor longum callem protendere ad usque
 Perspicuum fontem: atque illic disponere Mulas
 E saxo nostrare, & equum fortasse marinum
 In medio stantem. Juvat illic sole flagrante
 Et sero autumno tranquillos ducere menses.
 Hinc è turriculæ speculâ prospectus in annem,
 Hinc horti, gelidique specus, piscosæque stagna,
 Atque feræ cicures, & aves, & cætera; quæ si
 Ipse etiam censere velim, prius oceano sol
 Mergat equos, quàm cuncta queam numerare.

Nec ista

Invideo tibi. Me vitreis procul Addua lymphis
 Autumno tenet: At longè felicior illic
 Sors mihi, cui nullæ vexant ea tempora curæ.
 Non mihi prandenti turbatus nuncius affert
 Dissiluisse orbem ferratum dolii, & omne
 Exundare solo mustum: Non in calathisco,
 Byssus ubi, Phrygiumq; opus, & fila aurea, agrestem
 Consedisse canem, & scabie infecisse cruentâ
 Fœmineos sumptus; nec venti turbine fracta
 Instauranda vitra: His alii, queis cura, medentur:
 Tu magnâ interea turbâ comitante, molossis
 Avius hâc illâc; latratu & cornibus umbras
 Infestas nemorum, & vallem clamoribus implet.
 Inde domum repetis fessus; nam te egit anhelum
 Per juga, perque hirtas sepes, virgultaque cursa
 Et multo sudore lepus; qui denique sero
 Vespere subduxit sese, longumque diei
 Conatum ludit. Mihi jucundissima præda
 Per virides colles, nemorosæque tesqua vaganti
 Fortuitò inventus fungus, qui stans pede in uno
 Expectat, patiensque finit se crure prehensum
 Divelli, atque manu sublatum in tota referri.

Sed

Sed quid ego has nugas & inania persequor amens?
 Nec tu etenim felix, nec ego, nisi utrique voluptas
 Venerit ex alto. Fortunatissimus ille,
 Quem divinarum secreta scientia rerum
 E cœlo veniens procul à mortalibus arcet
 Sejunctum curis, securum labilis ævi,
 Cui nullum adventans mors incurrit atra timorem.
 Hic metus haud unquam deerit, qui spargit amaro
 Omnia felle, nisi ad summum te denique veritas
 Authorem rerum. Non hæc solatia mentem
 A pheretro, nigrove queant divertere panno,
 Quin te ipsum interdum videas stratum, atque
 rigentem,
 Atque intervallis crebris ea cura recurret.
 Non secus ac vitreis sub aquis cùm piscis aduncum
 Vermiculo infertum rubro deglutiit hamum,
 Cui piscator ovans indulget flamen, & undis
 Ire finit, frustra fugitantem; at dentibus illum
 Infixis retrahunt retinacula ferrea: donec
 In ficcum trahitur paulatim, uncoque revulso,
 Viribus extremis argentea terga volutans
 Palpitat, ac demum nigros it victima ad ignes.
 Jam nunc, Musa, redi. Patriis discurrere campis
 Tantisper dedimus. Juvat interponere tricus
 Scilicet austeris aliquid, quod lætior inde
 Acrius ad pugnam mens instaurata resurgat.
 Ergo age: Pieriis donec de collibus aura
 Mitibus aspirat Zephyris; dum sole renidet
 Unda repercusso, cui lenia flamina vestes
 Cæruleas crispant, alacres incœpta sequamur.
 Et prius hanc rerum seriem cœpisse aliquando,
 Ex ipso astrorum motu cognoscere præstat:
 Utque Geometris mos est, præmittere lemma
 Non dubitem, Latius quanquam hæc infueta
 Camœnis. Esto

64 DISSERTATIO TERTIA.

Esto rota insertum circa axem mobilis. Hanc tu Impulsu quovis in gyrum vertis. Eunti Adde ictum æqualem primo; velocius illa Conficiet cursum. Sponte hæc ultroque fateris. Adde alios aliosque æqualibus intervallis

(a) Æquales ictus; tantò ocyus agglomerabit, Infigata subinde, velut calcaribus, orbes.

Quantò autem stimulos atque ictus crebrius addas, Tantò illam coges citius se vertere. Quod si Non interruptus fuerit, sed jugiter hærens Continuusque ictus stimulans; tum fingere mente Nil citius possis, nil ocyus. Hactenus ista Cogaris, ante oculos cuicunque exposita, fateri.

Nunc age; Contemplars rotam stellantis Olympi. Hanc puta ab æterno impulsam motamque fuisse Innumeris gyris. Vel debuit ergo rotari Perpetuo æternoque ictu; Jamque hinc tibi prodit Motus, quo fingi nequeat velocior ullus, Ut rota præmissio docuit te lemmate nuper. Vel, semel impressum dumtaxat, pertulit ictum; Ergo hinc immotam prius obdormisse fatendū est, Quam tamen æterno ponis circum isse rotatu. Aut infinitis vicibus, vertigine sensim

Deficiente, incussa velis nova verbera, ceu cum Extimulatur equus, quoties it lentiùs: Ergo hinc Deficit æquatus motus, quem sydera servant, Quippe intervalla emoritur per singula sensim. Aut æquum retinere velis post quemlibet ictum: Tunc autem innumeri impulsus, vi præditi eadem, Infinita per intervalla, dabunt tibi gyrum, Ultra quam fingi possit, rapidum atque citatum. Aut vi infinitè exiguâ postremò cieri

Per-

(a) Ictus scilicet, qui imprimunt rotæ novas & novas vires, æquales prioribus.

Perpetuò comitante velis : Nunquam exitit ergo
 Sufficiens , tantam qui molem vertere posset ,
 Impetus . Unde igitur nullis impulsibus iste
 Motus in hanc partem , quà Cœlum vertitur ; unde
 Exitit ? Hinc quavis tibi structæ ex parte latentes
 Insidiæ . Incauto veluti , quà regia villa
 Explicat è tophis musivum ante ora theatrum ,
 Sæpe viatori rapidam Satyriscus in ora
 Evibrat improvisus aquam ; quam dum fugit , alter
 Ore repentinum jacit imbrem in terga ; propinquis
 Porticibus donec securum scrupæa subtus
 Crusta pavimenti tubulis instructa , vel ipse
 Infidus paries supremâ aspergine totum
 Abluit : Haud aliter te circumquaque laceffunt
 Absurda . Astrorum non ergo æquabilis ille
 Motus ab æterno fuit : ut fuerat statuendum .

Imperus ergo semel fuit inditus ; atque , retractâ
 Inde manu , sponte in gyrum convertitur ingens ,
 Æquali sibi met semper vertigine , cœlum .
 Hinc aliquis motor , supremusque arbiter , alto
 Imperii nutu , naturæ prospicit . Idque hinc
 Nosse queas liquidò , quodd vis innata quibusvis
 Corporibus suspensa hæret perplexaque , ad omnes
 Circumquaque plagas æquè conversa , nisi illam
 Externum quiddam in partem direxerit unam .
 Atque idè , ingenitus quamvis foret impetus ille ,
 (Ni fortè astra velis animantibus addere vivis)
 Nulla tamen penitus ratio est , quæ cogeret ipsa
 Occiduam potius sese convertere ad oram ,
 Quàm se vertere in oppositam . Quod adhuc ma-
 nifestè

Concipias animo , si vis contraria sistat
 Ex improviò cœlum , immotumque relinquat .
 Nam quid tum possit ? quò se tunc incitet ? unde ,

66 DISSERTATIO TERTIA.

Quòve ineat gyrum, cùm sint circùm undiq; cuncta
Momentis paribus librata? Ergo arbiter istam
Litem aliquis dominus nutu imperioque diremit.

At quadam sorte, & cæco, Lucretius inquit,
Contigit id casu, qui conficit, & regit omnia.
Crux temulento homini, qui me jam pace fruentem
Rursus ad arma vocat. Nequeo livore maligno
Diffimulare iram, nec possum abscondere bilis
Ingenuam flammam. Quanquam certamine nullo
Res eget in præsens; quando hæc jam Tullius olim
Omnia difflavit felicius ore soluto,

Quàm quisquam valeat stricto contendere metro.
Verùm ulcus sanie tumidum pertundere ferro
Proderit, unde omnis scatet altè, & verminat atro
Abcessu execranda lues. Arx ergo scelesti
Dogmatis hæc princeps; quodd, præter corpora tactu
Percipienda, aliud nihil extitit, & nihil usquam est,
Aut erit. Ipse animus, mens ipsaque subditur istis
Legibus; ipsa atomis quoque texta, ut marmor,
ut arbos,

Et reliqua. Hinc ictu ferali hanc funditus omnem
Dissolvit Libitina furens, spargitque per auras,
Seminibus reliquis mistam volitantibus, ut fert
Arbitra fors, cæcique amens temulentia casus.
Da, Pater omnipotens, cælo capita alta ferentem
Sternere humi, mediâ percussam fronte, gigantem,
Conantem è folio divinam extrudere mentem,
Et cæcum artificem supremâ in sede locare:
Tuque Heliconæ ausus tetro vitare veneno,
Unde bibit virus passim exitiale juventa,
Huc ades. Exili cœu flamine aranea fucum,
Te quoque non dubitem glomerato vellere circùm
Irretire. Peto, num quæ tibi concita philtro
Mens olim insano dictavit carmina, quærô

Abs

PHILOSOPHIA NOVO-ANTIQUA. 67

Abs te, inquam, nūc sint aliquid, quod constiterit re;
An prorsus penitusque nihil? Nullatenus istud,
Credo equidem, statues; nam sunt dulcissima,
sensimque

Insinuant animis (a) conditum melle venenum.
Ergo aliquid cū sint hæc toxica; jam rogo nūc sint
Attramentum illud, quo primū scripta fuere?
Excipis hæc risu justo meritoque. Quid ergo?
Forte characteres in chartā extrante? Nec istud:
Nam variis sunt illa typis sæpe edita formæ
Dissimilis; tamen usque manent intacta eademque
Ut prius. An voces prolata? Irascere atro
Felle, quod his crassis instem rationibus. Ista
Nimirum sunt mentis opus. Scitè egregieque!
At quoniā est mens particulis tibi structa rotundis,
Ut tute affirmas; pariter constare necesse est
Consimili ratione aliquā, certisque figuris
Carmina, mentis opus; nam sunt aliquid; ne-
que, præter

Corpora, quidquam extat. Peto nunc quibus ex
poliedris

Illa putes constare? volo abs te scite: quid inquis?
Omnia sunt tibi frustillis, motu, atque figuris
Committenda, velut sectis asarota lapillis.

Atque, ubi tesserulis mentem incrustaveris istis,
Centum alia enodanda tibi, extricandaque restant.

Nam rogo ut è chartā in cerebrum transmissa
ferantur? E 2 Num

(a) *Poesis Lucretii, ob elegantiam majestatem-
que carminis; præsertim verò ob rationes vulgo
accomodas, facile incautis imponit. Ea verò, quæ
Religioni, & præsertim animæ immortalitati ad-
versantur, eo studio, & fucō elaborata atque illi-
ta sunt, ut ab assidente malo quodam genio prorsus
distata videantur.*

68 DISSERTATIO TERTIA.

Num sint illa eadem corpuscula, quæ tibi quondam
In mente extiterunt, temere delata per auras?
An plexu contexta novo? Num fortè legenti
Pertundant oculos primùm, subeantque cerebrum
Per vacuos ingressa poros? Pudet ista referre
Ulteriùs nostri generis fœdissima probra,
Dedecora humani ingenii. Qui sibilus unquam
Excantare homines potuit? quæ pocula Circe
Sæva propinavit miseris mortalibus, ut se
Nonnulli exuerint se ipsis, & mente animoque
In corpus commigrarint? Verùm hunc ego mor-
bum

Ventrosi splenis viscoso humore tumentis
Crediderim potiùs, nec talibus ulla adhibenda
Est ægris ratio; sed cautè ac sæpe monendi
Ut vitent genus omne leguminis, ut nebulosis
Caulibus abstineant. In primis aère aprico,
Collibus, & pratis, rivisque æstate fruantur,
Aucupiiisque levent animos; & balnea demum
Vindelica, aut siqua his fuerint potiora, frequentet.

Verùm ne videar potiùs contemnere, quàm vi
Exactâ ad leges iusti certaminis hostem
Impugnare; tuum tibi nunc excludere inane,
Per quod ab æterno corpuscula mota vagantur,
Sic porrò aggredior. Si cui sit tanta potestas.
Ut se ipsum extrahere è nihilo queat; id sibi nullam
Constituât metam, nec certo limite sese
Claudat inops parcumq; sui. Quid scilicet obstat?
Quis leges statuât? quis certos ponere fines
Mensuramve queat? Non fingere mens sibi possit
Cur nihili victor non totum corpore vasto
(Si, præter corpus, nil posse extare velimus)
Impleat immensum spatium, gyroque refusum
Indefinito circum omne excludat inane.

Nam

PHILOSOPHIA NOVO-ANTIQUA. 69

Nam res existens à se, atque extans sine nutu
Alterius causæ, arbitrio sibi tota relicta est.
Cur locus ergo vacat? Cur non latè omnia moles
Corporis una replet? Cur non corpuscula tot sint
A se ipsis, ut præterea spatii nihil usquam
Sit reliquum innumeris aliis? cur tanta superstes
Est regio? cur in nihilo infinita relicta?
Cur non illa extant pariter? quo numine? qua vi?
Quo vetitum fato ne demum emergere possent?
Concilio num fortè habito lex condita nequid
Insuper in rerum censum numerumque veniret?
Scilicet ut sparsum possent per inane meare
Cætera, neu solidum corpus consisteret unum?
Sic equidem reor; Id fuerat planè statuendum.
Nimirum hoc ipso in cœtu decreta fuisse
Plura alia unanimi sensu, studioque putarim;
Atque inter reliqua id fixum, quod Tullius inquit,
Ne fierent motus æqualibus intervallis;
Sed declinarent paulum, quò denique possent
Ingruere in semet corpuscula nexa vicissim.
Insuper hoc etiam indictum, ne, denique mundo
Conflato, humanis sese artibus immiscerent,
Ne casu unquam ullo telam, multo minùs aulam,
Aut navim extruerent, nec clavi conficiendi,
Nec chartæ, nec acûs minimæ permissa facultas.
Cætera perficerent cuncta, ut fors cæca juberet.
Verùm, ais, Hunc tu versiculum quî scandere
possis.
Quem verò? Celebre hexametrum. Quodnam,
precor? Illud
Ex nihilo nihil, in nihilum nil posse reverti,
Proinde novi prorsus nihil unquam existere posse.
Audio. Sed contra est aliquid. Nam rusticus olim
Uxori iratus, quæ, longo tempore tritis

70 DISSERTATIO TERTIA.

Vestibus, assiduè mussabat quod nihil unquam
Ille novi adferret; pugno è regione sinistra
Conjecto in dentes, Hoc, inquit, habeto, recens est,
Atque novum. Sic ille. An tu nil rere dolorem
Confracti maxillaris de vulnere natum?

Hunc quoque particulis vin' texere forsan acutis,
Ad sonitum colaphi quæ protinus advolitarint?

Sed demus stolidæ cuncta hæc deliria sectæ.
Insuper id pariter demus, nullum esse cadendi
Finem atomis, nec metam ullam, quæ terminet
unquam

Descensum in præceptis: Nego jam corpuscula posse
Mutuè misceri; nego posse hærerè vicissim,
Ut stabile hinc valeant coalescere corpus in unum.
Pinguibus exemplis (namq; his Epicurus, & hujus
De grege subrumuli gaudent) id promere nitar.
Nam quoties vasto è templo densissima turba
In sua testæ redit, magno illa affusa tumultu
Ad portas condensa strepit: pars summovet ægrè
A tergo instantes cubitis; pars in latus urget:
Huic rescissa toga ex humeris, huic pallia rapta:
Inde percussus varii, fluxusque refluxusque
Undantis populi. At quoniam vis omnibus illuc
Conversa; ingentem post luctam, denique in ampla
Quisque fori spatia erumpunt, sparsimque feruntur
Distracti, haud secus ac puncto cùm lineæ ab uno
Discedunt plures, quas in diversa videmus
Protendi. Ergo, atomos pariter cùm prorsus eadem
Stipatas ratione velis concurrere; turbas
Quantascunque cîere queant & prælia in arcto;
Tandem inde egressæ, sparsim, quâ semita ducit
Unamquamque sua, effugient; pars pluribus uncis
Implexa atque hamis sociarum, pars laqueata
Injectis ansis, pars libera; sed tamen inde,

E tran-

PHILOSOPHIA NOVO-ANTIQUA. 71

E trunco veluti ramos, ultra ire necesse est,
Motu composito ex variis impulsibus uno:
Quandoquidem est illis, ut ais, plaga unica, per
quam,

In morem lapidum, descendit quæque deorsum,
Ocyùs ipso etiam jacto ad nos lumine solis.

Non ergo hinc poruit conflare hæc machina rerum,
Aut hanc perpetuò in præceps ruere inde necesse est.

Cætera quid memorem puerilia scita Epicuri,
Quæ nemo fingat, nemo unquam somniet, etiam
Sparsam opio portulacam cœnarit aquosam?

Hunc rogitâ unde hominum extiterit genus;
inde loquentes

Cogita an in scenam sic Grippum induceret unquam
Aut Strobilû Plautus. Nempe inter gramina natos

Folliculos quosdam atque uteros ait; hosque calore
Maturis solis, velut uvas, denique in auras

Exclusisse homines. Verùm quis nutrit? Ipsa
Lacte suo tellus. Cur talia gignere cessat?

Effœta, & vetula est, inquit. Rursum pete,
quantum

Esse putet discum solis. Tres circiter ulnas
Ille dabit; quantum nimirum & Mopsus arator,

Et messor Chorydon quoque censent. Scire velis cur
Sydera vertantur cœlo? Lepidissima porro

Causa; quodd inclusi nimirum ad pabula currant
Cœlestes ignes, veluti strigosus odorum

Ad stabulum, & fœnum quadrupes. Quam dein-
de figuram

Esse velit terræ? Lepidum id quoque. Qualia cernis
Tympana vel discos, telluri prorsus eandem

Adstruit hic nebulo formam, plano orbe supernè.
At cur non cadat in cœlum vi ponderis acta,

(Nam sine fine putat deferri cuncta deorsum)

Sublato hîc humero miser hēſitat, idque moleſtum,
 Ceu culicem, ſentit. Suſtentari aëre demum,
 Subjecto veluti ſcamno menſaque, fatetur,
 Nimirum hic ille ingenii dein vertice ſupra
 Mortales reliquos; naturæ hic ille repertor,
 Ille à ſecretis; obſcurâ unde abdita nocte
 Noſtro inſtaurari meruit ſapientia ſeclo.

Ulteriùs-ne lubet ſcitari? Dic age porro
 Ecquid percellat viſum, cùm templa, domoſque,
 Arvaque proſpicio? Nihil ingenioſius, Hercle,
 In mentem veniat. Digreſſa è fronte domorum
 Abſtrahitur pellis quædam & membranula, eadem
 Prototypi formâ ac poſitu, ceu prima reſecta
 Pagina de ſpiſſo libro: innumeræque ſequuntur
 Exuviæ ſimiles. Hæc braçtea deinde, fenestris
 Et portis diſtinçta ſuis, orbes oculorum
 Ingreditur. Sed, quod magis admirere, cerebrum
 Pelliculæ ſimiles (at textu, quo nihil uſque
 Tenuius eſſe queat) ſubeunt. Hinc mente videmur
 Cernere res cunctas, oculis quas vidimus olim.
 Hinc cùm Centauros mens exprimit (hoc etiam
 audi

Ac diſce egregium planè ac mirum) id putat inde
 Conſieri, quodd corticulæ & membranulæ equorum
 Atque hominum in cerebro extantes jungantur in
 unum.

Quid reliquas nugas, quid fœda, quid impia paſſim
 Commemorem dicta, & ſceleris cujuſque nefandi
 Semina, arenofiſ quantumvis obruta graminis,
 Colluviæ atque ſimo ſub glebiſ nempe latente?

Et tamen invenias, qui talia ſemiradaperto
 Ore probant; ideoque probant (mirabile dictu,
 Quod vix credideris; ſedenim mihi crede) ideo,
 inquam,

Quodd

Quodd rejecta vident passim, velut absfona; & ipsi
Rejecturi eadem, si vulgò asserta viderent.
Scilicet id pulchrum reputant si prætereuntes
Monstrantur digito, atque aliquis submurmuret:

Hic est

*Lucreti ille ingens fautor, cui texta rotundis
Ex atomis ratio baud omnino displicet. Olli
Actior obtutus certè est: viden' ut taciturnus
Incedit? magnum est aliquid, quod pectore versat
Non hic cum vulgo sapit. Hic olidus tibi fumus
Svaviùs unguento Assyrio placet usque superbis
Naribus: hinc tibi pileolus declivis in autem:
Inde supercilium, quale est meditantibus altè,
Cui gemino partita fuit doctrina sub arcu.*

Non ego in his equidem gerris nugisque putaram
Longo aded ac sterili Musam deducere calle.
Verùm alia ex aliis subeuntia tramite torto
Distrahere animos sensim; nec fas modò rursus
Ingredi iter cœptum: nam sol declivis Olympo
Longiùs ire vetat. Stabulo proin lassus in isto
Cogor adhuc tolerare moras, & perdere carmen.
At saltem hoc reliquum læto traducere plectro
Juerit, atque moræ fastidia fallere risu.

Ergo age: De casu cæco, qui cuncta gubernat,
Et regit ad nutum; nonnulla, Epicure, vicissim
Colloquia inter nos geniali fronte seramus.
Audi miriscum monstrum. Caprificus in horto
Protulit è ramo citreum, cui prævia nulla
Infinitio. Quam tu possis mihi reddere causam?
*Dummodo vera stent quæ narras, nec mihi vendas
Somnia; causa erit in promptu. Verissima narro,
Quam tua sunt porrò mundi primordia vera.
Nec te mirari decet hæc, cui nra repentè est,
Nostri instar cedrii mali, mirabilis ista*

Omni-

74 DISSERTATIO TERTIA.

Omnigenum rerum series. Certissima crede :
Idque etiam, si vis, testor per nostra Heliconis
Numina, per nemus Hesperidum, vigilemque
draconem.

*Quandoquidem id sanctè juras, querenda prius sunt
Nonnulla. In primis rogo te, num citrea in borto
Poma alia extiterint. Utique; & quamplurima pridem
Extiterant; Sed turbo ruens, & pessima grando
Omnia disjecit. Jam lux hinc prima refulget
Promittens aliquid. Quoniã ergo hæc edita strages,
Ut tu inquis, quamplura solo putruisse necesse est,
Nonne? Utique. Ex illis immo congestus acervus,
Accumulata velut grassante cadavera peste,
Quæ vespillones in cæmeteria vectant.*

*Paulatim apparent nodi capita abdita. Ficus,
Seu caprificus, uti mavis (res namq; perinde est)
Ad quam versa plagam? (a) Ad Boream, Et
citri? E regione*

*Ad tepidos Austros. Ventorum quis fuit illo
Tempore regnator? Boreas plerumque sonoro
Flamine. Jam finito simul hæc componere. Grande
Depopulata nemus: cedromela à turbine cuncta
Sparsa solo: dein scæda lues; tum longa Aquilonum
Flamina. Remteneo: Sed te prius obsecro num quis
E Peripato unquam formã extricaverit ullã
Implexos, adeò nodos, positã ante oculos re,
Ut tibi nunc pandam. Nam citris tabe solutis
Erupte statim corpuscula, quæ prius arcto
Hærebant nexu devincta. Hinc illa per auras
Libera dum ruerent temere fugitura, Aquilonis
Vis rapida in ramum caprifici, non sine casu,
De-*

(a) Ficulneam intellige consistam in clivo respi-
ciente Boream; citros verò è regione in declivi ad
meridiem verso.

Detulit. Hinc partim vacuos ingressa meatus
 Corticis & ligni, partim agglomerata subinde
 Exteriùs, rursùm sese implicuere vicissim,
 Ut quondam, nodis, vinclis, & plexibus iisdem.
 Hinc citrinum malum mirà tibi sorte pependit.
 Id quoque non uno exemplo condiscere possis.
 Ceu tactis lue cùm bubo subnascitur atro
 Tubere, nescio-queis atomis compositus aduncis,
 Quæ prensant animas, ægroque è corpore vellunt;
 Haud secus hoc cedrinum tuber ficulneæ adhæsit,
 Textum atomis, quas illa cadavera citrina putri
 Emisere alvo. Viden' ut tibi reddita causa,
 Quam palpare manu possis, ceu vellera lana?
 Rem dilacidiùs quoque pandam. Æstate seranà
 Observaris apes toties, cum saepe, coortis
 Diffidiis intestinis, alvearia linquunt.
 Has sparsim cælo rapit aura. Ut tinnula verò
 Vox æris crebro pulsu revocaverit, illa
 Adglomerata, acinorum instar, de vertice pomi
 Aut cerasi pendent, velut uva ex pampino. Id ipsum
 Circiter evenisse puta. Miranda resolvis,
 Quæ frustra quævis mens extricare laboret.
 Quæ non (quantumvis enormia) solvere possim?
 Nil adeò mibi jucundum quàm cùm absona quædam
 Audio portenta. Hic tantus mî displicet ordo
 Naturæ, & rerum series tam consona. Vellem
 Interdum è cælo pluvios descendere fungos,
 Nasci alios Soles; interdum extare repente
 Aularum in medio platanos, descendere Lunam,
 Monstrorèque oculis coram omnia permisceri.
 Atqui hæc insolita & rara ut mihi, quæso, deinde
 Extricanda forent? Nostræ mysteria secta,
 Ut video, exploras; Animos adverte; docebo.
 Hæc itaque in primis solido descripta adamante
 Sit tibi lex. Quoties naturæ expendere quodvis
Ar.

*Arcanum lubet; exemplo id patulo, & bene noto
 Exprime; præsertim plebejæ, si potes, artis
 Ferramento aliquo. Hinc mentis tibi sacculus uncos,
 Fuscinulas, ansas, & ferras denticulatas
 Præbeat ad nutum semper. Fabrilibus istis
 Utere; namque istud physicè est rem denique nosse;
 Non autem ingenii cultro refecare minutim ens,
 Omniaque affusis tenebris, ceu dicta Sibyllæ,
 Obscurare, ut deinde scias te denique scire
 Illud idem, quod jam scieras. Hæc prima igitur lex.
 Dein cave, ne te de scamno, cathedrae salignæ
 Respondere aliquis cogat, qui non sinat ullas,
 Gutturæ præcluso, voces depromere quàm tres,
 Quarum una affirmet, neget altera, tertia verò
 Separet ambiguum sensum. Hæc faciunt, quibus
 est mens*

*Particulis quadris contexta; urgenda proinde
 Argumentorum trocleis ac vectibus, ut vi
 Assensus tandem tardâ de sede trabatur.
 Præterea: Si quis petat abs te quid sit honestas,
 Quid jus, consilium, pietas, & talia (namq; hæc
 Difficile est atomis committere) tu prius ore
 Oscita, & insulsâ super escâ contrabe nares,
 Ut faciunt, quibus apposita est pro turturæ pica;
 Despuè ridiculum commentum. Tum nihil ista
 Assere: Sunt etenim segmenta & frustula inanis,
 Et quadam vacui ac nibili sine corpore bullæ
 Interspersæ animis hominum, spumæ instar aquæ.
 Insuper: (huc animi globulos, huc exere mentis
 Cornicula) A curis hominum cùm Numina, uti scis,
 Longè aliena velim; nec quidquã exinde timendum,
 Sperandumve siet nobis mortalibus: Et cùm
 (Ut pariter nosti) sparsis per inania cunctis,
 Nil reliquum maneat post fata: Quid inde sequatur,
 Qui*

PHILOSOPHIA NOVO-ANTIQUA. 77

Qui nidor, quique binnitus se tollat ad auras
 Nempe vides. Quantò hinc igitur data libera cuiq;
 Fræna voluptati cæcæ, concessaque morum
 Libertas; tantò austerum, rigidumque, & honesti
 Durum exactorem te præbe extrinsecus, ore
 Advorsum scelera hirsuto. Statuenda voluptas,
 Non ea, quam nobis imponit fama; sed illa,
 Quam tranquilla quies animi parit, absque dolore
 Corporis: Hanc unam volumus. Quove improba facta
 Absterrere queas, hominesque infanda tremiscant
 Crimina; ne tu augues furiarum, somnia vatum,
 Objicito: Incurfus atomorum uncosque minare.
 Denique: Sed prius in gyrum circumspice qui te
 Circumstent hominum rictus, quæ nubila frontis,
 Quæque supercilia; & lapides fustesque propinquos
 Cautè omnes remove: atque, ubi videris omnia tata,
 Si quem Relligio fortasse, aut Numina tangant;
 Isque aded vitam trahat ægrè, horrenda tremiscens
 Supplicia, & scelerum pœnas post funera (in
 aurem

Hoc tibi secreto finito indam murmure) Claude os.
 Huc demum hæc tendunt. His legibus illa Epicuri,
 Carmine Lucreti translata Heliconis ad amnem,
 Aoniis utinam maneat respublica in arvis,
 Inter Pierias curas, & somnia Pindi.





DISSERTATIO QUARTA.

A R G U M E N T U M.

Centrum terræ & totius Universi idem esse, adversus Copernicum. Cur Heterodoxis præcipue systema terræ motæ probetur. Digressiuncula de libellis externorum: Lunam, ceterosque planetas ad centrum universi tendere; ceteroquin, ob motum circulare, altius semper atque altius usque ad sydera fixa proveherentur. Mundum non esse indefinitum, nec alium extra hanc existere. De origine ventorum. Nulla necessitas halituum terrestrium ad explicanda eorundem phænomena, quæ ex natura aeris consentaneo systemate pulcherrimè deducuntur.

AT cursu in medio radentem littora cymbam
 Vis inimica Austri procul altum traxit in æquor,
 Jactatamque diu putrem conjecit in ulvam;
 Vixque aded memini quo primùm tramite prorâ
 Institerim: usque aded nebulo teterrimus ille
 Et maria, & terras, & cælum miscuit. Atqui
 Non ideo incœpto desperem insistere calle,
 Atque in rem nostram, serò licèt, usque redire.
 Mundum igitur, quem jam statui cœpisse aliquando;
 Ne

Ne quisquā immenso spatio fufum undiq; , & omnis
Limitis expertem credat ; neu censeat extra hunc
Fortè alium huic similem consistere ; nec putet
orbem

Terrarum circa solem per inane vagari .

Hæc staticæ ad leges statuenda ; sed ordine verso
Ut se quæq; ferent primùm obvia . Plurima forsan
Adjicient Musæ non aspernanda canenti .

Principiò hoc fixum maneat , certum esse quibufvis

Corporibus punctum , certaue in fede repostum ,
Unde æquis constant momentis undique partes ,
Quod centrum appellant gravium . Nec plurima
quamvis

Corpora , ceu lapides sparsi , disjectaque arena
Extiterint , intervallis disjuncta vicissim ;
Id prohiber , quin punctum istud consistat in illâ
Congerie , inque illo , quantumvis diffito , acervo .
Huic puncto innixus geomètra , inde abdita mira ,
Haud aliis referanda modis , arcana recludit .
Hoc autem in primis statuit , jure omnibus æquo ,
Unicum in unoquoque gravi , pariterve quibufvis
In cumulis punctum seu centrum hujusmodi inesse .
Quod tamen haud illi quisquam permetteret unquam ,

Si non ex libræ arcanis , staticesque severis
Legibus id firmum , tutum , sanctumque teneret .
Hoc solido jacto fundamine , non ruituro
Arietis impulsu quovis , nec turbine venti ;
Jam te deducam telluris in ima gradatim .
Fac , lapidum centro invento quorumlibet , iisdem
Adjicias meditando alios aliosque subinde ,
Quorum etiam invenias centrum commune , &c
eadem

Prosequere ac descende viâ. Crescente deinceps
 Accessu & numero gravium, punctisque repertis,
 Ut monui, ad staticæ normam; te denique in-
 ipsum

Terræ centrum paulatim illa omnia ducent.
 Hic ubi confiteris, visu circum undique ducto,
 Corpora quæque vides graviora evadere, quantò
 Dissita ab hoc imò fuerint magis (ut tibi pridem
 Ad libræ leges expendi) Hinc illico punctum hoc
 Omnigenum dices gravium centrum fore; quippe
 Ex intervallo quovis huc corpora quæque,
 Quantovis spatio longè summota, feruntur,
 Hactenus in stabili ac firmo vestigia figis
 Haud titubata solo, Tantisper inambula ad auram,
 Ne ratio congesta gravet tibi pondere vires
 Ingenii, & multo glomeret tibi flamine mentem,
 Tuque ignosce, Erato, per saxa rubetaque eunti
 Quoddam passim numeris incedant carmina fractis
 Metro inconcinno; nec enim queat esse venustas
 Austere staticæ in dumis. Jam cœpta sequamur.

Aspice nunc latè complectentem omnia Mundū,
 Massam corporibus nimirum ex omnibus unam
 Congestam: Huic itidem centrum gravium om-
 nium in ipso

Est medio positum; nec enim (cum sit globus)
 usquam

Id statuas alibi; nec puncto hoc posse carere
 Permittunt leges staticæ; ut convenimus ante;
 Namque ut telluri, sic Mundo id competit æquè.
 Ergo istud centrum cum non queat esse nisi unum
 Dumtaxat; cumque in medio telluris, & ipso
 In mundi medio consistat; oportet utrique
 Commune id ponas; atque hinc fateare neesse est
 Tellurem hoc ipso in medio consistere mundi.

Non

PHILOSOPHIA NOVO-ANTIQUA. 81

Non igitur circa solem delata vagatur.

At, cur ergo, inquis, plausu istud fama sonoro
Tantopere inventum celebrat? Cur Anglia chartis
Immotum solem; cur passim Hollandia sparsis
Ingerit istud idem libris? Cur jugis ab Arcto
Ventus agit terram in gyrum? Vin' scire? (a)

Ideo quodd

Jura vetant sacra; hinc nempe in contraria nifus,
Hinc morsus fræni. Sancitum finge severis
Legibus oppositum. Rabidâ tum scilicet irâ
Infrendens Aquilo, ceu rupto carcere pardus,
Terribilis visu sacris pugnaret apertis
Continuè libris: produceret illico summi
In medium dicta Artificis; standis ipsius uni
Diceret asserto; vocesque disertaue verba
Haud ulli temere fas detorquere cavillis;
Paginæ inhærendum sanctæ, obsequioq; profundo
Excipienda oris divini oracula. Tales
Ederet ille sonos; magnoque optaverit emptum
Posse aliquid simile interdum contingere. Jam
nunc

(Id quoniam nequit) infesto furit usque latratu,
Naturæque vices invertens omnia miscet,
Omnia cæco ore absorbet, portentaue rerum
Nulla timet; modò sancta queat perfringere jura.
Italia, (ingenuæ justæque ignosce quærelæ,
Neu, precor, ista supercilio fastuque superbo
Dicta putes: non hæc humili mens turgida vati;
Audaci quanquam videar consurgere plectro.
Quin declamantis potiùs crede ista furentis
Ad vanam in paucos conficta tonitrua pompam)

F

Un-

(a) *Eos hic intelligo, qui systema istud, non
ut simplicem & meram bypothesim, sed ut rem ab-
solutè veram asserunt.*

Unde tibi obsequium tam vile? Unde ista libellis
Externis, quotcumque volant, quibus omnia ferme
Jam plena, ut cynipum quondam Pharaonica
regna

Nubibus, unde, inquam, reverentia tanta? Ma-
gistra

Terrarum quondam, populis lex normaue rerum;
Nunc cuiusque fere gentis... (ferme excidit ore

Sordida adulatrix) Nimirum oblita tuorum,
Unde olim tibi fama super Garamantas & Indos.

Vix memor eloquii patrii, linguis peregrinis

Dedita, nulla æquis oculis jam dona Minervæ

Aspicias; è gelidâ nisi quæ tibi congeris ursâ,

Externisque oris. Ecquis velit Italus, oro,

Ingenii monimenta sui committere libris,

Quæ, nisi longinquum præsum testentur in ipso

Limine, tu nihili facias? Tum denique plausu

Exceptura, ubi rescieris placuisse remotis.

Trans alpes gelidas populis? Quot sunt tibi muti

Iccirco calami? quot densâ nocte premuntur

Tentamenta operum? quot clara excelsaq; torpent

Ingenia in tenebris? Quid? quod tibi recta venena

Interdum ignaræ, salibus condita jocisque

Tetra propinantur? quid? quod laceræ impia famæ

Sæpe cruore madent folia infensissima? nec tu

Interdum sine vulnere abis? Nec vox tibi læsæ

Profilit in justas iras, questusque viriles?

Quod si non ævi præsentis gloria tangit:

Non te fama vetus saltem, non illa tuorum

Nomina magna virum, non Tullius, & tuba sacri

Virgilii revocat? Non denique, quæ tibi restant

Exposita ante oculos, capitolia, balnea, pontes;

Pressam crine trahant madido, excutiantque

vêterno?

At

PHILOSOPHIA NOVO-ANTIQUA. 83

At Mecœnates defunt: deerunt tibi semper,
Quandiu iniqua tuos contempseris. At neque
defunt;

Et plures numerare queam. Veruntamen unus
Sat tibi supremus, folio moderator ab alto
Sacrorum Pater, afflictis spes unica rebus
Europæ, in tanto regum populûmque tumultu,
CLEMENS MUNIFICUS, JUSTUS, PIUS.

Hinc tibi lucem

Ingenus quæcunque artes, & præmia sperent.

At me, ceu frondem platani, segmenque papyri,
Quælibet hæc illac volitantem pertrahit aura
Devium ab incœptis. Redeo ad systema celebre
Telluris motæ. Hanc igitur consistere mundi
In medio, è centro gravium deduximus. At nunc
Addo, etiam libræ neglecto cardine, ibidem
Mansuram. Huc animos mentemque adverte.

Jube istud

Telluris centrum finiri limite certo,
(Quandoquidem conversa negas huc omnia niti)
Sitque ipsi præscripta, velut provincia quædam,
Quam secum, ut limax tectum, Phœbeia circum
Lumina perpetuò ducat; jubeasque severe
Ne liceat gravibus quæviscunque nisi ambitu in illo
Exercere suas vires, ferrique deorsum.

Jam, quoniam astrorum in censum tibi terra re-
posita est;

En, soror ipsa etiam Phœbi sibi postulat æquo
Jure suum regnum, atque suum Venus; Abnue
verò,

Si potes, id Marti, atque astris majoribus. Ergo;
Cum regio sit cuique suo clausa undique gyro;
Hinc ditionum inter confinia, multa necesse est
Interfint spatia, intervallaque plura resecta,

His prorsus regnis penitusq; (a) exclusa, uti constat
 Perspicuèque vides. Igitur, si corpora in istis
 Sedibus ambiguis furtivâ mente reponas;
 Illa utique hæere attonita & perplexa necesse est,
 Nescia quò sese vertant; aut, si velit ipsa
 Unumquodque astrum rapere, ut sibi debita; lites
 Et bella hinc atque hinc pro finibus orta videbis.
 Sed cave ne rerum ignarus cœlestium, & insons
 Immunisque Matheleos, ingenio petulanti,
 Pro jaculo vibres magno conamine aristam;
 Ridiculoque ferox certamine congrediaris.
 Hæc bilem exacuunt: Hinc in contraria sæpe
 Pertrahit ac firmat quædam indignatio mentes.
 Nam nihil est aded quod perdere possit honestum
 Ingenuumque virum, iustisque expellere meris,
 Quàm cum homulus bellū movet adversarius, & se
 Confecisse putat rem, tellurique volanti
 Injecisse moram; ex gyro quodd nempè diurno
 Maximus ingrueret ventus; cedique sibi vult
 Iccirco, risuque eludit cuncta superbo
 Exultans animis, ducensque tripudia. Nemo est,
 Qui non è tepido potiùs sibi pharmaca stanno
 Eligat atra oculis sorbere rosacea clausis,
 Quàm vocem & vultum scioli perferre docentis.
 Tu, nisi equo insistis valido, ne teingere, demens,
 In medios hostes. Tibi sat contra omnia tela
 Vox ipsa artificis, stabilem immotamque disertè
 Tellurem statuens: Hoc listibi teste dirempta:
 Ipse suum bene novit opus; nec sit tibi curæ
 Quidquid contra Aquilo turgens crepet invidus
 ore.

At contra insurgis: Cur ergo Cynthia ab alto
 (Quandoquidem hoc centrum ponis, quò cuncta
 feruntur)

Cur,

(a) Vel etiam plura communia.

Cur, inquam, præceps non corrui? At ego contra
Scire velim potius (nisi punctum fixeris istud
Perpetuè retrahens) cur non sublimiùs acta,
Jugiter alta petens, in sydera pervolet. Audi.

Quæcunque in gyrum vertigine circumaguntur,
(Ut solidè in primis statuit Cartesius) illa

A centro fugiunt, & longiùs acta feruntur.

Pluribus id potes exemplis cognoscere. Nam si
Exceptum lapidem fundâ rapido impete in orbem
Verteris, hunc sentis à dextrâ excedere velle,
Atque ipsum retines vi, luctantemque coërces.

Præterea levi in plano tibi lignea in orbem

Regula eat, fixo tantùm uno termino. Eburnus

Hæreat huic globulus costæ, qui liber iisdem

Circumeat gyris: Hunc protinus ire tigilli

Ad latus, à centro profugum, velut hoste, videbis.

Sic equus in gyrum scuticâ horratuque citatus,

Si funem sensim currenti indulseris, arcto

E circo egrediens majores conficit orbes.

His ita compertis. Fluido cum libera cælò

Cynthia prærapido cursu delata rotetur;

Ipsa etiam à centro refugit, inque ardua tendit:

Et nisi fræno aliquo teneas, in concava Cœli

Suprema, in sedes stellarum, & regna feratur.

Ergo illam (excluso jam vortice Cartesiano)

Non aliter retinere queas, quàm si cohibens vis

Ad centrum retrahat, (a) crescens quantum il-

la recedit

Longiùs à centro; donec tandem imperus ille

Circumagens discat fræni moderamina. At, inqu is,

Cùm lapidem obliquè jacio, nisi terra cadentem

Ex-

(a) Vide quæ in nostra præfatione exposuimus de
descensu planetarum ex apogæo in perigæum ex no-
stro systemate.

Exciperet, curvo deductus calle deorsum,
 Postremò in metam gravium descenderet. Erras.
 Ille etenim, oblongo in se met redeunte, rediret
 Circuitu æterno; per gyrum (a) ellypseos errans.
 Verùm Musa negat se talia claudere posse
 Aoniis numeris; nec tantum posse licere
 Vatribus unanimes jussu edixere sorores
 Pieriâ ex aulâ. Superest cur denique Mundus
 Sit definiti spatii. Ratio obvia cuivis
 Ex ipsâ gravium metâ. Nam, si foret experts
 Limitis, haud illi posses decernere fixum
 In medio centrum. Nec verò alium tibi finge
 Mole parem, gyro, positu, ac molimine eodem
 Extra hunc; quippe ambos vis insita jungeret;
 atque hinc. Cen:

(a) In prima editione hujus nostræ Philosophiæ
 circuitus iste æternæ revolutionis constitutus fuit à
 nobis ex quatuor segmentis parabolicis in unam
 curvam cœgentibus: Quod quidem verum foret, si
 gravia in ascensu & descensu exactè servarent ra-
 tionem juxta seriem imparium numerorum cre-
 scentium aut decrefcentium pro ratione motus acce-
 lerati vel retardati; nam ex utroque mixte compo-
 nitur motus projectorum. Verùm Pater Hierony-
 mus Saccherius in sua Neostaticâ lib. 4. prop. 10.
 atque 11. demonstrat describi à projectis perimetrum
 ellipseos per infinitas revolutiones; unico casu ex-
 cepto, in quo, ex tali determinato impetu descri-
 bitur circumferentia circuli, & quidem motu
 æquabili atque æterno. Quod in eodem libro de-
 monstrat prop. 8. Cum verò ordinatæ ellipseos pro-
 pè verticem vix differant ab ordinatis parabola;
 iccirco in hac distantia, in quâ sumus à centro ter-
 ra, linea projectorum physicè vix discernitur à
 parabolica.

Centrum in contactu existens subverteret omnia.

Haëtenus hæc. Aliud nunc fas divertere cantum,
Naturæque alios investigare recessus.

Ergo, novas quando cytharas mihi Cynthius offert,
Arbitrioque finit quid malim efferre canendo;

In carmen veniat patrio de carcere turba

Ventorum, quæ Nereïdum vada cærulea pennis

Pervolat, unde atræ nubes, unde horrida bella

Aëris in campis, tempestatesque furentes;

Quarum ubi confusum tonitru dedit aëre signum

Æstate, inque nigro micuerunt ignea nimbo

Fulgura, confestim sacris de turribus æra

Perniciem instantem certant avertere campis.

Non alio vultu natura minacior ægris

Ostentat sese mortalibus. Hinc cinere atro

Nubila suffusa; hinc nemorum fremitusq; tremorq;

Tectorum, & vitra, & valvæ, quassæque fenestræ

Ictibus in postes crebris: fugit omnis arator,

Obscurasque pavens muliebre it vulgus ad aras.

Aëriæ interea larices & robora strata;

Pulveris inde ater vortex, mox effera grando,

Aut imber largus, vel turbo obscurus, acuto

Sibilo, & humanas voces imitante ululatu.

Tum rauco in præceps sonitu vis aucta repente

Torrentum; it latè collectus turbidus amnis

Vorticibus flavis, lapidoso spumeus alveo,

Interdum & recta horrifono collapsa fragore.

Unde adeo vis horribilis, quâ percita fundo

Æquora, & absorptæ classes, unde impetus errans

In latus obliquo cursu, cognoscere præstat.

At tibi siqua tenax infedit opinio quondam,

Halitibusve putes terrestribus id tribuendum

Fortasse, aut alios quosvis tibi fixeris ortus,

His præjudiciis animos, precor, exue cunctis;

Et mentē vacuam atq; rudem mihi siste parumper.
 Assensus quippe in partem tibi postea utramvis
 Liber erit, quod te vis inclinaverit æqui.

Natura ergo prius tibi sedulò dispicienda
 Aëris, unde isti motus, cæcique tumultus.
 Ergo, velut mundi ad centrum sunt cætera quæque
 Corpora conversa, ut te jam docui; haud secus illuc
 Ingenito nisu ipse etiam se dirigit aër.
 Proinde ipsi innata est gravitas. Nec plurima desunt
 Ponderis indicia. In primis stagni vapor humens,
 Particulis aqueis quanquam pertextus, in altum
 Tollitur; idque idem quodd mole aer sub eadem
 Est gravior: Nam sic pariter detrusa sub undis
 Subera contendunt leviora emergere sursum.
 Præterea nubes, cœli faciem obvoluentes,
 In quadam certâ fidunt regione, quodd illic
 Momentis æquis librentur in aere teni,
 Nec se ultra proferre queunt quâ rarior æther.
 Postremò inflatos si librâ expenderis utres,
 Ingesto invenies ex aere pondus iisdem
 Accessisse, quod haud posset contingere, si non
 Æthereæ huic massæ gravitas, & pondus inesset.
 Nec te illud moveat quodd non hac mole graveris
 Imposita: Nam sic pariter sub gurgite ponti
 Qui narat, haudquaquam sibi desuper incumbentis
 Sentit aquæ cumulum. Satis ista superque putarim
 Jam constare, nec ultra aliud fas addere dictis.
 Ne tamen exurgant lites, & pacta retractes,
 Subscribe: aurai te pondus rite dedisse.
 Ulterius volo (quod, credo, dabis illico) posse
 Ætheriam densari auram, arctarique premendo,
 Inque minus spatium, seu vi seu pondere, cogi,
 Ut res ipsa docet. Tandem dabis aërem eundem
 Sic pressum ac vinctum conari extendere sese,

At-

Atque omnes tentare vias; quoquomoddò possit
 Reddere se spatio majori, & carcere ab illo
 Luctando exire, atque arctis se solvere nodis.
 Sic turgentem utrem aut follem si vulnere cæco
 Lædat acus, quâ facta via est, fugit illicet aura
 Cum fonitu, & victrix erumpit libera vinclis.
 Sic quoq; si inversum cyathum largo ore sub undâ
 Detineas mersum, hunc sentis emergere velle
 Conatu ingenti, & valido pugnare renixu
 Captivum; quòd nempe, vitro, qui clauditur, aer
 Angustum in spatium contractus nititur inde
 Exire, impatiens septis claustrisque teneri.

His animadversis; Hanc aeris undique fusi
 Suspice nunc massam, quæ circumvallat inertes
 Circuitu immenso terras. Ergo illa deorsum
 Ad mundi centrum cum circumquaque feratur,
 (Ut tibi subscriptum paulò ante) hinc infimus aer
 Per vim comprimitur stipaturque aere ab alto;
 Quippe gravi, incubente super, deorsumq; premète.
 Nam tibi siingas congestæ vellera lanæ,
 Aut plumas avium, aut cumulos nivis usque ad
 Olympum;

Infima, quæ substant, certè pressa arctiùs, atque
 Constipata ac densa magis, quàm quæ altiùs extant
 Perspicias animo. Hæc victus ratione fateris.
 Infimus ergo aer per vim sic pressus, & arctò
 In se ipsum velut intrusus, luctamine cæco;
 Et (a) nifu assiduo tacitè se extendere pugnât.

Mo-

(a) Hunc nifum, nempe elaterium aëris, quo
 dilucidè explicantur liquorum ascensus, quos fieri
 metu vacui veteres censuerunt, debemus Torricel-
 lio. Huic viro ingeniosissimo, ejusque magistro
 Galileo suos ortus debet nova philosophia; teste
 Vallisio in responsione ad D. Præstetum.

Moliturque fugam, nodisque exire laborat.
 Nec potes abnuere; hæc siquidem præmissa dedisti.
 Et quanquam tibi pacatus videatur, & insons
 Immunisque doli; tamen ille, ut qui tegit iram
 Atque odium vultu tranquillo, & fronte serenâ,
 Dissimulat vires, donec sit facta potestas.
 Nec verò objicias quodd te conatibus istis
 Circumquaq; premi non sentis. Ridicula hæc sunt.
 An capitis pondus sentis? An crura fatigat
 Corporis erecti moles? Assuevimus istis
 Nimirum, oppositque tibi experientia nulla est.
 At tibi si extemplo, quantum ampla cucurbita,
 cervix

Cresceret; adjecti sentires illico vires
 Ponderis: Et contra, si te ætheris undique nulla
 Vincula coerterent, enormiter illico toto,
 Instar utris tenti, turgeres corpore. Sed non
 A re propositâ fas nunc divertere carmen.
 His igitur positis. Si nunc, dum carmina pango,
 Ex improvisò mihi cellula destituatur
 Aere, & inclusum spatium linquatur inane;
 Protinus externus (nullo in contraria nisu
 Quippe vetante) statim irrumpens valido impe-
 te, vitris,

Et valvis fractis, rapidus succederet aer.
 Scilicet illa diu tunc ira coercita, frenis.
 Libera, quâ data porta, ruens subverteret omnia.
 Sic, ubi conclusâ largus nitet ignis in aulâ,
 Per rimas externa subit violentior aura.
 Sic, ubi succensis campis fit rarior æther,
 Attenuante calore ignis; mox flamine ventus
 Ingruit, atque agros exustos ventilat alis.
 Hactenus ista, velis nolis, manifesta fateri
 Cogaris, assensumque nequit mens æqua negare.
 Nunc

PHILOSOPHIA NOVO-ANTIQUA. 91

Nunc ades, atq; animos, intentamq; exere mentem;
 Jam siquidem meta apparet, portusque subimus.
 Aspice jam cœlo collustrantem omnia solem.
 Ille per obliquum callem dum dividit anni
 Tempora, inæquali regiones frigore & æstu
 Afficit, ut radiis magis, aut minùs imminet æquis.
 Atq; idem ætheriâ hinc auram ligat horrida bruma,
 Inclusamque tenet per vim. Vis ignea contra
 Partem aliâ æstivis radiis distendit eandem.
 Hic nox, sol alibi medio æthere tempore eodem;
 Nec brumæ semper tenor unus, nec calor idem;
 Sed nunc horridior facies, nunc mitior anni.
 Hinc varios, & inæquales existere pressus
 Ætheriâ circumquaque in regione necesse est.
 Ergo, ubi vere novo fugiens hyberna remittit
 Vincula hyems; demptis laqueis, volat ilicet aer,
 Finitimumq; minùs compressum invadere per vim
 Victor ovans properat. Nec non, ubi definit æstas,
 Autumnusque subit; confinis protinus aura
 Pressior extendit sese quâ facta potestas:
 Tantus amor libertatis, regnique cupido.
 En igitur passim tibi flabra errantia cœlo,
 Halitibus terræ nullis iccirco vocatis
 Æolio procul ex antro, ignotisq; cavernis.
 Hinc ventis peragrata diu quandoque viarum
 Longa intervalla, & multis perflata diebus
 Excursu regio. Hinc quædam expectata quotannis
 Flamina temporibus certis; hinc mutua bella,
 Et cæci incursus, improvisique tumultus;
 Hinc iter in latus obliquum, & violentus in orbem
 Interdum turbo. Hinc, quoties ventus diu in unam
 Incubuit plagam, presso illic aere per vim
 Plus æquo, ventus reflans contrarius hostem
 Insequitur victor; sed & ille coactus in arctum,
 Vi-

Viribus inde novis auctus fugat inde sequentem.
 Ac veluti emotâ pelvi dum lymphâ vacillat,
 Nunquam illi concessa quies atque otia, donec
 A centro mundi iusto libramine distet:

Haud secus ipse etiam nunquam, nisi partibus æquè
 Compressis, aër placidâ statione quiescit.

Nec tibi sit curæ quidd' fortè minutula quædam
 In tot fortuitis eventis non ita promptè
 Explanare queas. Satis est systemate puro
 Perspicuo ac solido si claro in lumine cernas
 Quæ sunt præcipua, & rerû capita ardua consistant.

Sed duo præterea haudquaquam reticenda super-
 sunt.

In primis cur librâ tam medio aërè terram
 Jugiter incurrens violento flamine turbo
 Non agat in gyrum. Causa haud obscura: quidd' aër
 Quanto unam in partem connititur impete, tantâ
 Vi quoque in oppositam tendit; veluti capita arcûs,
 Disrupto fune aut nervo, quæ curva tenentur,
 In partes abeunt diversas. Quo fit ut æquis
 Momentis tellus hinc atque hinc acta quiescat.
 Præterea duplex venti genus hinc tibi constât,
 Atque hinc naturæ quamplura arcana resolves.
 Nam quoties aër distenditur, invasurus
 Regna aliena, fugâ ex illâ fit tenuior; atque hinc
 Continud ex altâ cœli regione vapores,
 Subductos prius ex oculis, descendere cernis,
 Atque repentinis pertexti nubibus axem,
 Quæis terræ aspectum compressior aura negabat.
 Tunc etiam è testis fumus qui profilit, agrè
 Se tollit, lentisque rotis convolvitur ater
 Vorticibus, tardâ inclusus caligine, raro
 Nimirum gravior tunc aërè. Tum quoque florum
 Sensifer in primis odor, & procul æquor in altum

Cedrorum aura fragrans distenditur. At grave olentum.

Halitus intolerandus rerum. Tum morientum Fumantumque lucernarum execrata mephytis. Inde cicatricum renovatus sensus, ed quodd Non satis exactè futuras fasciet aer.

Quod si non ex discessu, sed lampade Phœbi Aura relaxetur cœlo; tum vi quoque eadem Rarefcet vapor, atque dies sine nube serenos Æthere cœruleo tranquillos ire videbis:

Illic præsertim, unde aer, velut ex medio arcu, Tenditur hinc atq; hinc a centro, & brachia laxat. Ast ibi pigra quies cœlo, implorataque nautis Flamina, præq; æstu, pars noctis plurima in hortis

Traducta, exertæ canibus linguæ, aridaque ora, Corporibusque ægris languor, viresque solutæ, Et sudor sponte emanans, laxataque membra.

Ast, ubi finitimus properans intruditur aer, Frigore ab Arctoo liber, postquam undique pressit, Conclafitque auram ætheriam, versa omnia cernis. Illico discussæ nubes (si fortè sereno

Obstabant cœlo nebulæ) quas spiffior æther Extrudit sursum leviores, in spatia ampla Dissentis altâ regione vaporibus. Inde Ex improvisò facies pulcherrima Olympo Reddita, cœruleo cui concolor æquore Doris

Arridet vultu: Non fessis artubus ægra Torpedo, & languor: Cœlo quoq; morbida abacta Sæpe lues, tractu aerio quandoque malignis Infecto halitibus, quos pressior expulit aura.

Ad tibi adhuc animis quædam nubecula, puri Impedit intuitum veri, neque credibilem vim Aeris esse putas tantam. Verùm & mihi tantus Impetus halitibus terrestribus inditus, æquè

Est

Est incredibilis; nec possum fingere mente.
Cur non ascendant recta, ceu flamma, vaporque
Fumeus, atque alia, ante oculos quæ exposita
videmus;

Nec video quo obliquentur motore per auras,
Nec quibus egressi ex antris specubusque ferantur,
Nec cur tam subito reddant sudum undiq; cælum.
Sed præjudicium ex animis quod denique ponas,
Atque æquis statuas momentis aeriam vim;
Flecte utraq; manu ramum coryli; Hunc ita portò
Curvatum inflexumque perexiguâ retines vi,
Scilicet in quosvis facilem descendere flexus.
Jam dextram remove; dicto ocyùs illico sese
Diriget, inque genam si fortè incurrerit, inque os,
Livida sensificæ vibicis signa relinquet;
Tam subito ac rapido distenditur impete in auras.
Quantò ergo id magis efficiet vis aeris? illa
Vis, inquam, argentum quæ mobile sustinet usque
Triginta ad digitos vitreo in siphone premendo.

Illa tamen redit usq; tibi mens prava, quodd istam
Vim minimè sentis. At, sodes, calceus ille,
Quo tibi pes arctè induitur, cur ille dolorem
Non ciet assiduo pressu, quo vinctus adhæret?
Hunc ego ferre utique haud valeam, nec cre-
dere possum

Indè cutem haudquaquam tibi aduri. Tu tamen
arcti

Compressique nihil sentis. An fœmina cinctu
Adstricto ad costas, arctisque gracillima nodis,
Quâ neque, si spectes, substrictâ exilior alvo
Sectator leporum venaticus Umber, an illa
Sic vinctâ, exactis tribus horis, compedis hujus
Vim sentit? Nihil ex jugi jam percipit usu.
Quod si ita compresso thorace in luminis auras

Te

Te fingas exisse, nihil tunc te, nihil usquam
Afficerent prorsus stricta illa ligacula, tecum
Nata. Eadem aeris de nodis differe prorsus,
Quos tecum vehis à primis circumdatus annis.
Denique, ut hunc ipsum pressum experiare, docebo
Si tamen ista tuo cupias addiscere sumptu.
Ergo per hybernas noctes sudo aere stellas,
Reclusis vitris, exposito vertice ad auras,
Contemplare diu, gelidam conversus ad Urfam,
Nocturno sine pileolo. Idque ubi præstiteris ter.
Fortè tibi fauces rheuma, aur angina peruret,
Unde cucurbitulis medicis sis rite levandus;
Quas humeris fixas ubi senseris, experiere
Vim quandam tibi terga, gravi ceu mole, pre-
mentem.

Aeris hic ille est nifus. Pars quippe tumescens,
Quæ substat vitro, premitur tenui aere; namq; hic
Vi flammæ evasit jam laxior; unde propinquas
Dissimili vi compressas discernere partes
Tunc potes, & sensu certo discrimina nosse.
Non aliter quàm si digitum circum undique filo
In spiram ducto religaveris, unaque tantùm
Libera sit nodis pars, quam turgescere cernis
Extantem reliquis; haud secius aere circum,
Ceu filo, adstricto tibi corpore, pars minùs arctè
Compressa, imposito vitro subjecta, tumescit;
(a) Unde alias quadam devinctas compede sentis.

Pluribus hanc possem tibi vim suadere latentem.
In primis utres in summa cacumina vecti,

Al-

(a) Compressio tamen major fit sub labris vitri
pro majore aeris quantitate, quæ vitro superincum-
bit; cujus vis tota impenditur in ejusdem circum-
ferentiam affixam cuti; ibique discernitur aeris
elaterium.

Altior aura ubi pressa minus, magis inde tumescunt.

Deinde inclusa globo vitreo si flaccida clauso
Ore tibi fuerit vesica; inde aera fuctu
E vitro educas; sensim illa ad quoslibet hauustus
Distender tumefacta alvum: & quod tenvior aura
Fit circum, tantò captivus prævalet aer;
Et rugas, laxosque sinus contamine tendit
Ingenito: immò ipsa interdum membrana fatiscens
Finditur impatiens, bombo displosa sonoro.
Neve metu vacui credas ipsum undique vitrum
Unguibus iccirco natis apprehendere fibras
Pelliculæ inclusæ, & velut hamis funiculisque
Pertrahere ad sese, discriminis atque periculi
Admonitum. Hic vacui terror, celeberrimus olim,
Nunc abiit. Nec fas veterum complexibus arctis
Singillatim apici cuicunque insistere, ut hæret
Polypus affixus scopulis, ut cochlea conchis,
Utque edera antiquis muris, & cautibus ostrea.

Sed non ulterius mihi fas protendere carmen
Austerum. Quod si te Musa huc usque sequacem
Traxerit, anteriorque omnis tibi pagina fortè
Venerit ante oculos, supplex quoque pars reliqua orat

Obsecratque velis ad metam ferre propinquam
Tædia. Quod si ultra nequeas fastidia Pindi
Nostra pati, impenso grates hucusque labori
Musa refert; atque ut valeas lætus sine curis,
Et sine litibus, acceptus Phœbo atque Minervæ
Incolumisque diu, superos tibi grata precatur.



DISSERTATIO QUINTA.

A R G U M E N T U M.

Pauca ex natura operibus nobis esse comperta. Hinc obiter animi immortalitas arguitur. Pleraque ex his, quæ novimus, Mathesi debemus, quæ non modò recondita, sed plura etiam vulgaria certis rationibus nobis exhibet. Hinc transitus ad ventia; & primò quidem ad bruta, quæ non sunt mera automata, seu machine, ut volunt Cartesiani, Eorundem animas non esse modos ex corpusculorum diverso posita resultantes, quemadmodum & cætera quæque, ut volunt Epicurei, quorum Philosophia postremò recidit in sententiam quorundam Brachmanum, asserentium omnia compingi ex frustillis nibili diversimodè secti. Denique animas brutorum nullâ ratione esse præditas, quod quidem in sequentem dissertationem rejicitur.

Naturæ ingenium, admirandaque vincula rerum

Nox superinjectis custos regit alta tenebris;

Nec nisi pauca finit splendescere luce malignâ
Per nebulas, atque illa etiam vix pervia paucis.
Cætera secretis latebris abscondita servat.

Hinc animum potes immortalem egroscere.

Namque hæc

G

Ma-

98 *PHILOSOPHIA NOVO-ANTIQUA.*

Machina tam scitè disposita à numine, quorsum Denique tanto opere è nihili disclusa profundo? An supremus ut inde opifex quidquā utile, egenus Nimirum, sibi perciperet? Num messis, & auri Indigus ille sui? Quorsum, inquam, hæc omnia demum

Exposita? Id certè (quantùm mortalibus est fas Arguere) ut summo mens excita contemplando Artifici vestigales deferret honores.

Nam si (finge tibi) humanum intereat genus omne, Nec serie in rerum tantā mens ulla superfit, Sed duntaxat araneoli, ranæque palustres;

Tum ne istis Solem converti, atque astra deceret? Num convestiri tellurem vere quotannis

Flore novo? atque opus exactum molimine tanto Deservire vagis crabronibus, atque lacertis?

Non studium, atq; artem, non curas numinis omnes Projectas miserè tum dixeris? Ergo theatro

Nos spectatores voluit sibi Numen in isto,

Unde ipsi, egregio ex operis molimine, plausus Et meritas laudes mens admirata referret.

Quod tamen obsessi nebulis vix possumus, istam Dum trahimus miseri tenebroso in carcere vitam.

Quanquā etenim sparsim scintillant plurimæ veri Fragmina, disjecta hæc illæ; tamen usque tenebris

Totius admirandi operis latet abditus ordo,

Quem studio eruere in lucem conamur inani.

Nam velus, exposito perplexo ænigmate, plures Certatim exacuit solvendi gloria nodi:

Mic ovum, ille uvam, hic puteum putat esse profundum,

Atq; aliquid quisq; attentando accommodat ad rem;

Sed nusquam parte ex omni res congruit ulla

Proposito grypho; haud secus admirabile textum

Na-

Naturæ frustra meditando evolvere speres,
 Cui si quem studio nodum extricaveris, inde
 Centum alios nasci subnexos illico cernes.
 Adde quod hanc ipsam seriem, scenamq; patentem
 Pauci adedò curant, plerumque ad inania verso
 Ingenii obtutu, terris astrisque relictis.
 Non secus ac quoties, pompâ redeunte quotannis,
 Quâ clausum numen cereali in nube per urbem
 De more excipimus, sparso per compita flore,
 Desuper extentis velis, festoque paratu;
 Undique vicinis è pagis convena agrestum
 Turba vias implet, murisq; hinc suspicit atq; hinc
 Picturas passim varias; non Zeuxidis illa
 (a) Fetrusci telas, aut (b) Veronensis Apellis
 Stans admiratur: Sed, sicubi fortè tabernâ
 Proster simiolus pictus, qui tympana pulset,
 Inque pedes recti ducant circùm orgia mures,
 Attonitorum illuc versa illico ruricularum
 Ora vides, illuc plaudentum conflua turba
 Usq; moras trahit, atq; viam cœtu impedit arctam:
 Haud aliter, divini operis spectacula mira,
 Nescia mens hominum cùm non intelligat artem,
 Vix curat, lunæque suos finit usque labores,
 Syderibusque suos ignes, choreasque relinquit,
 Mente aliò intentâ. Hinc laudes sibi vindicat
 omnes

Aut marmor sculptum, aut horaria denticulatis
 Machinula acta roris, crystallo inclusa, vel auro,
 Aut villa, aut tectum parvis sublime columnis.
 Stelliferi interea templum admirabile mundi,
 Immortale opus, aut tenebris offundimus atris,
 Ut nihil in tantâ caligine conspicuum sit;

G 2

Aut

(a) *Andrea vulgò del Sarto.*(b) *Pauli Veronensis.*

100 *PHILOSOPHIA NOVO-ANTIQUA.*

Aut illud modulo nostro metimur ineptè
Artibus humanis vulgaribus, ut nihil inde
Amplius ad laudem quàm vili cuique resulter
Artifici ex humili vico, obscuraque tabernâ.

Ergo aliquando erit ut tandem secreta suarum
Maximus ille opifex pandat mysteria rerum.
Idque erit, obscuro cùm demum è corpore nuda
Evolet in superas sedes mens libera vinculis,
Erroresque illinc veteres despectet ab alto.
Tunc rerum nexus, tum, decertata tot annis
Prælia diversis studiis, composita videbit.
Atque ut conjicias quæ sint servata beandæ
Humanæ quondam menti; tibi contemplandus
In chartâ ante oculos descriptus circulus esto,
Qui vix à nihilo distat. Quot, quantaque rerum
Ille suo includit portenta abscondita gyro!
Quantùm ille ingeniis hominum supereminet!

Ut mens

Attonita inventis hæret! Quid si ille latebras
Nondum exploratas, penitusque arcana sepulta
Ante oculos aperire queat? quibus ille teneret
Prodigiis animos! Jam si tot mira reposta
Cernimus in spatio, quo nil macilentius, & nil
Tenuius, ac nihilo propius tibi fingere possis:
Quid si deinde suos pandat natura recessus?
Et seriem immensam rerum, & primordia cernas?

Hæc olim spectacula erunt tibi pervia in ipso
Numine (spero equidem) post longæ tædia noctis.
Nunc verò concessa brevis mora carcere in isto,
Non ideo ut contemplando scrutere latentis
Naturæ arcanos nexus; sed ut illa perennis
Parta tibi statio in tuto ponatur, ibique
Denique inexhausto videas in lumine verum
Æterno intuitu felix. Hinc prima sciendi,

Pri-

Primaque agendarum lex certa, & regula rerum
 Sit tibi religio & pietas, atque abdita velo
 Cæca Fides, lateri quæ custos hæreat: illa,
 Quam ter sena vides per secula continuè ire
 Per capita, à primo sibi succedentia rite,
 Romano è folio leges & jura ferentem,
 Nunquam interruptâ serie. Quo tempore miris
 Cætera per terras vicibus fors omnia ferme
 Miscuit, & populos, atque urbes regnaque vertit.
 Illa tamen manet ulq; eadem, æternùmq; manebit,
 Quantumvis toties referarint impia contra
 Infernos (nec adhuc desistant) Tartara postes.
 Ergo huic si quisquam nebulas offundere cæcas
 Audeat, atque aliena tibi & nova subdolus auctor
 Ingerat: hunc tu supremi mandata tonantis,
 Commissumque sibi munus proferre jubeto.
 Qui si cœlestem genium se dixerit; hunc tu
 Hæc eadem mandata jube tibi sistere; qui si
 Hæc ipsa ante oculos subscripta ostenderit; ipsa hæc
 Scripta caractere ementito protinus abs te
 Rejice. Nam siquid rector velit ille supernus
 In terris, habet ille, suas qui sustinet inter
 Mortales, servatque vices; atque illius ore
 Edicenda palàm suprema oracula. Nec lex,
 Nec vox est alia interpret, nec nuncius ales
 Iccirco demittendus. Quantò minùs amens
 Vinosusque aliquis nebulo, qui dogmata eodem
 Ore, merumque vomat, Lenæo percitus œstro
 Aut aliquis macer invidiâ, pallensque profundo
 In superos odio, Regique Deoque rebellis
 Sacrorum everfor ad munus tale ciendus?
 Hæc monuisse juvat ne contemplatio rerum
 Naturæ, cupidam famæ & novitatis amantem
 Transversam in scopulos per iniqua & devia
 mentem

Pertrahat interdum, quæ te deducere rectâ
Debuit ad primam inflexo tramite causam.

Verùm, ut, digressus spatia in longinqua,
resumam,

Unde orsus fueram, carmen. Paucissima nobis
Comperta aiebam naturæ, eademque mathesi
Pleraque conspiciamus præeunte. Huic addere
mentem

A teneris annis fas est. Non illa sonoras
Altercando implet clamoris litibus aulas;
Sed placido similis fluvio perlabitur altis
Hinc atq; hinc ripis. Nec celsa abstrusaq; tantùm
Persequitur; sed & illa, oculis quæ exposita vi-
demus,

Hæc duce, longè alio intuitu manifesta tuemur.
Quod possem exemplo non uno ostendere. Nam si
Abs te quæsierim cur mercibus atque metallo
Fœta ratis, pelago commissa, supernatet undis,
Nec liquidos findens latices petat utq; profundum;
Contra autem id nequeat parvus lapis; illico causa
Hæc tibi prompta aderit, quodd moles æqua lapillo
Si statuatur aquæ, levioris ponderis hæc sit;
At gravior contra, si moles liquida, navi
Æqualis fueris sumpta. At non hinc liquidò rem
Perspicio. Nam cur demum ratis illa premendo.
Parte sui latices aperit, finditque carinâ
Subjectam lympham; nec eodem pondere eandem
Ulteriùs penetrat, quando solidi nihil usquam
Invenit obstitens? cur non ferit altiùs undam,
Quæ vulnus minimum, & Zephyri quoque sta-
mina sentit?

At tibi rursum eadem ratio redit, & nihil addis,
Præter sublatos humeros, ut more receptum est,
Cum nihil occurrit reliquum. Quid si tibi causam

Et

Et libræ & navis Galileus prorsus eandem
 Esse velit? Nox continuè tibi plurima mentem
 Involvet, nec enim lances, nec brachia cernis,
 Nec suspensa vides è centro pondera utrinque,
 Et fortasse putas substrato gurgite lympham
 Sustentare ratem tergo; cùm rem tamen omnem
 Conficiat tantùm circumflua, quæ latera ambit.
 Jam tibi sume cavum speculum. Faciem tibi
 reddet

Immani quantam pario de marmore sculptam
 Effigiem servant Capitolia Vespasiani.
 Quod si paulatim à vitro, sensimque recedas,
 Jam nihil aspicies. Mox te ipsum ante ipsius orbem
 Chrystalli invenies inverso corpore, in altum
 Sublatis pedibus, versâ cervice deorsum.

Centum alios nodos tibi dia hæc solvet Amazon.

Sed quoniam hæc claudi nequeunt (quippe
 ardua) metro;

Rursum aliò juvat inconstantem vertere cantum,
 Naturæque alios iterum explorare recessus.

Ergo age, quæ primùm sese obvia forte tulere,
 In carmen veniant Viventia: Præmaque ab antris,
 Et nemorum latebris, patriisque cubilibus adsint
 Excita Pieriis numeris animantia bruta.

Sed priùs an vigeant sensu, num Sole fruantur,
 Num videant, doleantque, an vitam deniq; vivant,
 (Quandoquidem lis orta super) decernere præstat.

Pulchrum est indiciis quosdam deprendere certis,
 Gloriola ingenii & famæ quos inflat inanis;
 Hosq; ita venari, ut quo quis deprenditur, astum
 Nesciat, & pauci norint; idemque prehensus,
 Stultorumque albo adscriptus, tum denique sese
 Sublimem circumspiciat, vulgusque protanum
 Despiciat, plenusque sui se tollat in auras.

Hanc artem tacito consensu callida secta
 Prudentum, ut fertur, secreto fœdere junctis
 Consiliis, nostro feliciter attulit ævo.
 Illa igitur studio atque astu permiscuit altis
 Naturæ inventis quædam lepida, atque jocosa;
 Quò stolidos sparsim sapientibus intermixtos
 (Quod magni intererat) facilè respublica nosset;
 Helucosque omnes dispersos, providè in unum
 Ad varios usus collectos undique haberet.
 Nec caruit res successu. Inter cætera & istud,
 Ingeniis promptis atque acribus experiundis,
 Aere propitio Bœotum crevit in arvis
 Sesquipedale fiser. Nimirum animantia bruta
 Non aliud fore (quanquam aliter res credita ab usq;
 Dardano, & Evandro) quàm quædam mira latente
 Ingenio structa automata, ut chartaceus ille,
 Manfredi Septalii opus mirabile, Faunus;
 Cui si prætentam demas tabulam, ora repentè
 Exerit, obliquatque oculos, cùm nil tamen ipse
 Percipiat videatque, rotis intrinsicè actus.
 Haud aliter volucres ajunt catulosque moveri;
 Nec sentire tamen, nec nosse, aut cernere quicquã;
 Sed trocleis miris versari, & fingere vitam,
 Mentirique animam. Ergo recens attollere passim
 Turba sagax, tacitæ fraudis sibi conscia, magnis
 Laudibus inventum, seriemque exponere vulgo
 Exemplis patulis. Etenim, si sensibus, ajunt,
 Atque oculis fidas, nec mentem extenderis ultra;
 An non in gyrum tibi sponte videbitur index
 Horarum verti? non illum vivere credas,
 Et sentire? Viden', quamprimùm liber ab unco
 Malleus erigitur, confestim ut cuncta rotarum
 Vertatur series? Cur non molimine tali,
 Et simili technâ, sensus licèt atque animæ experts,
Ser-

Serpat humi coluber, latret canis, & volitet grus?
 Quæ dispar ratio? Hæc illi. Sed quàm peregrinis
 Hæc eadem compta illecebris! quæ rara venustas
 Eloquii! quæ dexteritas! Non sic jocolator
 Hunc modò in alveolum, modò in illum, ante
 ora popelli,

Certâ agiliq; manu globulos transmittit eburnos;
 Ut gens, insidiis assueta, in lumine claro
 Imponit patulis oculis, & fascinat aures.

Hinc, ut crabronum seras glomeratur ad uvas
 Undique turba sonans, excoctis frigore primo
 Certatim insidens acinis; haud secius isti
 Hinc atque hinc strepere, & circum-volare no-
 vam rem.

Neve merum volupe id credas, quo quisq; lubenter
 Agnoscit mentes hominum. Utilitas quoque in isto
 Est longè potior. Nam siquem talia norint
 Concoquere ingenio, cui talibus excipiundis
 Ventriculum cerebri natura indulserit aptum;
 Quid non hinc sperent? Nescis Bœotia quantum
 Humanis rebus profit, pinguißima nempe
 Ante alias regio, decies ubi cultor in annum
 Et ferit, & metit; & quidquid felicibus arvis
 Severit, extemplo jactis radicibus altè
 Pullulat, atque adedò ad votum fert omnia tellus.
 Quanquam ego nonnullis vereor ne fortè sub isto
 Contractus fungo subsidat lethifer anguis.
 Nam, quæso, in brutis cur vitam machina supplet?
 Cur rotulis istis intrinsecùs acta feruntur?
 Cur? quia nempe, ajunt, hominum secus atque
 ferarum

Una eademque foret natura, atque exitus idem;
 Atque iccirco animas ex æquo aut interituras,
 Aut immortales fateare utrinque necesse est.

Hæc

Hæc illi. Atqui hominum generi (paucissima
quædam

Si capita excipias) citiùs persuaseris atram
Esse nivem, quàm non animalia vivere (nam-
que hæc.

Naturæ vox est, quam quisque intelligit, & tu,
Tute, inquam, hæc pariter reputas deliria vana.
Inque sinu rides, si quisquam assenserit) Ergo
Inferus laqueo quid jam, malefane, quid inferis?
Quid? cedo. Nonne vides ut cuspidis alterutrius,
Quam gerit hoc bifidum telum, tibi pessima
inhæret,

Scilicet illa, animum quæ diro interficit ictu?
Hoc igitur constans esto: Ficta ista licenter
Somnia nec doctos homines, nec fallere posse
Ignaros penitusque rudes: Hos quippe magistra
Natura instituit; mens illos æqua tuetur.

Hi, quibus ista hærent, plerumque est inter utrosq;
Gens media; Ingenii specie quam gloria quædam
Allicit ut quidquid rari celebratur, & ipsa
Id sentire velit, rerum studiosa novarum,
Nec mentis penitus solidæ, nec prorsus inanis,
Nec satis ingenio pollens, nec prædita nullo.

Verùm, inquis, facilè est satyrâ rem solvere,
sed non

Oppositum certâ ratione evincere possis:

Et siquid potes, aude animis contra. Ast ego contra
Nil valeo; immò istud protendere latius opro
Inventum egregium, & te etiam lubet automata
inter

Adnumerare. Igitur cur non sis tu quoque, sodes,
Machina vitæ expers cupio abs te denique scire.
Audio quid contra regeras, quo tela repellas:
Ridiculum nempe est, talem si credere possim,

Re-

Rescire id velle ex te ipso, & miscere vicissim
Colloquia : hoc ipso mentem tibi largior, inquis,
Teque ex automato solvo. Sed falleris; ipsos
Nam catulos pariter, quanquam sint machinæ,
uti vis.

Alloquimur tamen, & rogitamus plurima blandè.
Illi autem contra (nam vox demissa per aures
Trocleolas rotulasque mover) latratibus usque,
Et flexu caudæ, & simularis morfibz aptè
Respondere solent. Mihi rara proinde voluptas,
Quòd tu etiam, sensus licèt expere, murmure
voci

Excitus, usque ad cò vivo similis videare,
Ut nequeam talem non credere; cùm tamen
haud sis

Viventum in numero. At vitam, inquis, sentio,
mentemque

Exterior. Viden' ut scitè argutèque, latente
Interiori technâ, respondeat hæc sine sensu
Machina? Non ipsi quandam ratiunculam inesse
Jurares, vitamque dares? Tamen illa nec audit,
Nec sentit quidquam. Motus responsaque cuncta
Glans quædam cerebri peragit. Vivo, inquis, &
ad rem,

(Quod secus haud possem) respondeo consona
dictis.

Audi iterum ut prompto me vafra redarguit ore.
Atqui etiam catuli percussi fustibus, ad rem
Respondere solent gemitu; vox illa dolentum
Consonat ipsa etiam baculo, dominoque vocanti
Respondent proprio gressu. Heus, fodes, viden'
ut te

Suspensum trocleis teneam? & si persequar, agrè
Effugere hinc possis? Jam liber machinâ ab istâ
Tan-

Tandem exi, & vitâ frui : at sine tu quoque vitam

Et solem miseris animantibus. Hæc tibi porro Sufficiant ; nam sunt quædam sic absona , ut ægrè Confutare queas , idè quodd fœdus usquam , Et pejus nihil invenias . Sed nec minùs illud Stultum atque assensu indignum , quod vita animantum

Non sit res quædam , sed nescio quis modus , è re Profiliens , veluti sculpro de marmore prodit Pallas , ut ex lapidum positu domus , utque venustas

Ex membris scitè digestis : sic quoque fontes , Marmora , lux , frigus , calor , astraque non aliud sint Quàm variis disposita modis corpuscula , nullo (Præter dissimiles facies) discrimine ; quorum Scilicet ex vario positu cuncta ista resultent . His Epicureus postremò in bella reversus Viribus atque armis fidens jacet ultima tela .

At te Brachmanum de gente ex Gange remoto Gymnosophista ferox dura in certamina poscit . Ergo ille , Indorum pingui stolidaque Minervâ , Afferit ex nihilo , varia in frustilla resecto , Concisoque modis variis , quæcumque videmus Omnia conflare . Vereor ne te quoque eodem Pertrahat , ac demum cogat cuncta ista fateri Esse modos nihili . Res ardua fortè videtur : Verùm animos præbe . Vacuum sibi postulat unum Ex illis , quæ tu raris admittis inesse Corporibus ; vacuum tale autem , quod queat inde Taxillo exiguo repleti . Jam spatium ergo Istud inane , tibi nihil est (nam , corpore dempto , Cætera nil prorsus tibi sunt) sed idem spatium istud

Est cubicum : ergo (a) *nihil* cubicum dare cogeris . Imple

Nunc , atomo insertâ , vacuum istud . Jam quid habes hinc

Amplius ? ecquid habes tandem ? Dimensio utrinque ,

Atque figura eadem prorsus . Nihil invenias , quod Addideris , nisi duritiem . Sed , quando dedisti

Jam nihilum , sodes , longum , latum , atque profundum ;

Ille etiam nihilum durum solidumque dari vult , Quippe modum *nibili* ex æquo fore censer utrumvis .

Nec facile est , ut fortè putas , eludere telum . Ecquid enim est aliud (circumspice cuncta) quid , inquam , est ,

Quod fieri solidum potuit ? Num duritiei Fortè aliud substatere velis , in quo illa residat Excepta hospitio , velut impetus ? Hæc Peripatum Naribus emunctis redolent procul , ut calamintha . Utque thymum , & nardus digitis trita . Abnuers-ne

Esse modum ? At sævus contra adversarius instat : Ductilitas , fluor , asperitas , frigus , calor , ignis , Terra , metalla , orbes cœlestes , cætera quæque Sunt modi . Ut ex isto numero mihi demere nunc vis

Duritiam ? quo jure negas ? Hanc assero eundem In censum . Quid contra audes ? Ergo illa recepta est In spatio , hoc est in vacuo , hoc est in nihilo .

Ergo hinc

Illâ eadem nihilum durum ac solidum tibi præstat .

Ergo

(a) Sic ferme D. Augustinus spatium imaginum appellat spatiosum nihil .

110 PHILOSOPHIA NOVO-ANTIQUA.

Ergo ex frustillis nihili tibi cuncta resultant.
 Ergo, non animæ tantum, sed & ipsa resorpta
 In nihilum fugiunt tibi corpora. Cernin' ut instet,
 Admoto ad jugulum tibi ferro? Tu tamen obitas,
 Atque in materiem Peripati hæc ipsa revulsa
 Tela retorquere aggredieris. Sed falleris: Hujus
 Quippe auctor sectæ, tot quando naufraga vidit
 Ingenia, atque magisterii subducta latere
 Arcana; hunc scopulum gyro eminus ambiit amplo
 Alta tenens. Nec materiem tibi protulit ullâ
 Sub facie. At rebus quiddam commune novandis
 Substravit, densaque illud sub nube reliquit.
 Ut verb' educta in lucem forma inde resulter,
 Sola vider ratio, ingeniti sibi luminis usu.
 (a) Illa etenim ex semet pariter sobolescere sentit
 Notitias genitas rerum; Nec promittit easdem,
 E puteo veluti situlis educitur unda,
 Nec velut è sectis lignis compingitur arca.
 Sed, quamvis ignara modi, nova germina sentit
 Assidue occultâ quadam propagine nasci.
 Hinc quadam simili ratione exurgere formas
 Posse videt; remque exemplis ex arte petitis
 Exprimit, atque operum fabrilium imagine ad-
 umbrat.

Deniq; (quod magni refert) id scire necesse est.
 Nimirum quoties ratio, cogentibus acta

Ab-

(a) Quemadmodum argumenta tricola, quibus
 impugnatur motus, ambulando solvuntur; ita ex
 vi effeâtrice, quam experimur in nobis, dum vires
 & facultates nostras exercemus, similem in cæteris
 causis vim efficientem, explicatu licet difficilem,
 satis intelligimus: atque hinc quæcumque objici
 possunt, vel ipso capitis nutu, & motu brachii sol-
 vuntur.

DISSERTATIO QUINTA. 6211

Abfurdis, aliquid tormentis victa fatetur
Extare iu rerum serie; vix percipit illud
E summâ cute, vix multâ cognoscit in umbrâ,
Remque illam irrequieta alis circumvolat usque:
Nam facies veri nebulis tunc obsita, & atro
Septa latet veluti fumo. Mens ergo coacta
Materiem rerum primam, ceu pendula fune,
Extorto assensu per vim concedit. At istud,
Compedibus quoniam, nervisque adstricta, metuq;
Supplicii dedit; ulterius cognoscere veller;
Sed frustra. Namque, ut numeros habet Alge-
bra quosdam

Surdos, quos nunquam possis deprendere sensu;
Sensilibus tamen è numeris sumptâ ratione,
Obscuros utcunque, velut per nubila, cernis:
Haud aliter quoque materiem tibi sistere nunquam
Sub certâ facie poteris, nisi sensile ab arte
Sumpseris exemplum, unde aliquam latrantibus
offam

Sensibus objicias. Verùm tibi restat Achilles
Ille ferox, quod nempe artis molimine plura
Diversas subeant miro discrimine formas
Ex vario positu natas. Sic pagina libri,
Quam legis, hæc eadem fuit olim ab origine linum,
Quod mersum sub aquis, contusum, in fila deinde,
Ac demum in strophæ, & mappas, & lintea ductum,
Inde iterum mersum, resolutum, ac deniq; crate
Distentum, in folium postremò evasit. Ut ergo
Res eadem potuit tot vultus sumere; cur non
Sic potuit prodire arbor? Jamque hinc tibi vita
Incipiet primò vegetantum, haud indiga formæ
Illius exosæ, quam clamosa atria jactant.
Inde ad bruta gradus facilis, procul à Peripati
Obscuris nebulis. Sic pure in lumine tandem

San-

112 PHILOSOPHIA NOVO-ANTIQUA.

Cuncta exposta vides. Sed quisquis sic pedetentim
 Insidias tacitas animæ struis, incipe verso
 Ordine; teque ipsum prius excute. Non tibi certè
 Lini instar texti vel chartæ est illa facultas,
 Quâ crescis, sentis, intelligis, atque moueris.
 Et quoniâ in brutis animantibus huic similem vim
 Conjicis iudiciis ex pluribus; his quoque inesse
 Principium quadam simili ratione fatendum est
 Cuncta regens; nec dissimili ratione eadem vis
 Arboribus tribuenda, aliisque; licet variarum
 Nonnulla ex textu rerum composita resultent.
 En igitur, tuus iste jacet metuendus Achilles
 Denique stratus humi, muris dejectus ab altis,
 Quò sese, appositis scalis, in summa gradatim
 Defensus clypeo provexerat arduus ense.

His itaque explosis, portentum denique restat
 Haud reliquis impar: quod scilicet insita brutis
 Sit ratio, atq; animi dos quædam, utcumq; pusilla.

At tibi, lector, erit quid agendum fortè per urbem,

Curandumve domi, quod te præ carmine nostro
 Sollicitum teneat. Prius ergo illa expedi. Ab omni
 Nam volo te curâ exemptum. Interrupta deinde
 Carmina, si vires superent utrique, sequemur.



DISSERTATIO SEXTA.

A R G U M E N T U M.

Unde sectarum tanta diversitas, & opinionum excessus. Id partim humanæ insitiæ, partim auri populari tribuendum, partim etiam quod prima principia, humanæ menti ingenta, in controversiam revocamus. Quomodo eadem prima principia à præjudiciis discerni possint. Id tamen differtur, assumptâ iterum questione de brutis, quibus nulla vis rationis inest, licet quædam videantur consultò perficere. Hinc transitus ad animas hominum, ipsiusque naturæ auctorem Deum: Sed prius præjudiciorum, seu veri & falsi discernicula, exemplo potissimum lucis, statuuntur; quibus dissertatio clauditur, cæteris in sequentes reservatis,

Nescia mens hominum medio consistere.
Iniquis
Callibus in præceps per devia malumus
ire,

Quâm tritum per iter; quod naturæ orbita ducit.
Ut primùm harmonien agrestibus attulit olim
Auriculis (a) Samius vates; pestis numerorum
Omnia corripuit quantocyùs harmonicorum.

H

Æthe-

(a) Pythagoras.

*Ætherios etiam perlata est musica in orbes,
Nec cœlo fletit: Ipsam hominis vitamque ani-*
mamque

*Harmonien quandam dixere. Alia attulit ætas
Prælargam annonam vitæ, quâ vivere mundum
Ipsam etiam, ceu quoddam animal immane,
putarunt.*

*Tum veri (a) species secretæ à rebus & omni
Materiâ exutæ, ceu numina. Denique formæ
Innumeræ invectæ; platanisque ulmisque resectis
Forma improvisò quoque nata cadaveris. Exin
Corpora quæque (b) adjunctorum tunicata tre-*
centis

*Pelliculis, quot nec siccis indusia cœpis.
Centum alia, ultra æqui fines, rectique tenorem
Bacchantes hominum mentes portenta tulere.
Haud secus hi sensum demunt animantibus; isti,
Conversis vicibus, rationem sensibus addunt.*

*Fortè roges, unde ista (juvat divertere paulum;
Nec sine melle aliquâ ac prædâ fortasse revertar)
Scire, inquam, cupias, unde hæc discordia tanta,
Unde adeò rerum causæ in diversa trahantur,
Ac demum unde adeò fœda atq; immania monstra.
Causa utiq; in promptu; nimirum in nocte sepulta
Mens hominum. Hinc, velut ille puer, cui vitæ
coercet*

*Circumducta oculos; æquales inter ephebos
Curstat hæc illæ, si quenkam fortè prehenfer;
Quem simul ac tenuit, subducto denique velo,
Non illum esse vider, quem credidit: Haud secus
atris*

In tenebris cæci discurremus; ultima donec

Ob-

(a) Idea Platonis.

(b) Idest accidentium,

DISSERTATIO SEXTA. 115

Obscuram ex animo nubem detraxerit hora.

Præterea est quidam interdum favor, auraque spirans

Nunc his, nunc illis, adversa, aut prospera sectis;
Quò fit ut alternis vicibus surgantque cadantque;
Exoriturque lues quædam, atque epidemius error,
Corripiens ægras hominum latè undique mentes.
Scilicet in sacris potes oratoribus istud

Cernere. Sæpe aliquem, nescis unde ortus, in altum
Consensus populi tollit, crescitque subinde,
Ceu rapidus torrens. Concurritur undique spissis
Ordinibus; stipata arctè auditoribus omnia.

Quodque satis nequeas mirari; pleraque turba,
Ex dictis nihil allequitur, nil percipit aure,
Confusum præter tonitru, quo templa resulant.

Et tamen adnixa mento, patulo ore, sonoræ
Absorbent horæ fastidia longa. Peraçto
Eloquio donec, famæ ingens murmur oberrat
Undique sublato plausu, quem congerit una
Conflata ex cunctis vox indiscreta per auras.

Hunc alibi deinde, hunc ipsum fac deferat aura,
Fac cesset favor & studium; versa omnia cernis.
Infelix sacris picturis, & simulacris

Interdum, atque aris divùm, murisque perorat.
Rari auditores, & quos fortasse coegit

In tutum aut pluvia, aut ventus. Net fœmina
flamen

Mendica ante fores, populi secura ruentis,
Cursantumque canum ludis patet area templi.

Haud aliter sectas studiis popularibus actas
Sors quædam exagitat. Nimirum, ubi plausus
& aura

Conspirant; sapientum etiam vis pertrahit illuc
Nolentum per sæpe animos, ne bilis amaræ,

H a

Aut

Aut odii cæco videantur vulnere læsi;
 Nec quisquam in se unum velit irritare sonantum
 Cræbronum instructam prælongâ cuspide turbam.

Præterea sunt quædam animis partita quibusvis
 Stamina prima, quibus ratio sibi cætera textit,
 Absolvitque opera; Ingenio nec tendere cuiquam
 Ulterius fas est; nec enim quidquam prius usquam
 Invenias unde illa queas deducere. Ne quis
 Ista tibi porro rapiat patrimonium mentis
 Sollicitus timidusque cave. Faculam tibi vivam
 Jugiter hanc custos servet laternula, quâ te
 Natura ingenito deducit lumine: Quippe, hoc
 Extincto, in præceptis ibis per devia. Ne tu
 Quid spatium sit, quid morus, quid tempus, &
 ista.

Prima audax tentare velis; Clarissima nam sunt,
 Donec nil moveas. Sin autem excusseris, atrâ
 Illico nigrescunt uligine turbida. Verum
 Sunt etiam præjudicia ex erroribus orta
 ætatis primæ, à teneris quæ fuximus annis,
 Fallaci specie persæpe imitantia verum;
 Quæ tibi nisi solers ratio ad purum excoquat, illa,
 Ceu fuci ingressi mellis cellaria, primis
 Principiis sese admiscunt, atque omnia turbant.
 Hinc omnis labes, hinc semita torta sciendi,
 Cunctaque subversa. Hæc igitur discernere primum
 Quod valeas; illud tibi fas prænoscere, quantum
 Illa animi vis, quæ simulacra à sensibus hausta
 Pingit imaginibus, quantum, inquâ, discrepet à vi
 Ingenitâ rationis. Id ex re nosse juvabit,
 Unde tibi pateat discrimen. Lineæ ab uno
 Digressæ puncto, designatæque papyro
 Sistantur puero. Scitare hunc postea quid sit
 Angulus ille, oculis quem perspicit. Ocyus ille
 Affe-

Afferet, inspectis cunctis, non esse aliud quam
 Cruribus exceptum spatium. Sed dicta refellis
 Continud; nam quantumvis illa area nigris
 Transversi calami refecetur ductibus, idem
 Angulus usq; manet. Sin autem in cruribus ipsum
 Constituat; quavis hinc atque hinc parte resectâ,
 Illæsum persistere adhuc ostendis. At ille
 Verticis ad punctum summum se denique vertet:
 Nam nihil est aliud præter, quod cernere possit.
 Verùm etiam hinc ipsum retrahis; nam si utra-
 que crura

Strinxeris, illud idem punctum manet; attamen
 alter

Angulus exoritur. Jamque hîc exhausta tibi sunt
 Omnia, quæ possit tibi pictrix illa facultas
 Suggestere; atque aded cæca ac confusa recedit.
 Tum demum exurgit ratio; introgressaque coram,
 Ceu turbam ignaram, simulacra interrogat: audit
 Quæ sensus demens iisdem narrarit. At illa,
 Omnibus expensis, postremò judicat, illic
 Esse aliud quiddam secretum, quod neque pun-
 ctum est,

Nec distantia superficies, nec linea; quod non
 Sensus iners & hebes potuit discernere visu.
 Ergo modum quendam, quo lineæ utrinq; vicissim
 Inclinatæ abeunt, edicit. Sed modus iste
 Quid sit, nulla queat vox dicere: sola videt mens.
 His animadvertis: Mendax quamplurima sensus,
 Falsa licet, veris certisque simillima pingit.
 Sic puer haud facîle credat consistere posse
 Antipodas, quos in caput è terris ruituros
 Mente videt, terræque putat protendier oras
 Ad cælum, & cælum pariter contingere montes
 Verticibus summis, quos siquis scandere possit

Is felix sese radiantibus inserat astris .

Nec tantum ingenia hæc fallunt puerilia : Verùm

Te quoque deludunt similes præstigæ . Inertem

Namque putas flammam consistere ; quæ tamen ,
instar

Labentis fluvii , cursu fugit acta perenni ,

Et jugi effluviæ fumum se vertit in atrum .

Sic te continuo obtutu res cernere credis ,

Quæ tamen alternis , ex crebro noctu oculorum ,

Celantur tenebris , perque intervallo nigrescunt .

Fortè etiam , dum scintillas ictu elicis , ipsas

E silice egressas reris ; quæ sunt tamen æris

(a) Stricturæ , & Chalybis ramenta ignita , repente

Ex illo affricu rutila candentia luce .

Centum alia id genus obscurant tibi nubila verum .

Talibus ægra hominum ratio deluditur . Ergo his

Cura adhibenda prior , vitio ne pessima fundi

Germina mens ferat , & sterili sylvescat avena .

Fas ergo indicia in primis prænosce veri . . .

At nimio crescens adverso flamine ventus

Ingruit in puppim , cui si dare carbasa pergam ,

Littoribus procul avulsus ferat æquor in altum ,

Unde ægrè possim velis remisque redire .

Contrahere ergo juvat tantisper turgida vela ,

Atque iter incœptum differre . Ad bruta revertor ,

Quæis , ut jam pridem monui , scintillula nulla

Mentis inest ; quanquam videantur plurima certas

Dirigere ad metas , & quosdam intendere fines ;

Quos etiam in saxi , sensuque carentibus herbis ,

Inque ipsis fluviis , inque astris , atque metallis

Invenies . Nec te moveat tuus ille catellus ,

Qui

(a) Id expertus sum microscopio in scintillis
cadentibus , folio candido exceptis , ibique extin-
ctis .

Qui tibi prandenti limis intentus ocellis
Assistit lateri, seque interdum arrigit, & te
Admonet unguiculis ut sis memor, atque larratu
Impatiens crebro visam sibi postulat escam,
Atque hos atque illos convivas sedulus ambit,
Implorans jejunos opem.

Cui si propterea quicquam rationis inesse
Credideris, licet exigua; longè hæc tribuenda
Major araneolis, quorum molimina nec tu
Vestigare queas: Nam quâ demum arte, rogo te,
Stamina transmittunt interdum ex fronde genistæ
In raram falicis, quamvis interfluat unda
Hinc atque hinc dirimens arbuta? An fortè natatu
Ponè trahunt filum, idque iterum in sublime re-
portant?

Id cerrè haud possunt. An filo penduli eodem
Expectant ventos, vi quorum in summa ferantur?
At cælo tranquillo etiam, & placido aere pontes
Hos sibi conficiunt. Quin clausis stamina in aulis
Jungere distantes muros quandoque videbis;
Idque opus interdum conclusis nocte fenestris
Perficiunt, quoties textum exturbare diurnum
Ausa manus fuerit. Viden' ut tute inscius hæres,
Atque ægrè ingenio nodum extricare laboras?
Ergo apice è summo virgæ tibi aranea obeso
Ventre affixa suo de stamine pendeat; (a) illam
Ex improvisò aerium sibi sternere callem

H 4

In-

(a) Id asserit à se observatum P. Joseph Blau-
canus Soc. Jesu in Commentario capituli 9. Aristote-
lis de historia animalium. Ex eo enim stamine, &
quo pendet araneus, observavit plura alia fila, binc
illinc alternatim prodeuntia, per aerem volitare.
Nonnulli censent, araneum ex suo filo pendentem,
cruribus veluti remis provehi ad loca altiora.

Interdum in muros, inque obvia quæque videbis
 Proxima. Quippe duplex aut triplex stamen ab alvo
 (Idque oculis spectare licet) studiosa remittit,
 Quorum uni tantum librata ac pensilis hæret;
 Cætera consultò, tenuissima quippe, per auram
 Ire finit, donec deprensam tulerit ex his
 Unum aliquod temere, inq; obicem incurrisse volatu.
 Illico tum properans gracilis funambula tento
 Insistit filo, inde aliud simili arte retentat.
 Ipsa oscillando, quantum satis est, movet auram,
 Unde opus intègret. Num verò iccirco sagacis
 Vindicet usum animi ac mentis vilissima textrix?
 Ergo hæc impulsu quodam instinctuque geruntur
 Naturæ; hunc verò faber indidit ille supernus,
 Consilio qui cuncta suo, nutuque gubernat,
 Nec fas ulterius causam explorare latentem.

At quò rem propius videas & clarius: Ipsi
 Nos quoque, vi nullâ rationis, plurima sæpe
 Molimur cæco ductu, quæ vim tamen omnem
 Ingenii exsuperant. Nam si te rite loquentem
 Explorare velis; mirabere difficilem rem
 Quàm facilè expeditas. Nam litera quælibet, oris,
 Gutturis, & linguæ, diversos exigit usus,
 Et certos flexus, quæ singula si ratione
 Præceptisque velis studiosè addiscere, nunquam
 Id poteris: Tamen ista infans apprehendere ductu
 Naturæ, & quodam potuisti imitamine cæco.
 Sic quoq; dum graderis, dum saltas, singula membra
 Ad staticæ præcepta moves, quæ si tamen omnia
 Ad leges studeas componere, tunc nihil ex his
 Efficies. Nempe ingenio quæcunque geruntur
 Naturæ, si mens accesserit, omnia turbat.
 Idque palam spectare potes, per singula eundo.
 Fac etenim te velle tibi ratione soporem

Con-

Conciliate, levesque illas attendere somni
 Conciliatrices nebulas, & sistere sensim
 Irrequieti animi motus, ipsamque ligare
 Injectâ furtim Letheâ compede mentem;
 Id nunquam efficies; Naturæ scilicet obstat
 Mens exploratrix: Hinc bruta animantia quævis
 In fluvios conjecta natant; Te, quod minùs istud
 Perficias, prohibet mens ipsa intenta periculo.
 Illa herbis, duce naturâ, depellere morbos
 Ægra sciunt: Tibi quid certò profit, noceatque
 Ipsa vetat solers ratio cognoscere. Quod si
 Vis morbi impediat mentem, tum denique vina,
 Aut aliud fortasse petas, quod consulat ægro.
 Hinc multum sibi vitæ adimit, quem sedula cura
 Sollicitat nimium vitæ; Quippe ille latentes
 Naturæ voces minimè audit. Sæpe petenti
 Abnegat utilia, & nolenti noxia sæpe
 Ingerit, assiduè curis dissentus iniquis.
 At contra ignavus balatro, sine re, sine recto,
 Per delubra vagus, somnos in limine portæ
 Sub dio securus agens, æstumque geluque
 Nil penitus curans, qui Cancro & Aquario eundem
 Objicit hirsutum pannum, cui fascia vulnus
 Immemori neglecta ligat; quem si laver imber,
 Mox lampas Phœbi abstergit; quanquam allia tussi
 Apponat, rosasque nuces à mure relictas,
 Ille diu incolumis, felix, validusque senescit.
 Naturæ sua quippe finit jura integrâ; seque
 Illius ad nutus regit, obsequiturque monenti.
 Ergo (ut regrediar) viventia bruta, latente
 Naturæ ingenio, & cæco moderamine aguntur.
 Hunc verò instinctû ac ductum inter cætera nobis
 Abstrusa, ut monui, nunquam agnoscenda, repono.
 At contra est quiddam, quod velles, si bene novi,

Objicere . Est, inquis , mihi contra insigne molossi
 Et mirum facinus , rationis consilii que
 Indiciis plenum . Is quondam (certissima fama)
 Ausus adire domum campestre , prandia furtim
 Incustodita invasit . Quem rustica conjux
 Depreſsum , insanis primùm clamoribus , inde
 Fortuitò oblato , fœda inter jurgia , palo
 Vi multâ ejecit foribus : simul excita agrestum
 Undique turba canum fugientem è rure secuta ,
 Vulneribus sævis stillantem sanguine multo
 In patrios egere lares longo agmine . At ille
 Secum ignominiam reputans , illataque probra ,
 Nec celare potens inhonoras tergo plagas ,
 Dedecus ulcisci statuit . Quantocyùs ergo
 Ex circumfufis domibus pagisque coactam
 Omnigenùm latrantum aciem , ſolem nibus illam
 Excepisse ferunt epulis ; nempe offibus horto
 Olim defoffis ; quo munere alacriùs irent
 Ad pugnam . Hinc , fidâ circum ſtipante catervâ ,
 Rurſum inimica adiit conducto milite teſta .
 Horriſonisque priùs latratibus excubito rem
 Invaſere canem : Cerealia protinus inde
 Liba aggeſta ſuper maſtris , pulmenta que in ipſis
 Diripuerunt focis ; quo teſtea ahenaque vaſa ,
 Et vina , & patinæ , & lances , omniſque ſupellex
 Sparſa ſolo . Mox in pullos , omniemque cohortem ,
 Inque ſuum crates , & gallinacea ſepta
 Sæviturum . Ipſi etiam morſuque miniſque fugati
 Hæc illac vernæ agricolæ , direpta que cuncta .
 Inde triumphantum victorum more per agros
 Curſibus inanſis , lætiſque latratibus , ollis
 Deterſis ſaturi , in patrios rediere penates .
 Hæc tibi nimirum conſultò geſta videntur ,
 Nec ſine mente aliquâ peragi poſuiſſe . Sed illud
 Hi-

Historiæ mihi jam notæ mirabile longè
Addere debueras; quod princeps nempe molossus,
Post hortense epulum, turbam undiq; circumfusam
More ducum affatus solemniter, expositâ re,
Incensisque animis, latratu atq; ore diserto
Ad prædâ excierit. Sed plura simillima Phœdrus
Afferit, & Phrygius vates testata reliquit.
Nempe animadvertes, quoties mirabile quiddam
Contigit, id mendaciolis plerunq; minutis
Arte intertextis suppleri, nequid in ipsâ
Sit facti serie mancum aut informe relictum.

At sensim assiduo pulsu leatescere plestri
Sentio jam fessos nervos. Age, discuto somnum,
Uranie, atque istum mihi fiste, volucris alis
Depreſsum, & lasso vigilatis noctibus adde.
Tuq; novis lauris redimita, & flore recenti
Sume iterum vires, sopitumque erige carmen.
Forſitan huc oculos feret usque, atque ista remota
Carmina, quantumvis fessus, dignabitur æquo
(a) ANNIBAL aspectu. Quem si provexerit ardor
Hos usque in fines; vos illi ostendite, Musæ,
Sensim assurgentem procul alto ex æquore metam;
Quâ tamen haud istâ nunc sperem attingere cymbâ
Jam laceris velis rimas passim undique agente.
Luctari tamen usque juvat: Tuq; inclyte, nostro
Annue, Meccenas, animosque adjuuge labori.

Ergo illud superest, humanæ agnoscere tandem
Naturam & dotes animæ. Mox illius auctor
Atque opifex Deus, ille Deus, cui supplice plectro
Hanc

(a) *Annibal Cardinalis Albanus, Clem. XI. fratris filius, cui (cùm, regnante Patruo, laurea theologica in Coll. Romano, adhuc Seminarii Romani convictor, donatus esset) hoc opus primò dictum fuit.*

Hanc humilem sisto facta inter carmina Musam,
 Ille, inquam, ut spero, supremam denique votis
 Adjiciet metam. Prius attamen interrupta
 De præjudiciis paulò ante incœpta sequamur.
 Nimirum quibus indiciis discernere verum
 Mens queat, & cautè insidias eludere falsi.
 Scilicet huic fabulò mihi nuper devia puppis
 Hæserat, atque hinc in primis emergere fas est.

Et prius, in rebus naturæ ne tibi verum
 Perspicuum indiciis certis recludere passim
 Illud idem ante oculos speres, quo se geometræ
 Præ reliquis tutos jactant, Sunt cetera utramvis
 Pleraq; ductilia in partem, certamine utrinque
 Disceptanda pari; nec fas uni addere mentem,
 Quin prius ex æquo vacuum servaveris aurem
 Alteri, ut inde queas falsi discernere fraudes.
 Quod potes in multis prudens agnoscere rebus.

Fac etenim me velle tibi inter corpora lucem
 Sistere, inauditâ parte alterâ; id illico verum
 Præproperè statues. Etenim, si corporis illam
 Expertem ponam, cur non admissa penetrat,
 Ceu calor & frigus, muros, cum talibus usquam
 Nil vetet ingressum? Cur, follis missilis instar,
 Pulsa repercutitur? Cur angulus æquus utrinque
 Non aliter quàm corporibus, quæ allisa resultant?
 Illa suis globulis patulos ingressa meatus
 Cryſtalli, deducta cavis fugit acta cylindris,
 Inde oculos subit, atque inibi simulacra colorat.
 Nam, velut è raro translucent omnia velo,
 Cur non sorte pari vitro transmissa feratur
 Ipsa etiam rectis excepta canalibus, unde
 Cuncta tibi pateant crebro trajecta meatu?
 Aspicias ut tenuis direpta è corpore quovis
 Bractea, continuò translucet pervia soli?

Aspicias ut festo è cornu laternula prodat
Inclusam faculam, quam lamina spissior atro
Contegeret velo, nigrâque absconderet umbrâ?
Cur istud porro? nisi quodd tunc lumen, ademptâ
Crassitie, rectâ transmissum è corpore fertur.
Contra autem in solido sinuosa foramina ligno,
Quodd nequeant globulos directo emittere calle,
Iccirco objectu denso tibi corpora inumbrant.
En tibi perspicui ratio, & discrimen opaci,
Quod secus haud ullo studio dignoscere speres.
En super his, puro nitidoque simillima Soli,
Ut veterem noctem, Sophiæ lux alma recentis
Discutit, ut claro tibi cuncta in lumine sistit.
Quidni igitur lucem reliqua inter corpora adoptes?
Ecquid obest tandem? quis terror panieus obstat?
An quodd parte vitrum de quavis perspicuum sit,
Quocunque obvertas? At parte foramina ab omni
Opportuna aperit, ceu consitus in quincuncem
Arboribus lucus, qui semper tramite recto
Excipit obtutum, quocunque obverteris ora.
An quodd tam subito ex oculis, moriente lucernâ,
Lucida diffugiant corpuscula, nec videas quodd
Subducant sese? At quonam fax ipsa lucernæ,
Quonam, inquam, moriens extemplo devolat? Illuc
Scilicet ipsa fugit quoque lux, tenuissima nempe
Flammula. Num demum rapidissimus ille volatus
Te mover, è summo quo concita fertur Olympo?
At quoniam, ut spatii, sic motûs maxima nulla est,
Quæ metam statuat, mensura; hinc impete quovis
Et cursu rapido velocior alter & alter
Indefinitis protenditur incrementis.
His ita propositis, nisi mentem adverteris ultra,
Te prorum adjicies, ultroque fatebere victum.
At modò servatam parti præbe integer aurem

Al-

Alteri, & hunc unum mihi nodum solvito. Nam si
 E vitro lentem, aut solidum confeceris orbem,
 Non ideo occultos lædet nova forma canales.
 Quin per iter rectum lux insita transmeet, etsi
 Ostiola hinc atque inde velis obliqua patere.
 Scilicet interior directrix semita perstat
 Illæsa, ut prius, & radios, velut ante, remittit.
 Cur igitur faculam si à lente removeris, illam
 Post vitrum augeri, & sensum distendere flammam
 Undique crescentem, mox evanescere cernis,
 Inde redire situ inversam? Quam tu mihi causam
 Jam proferre queas? Radii num fortè refracti
 Naturam objicias? At cur refringitur ille,
 Cum rectos habeat, nullo prohibente, canales?
 Præterea est quædam ratio, quam lumen in illo
 Egressu fractum servat, quam circuli ad unguem
 Præscribere (a) sinus; atque hinc pulcherrima du-
 cit,

Derivatque, velut de fonte, Dioptrica leges.
 Ut mihi fortuitis potes ista canalibus, oro,
 Ad methodum certam componere singula? quam
 Arte queas disponere cæca foramina? quæ fors
 Res aded miras tanto regere ordine possit?
 Postremò in foveam delaberis, exitus unde
 Haud unquam dabitur. Nam cætera corpora qua-
 que

E raro in densum migrantia refringuntur
 A perpendiculari, seu recto devia, uti res

Et

(a) Recentiores observarunt in refractione lumi-
 nis, quæ sit in eodem diaphano, sinum anguli incli-
 nationis ad sinum anguli refracti eandem rationem
 constanter servare, qualiscunque sit inclinatio ra-
 dii incidentis: quæ tamen ratio diversa est pro di-
 versa mediorum densitate.

Et (a) ratio ipsa docet, statices de fontibus hausta.
 Lux autem ad rectum contra refringitur. Ergo
 Longè alia est lucis natura. Atque hic, velut anguis,
 Cui spinam dorsi protrivit ferrea plaustrum
 Orbita; non aliter, rupto systemate, tortos
 Moliris gressus.

Hinc igitur primùm fas est discernere verum:
 Nimirum quoties fuerint sibi cuncta vicissim
 Consona. Falsum autem (quanquam tibi pluri-
 ma pingat

In speciem veri) potes hinc dignoscere, quòd non
 Integro naturæ operi respondeat omni

Ex aditu; unde aliquid si concinnaveris unâ

Ex parte; ex aliâ rimas trahet atque ruinam.

Sæpe etiam, ut pulchrum sese ingerit, & placet ultro

Nativâ specie; ut citharæ concordia sponte
 Ad se animos rapit; haud aliter dignoscitur ipso
 Interdum intuitu verum, assensumque negare
 Nemo queat prudens; quamvis haud cogere possis
 Ingenium indomitum.

Illa etiam in primis index certissima rerum
 Plura tibi ostendet fida experientia, quanquam
 Exiguos intra fines contenta, nec inde

Di-

(a) Id deducitur ex motu incursumque corporum obliquo, quippe misto ex perpendiculari & orizontali; Quod etiam luci competeret, si corpus foret. Quod autem asserunt adversarii, facilius atque expeditius transmitti lumen per vitrum; difficilius verò per liquidissimum aerem (quod quidem asserere debent, ut lucem inter corpora retineant) id sanè mihi videtur potius ad tuendum positum, quàm ad solidam difficultatis solutionem gratis omnino affirmari.

Divitias sperare queas : at frustula plura ,
 Et denariolos tibi coges undique veri .
 Nempe aliquod lucrum est non aspernabile scire
 Quidnam ex corporibus tunicato extorqueat ar-
 dens

Inclusis vitro , tormentisque exprimat ignis .
 Quid valeant herbæ , quæ vis animantibus , & quàm
 Diversum ingenium ; quæ fontibus , atque metallis
 Natura , atque alia ; obscuris licèt abdita causa
 In tenebris lateat , nec prima exordia cernas .
 Hinc plura inferre , & seriem deducere certo
 Descensu poteris , quantumvis singula gyro
 Clausa brevi , ut monui , & parvâ ditione coacta .
 Quæ tamen utiliùs noris , quàm si tibi *quanti*
Continui arcanum textum , aut *mytheria rari*
 Ac *densi* excrucient animos , cerebrique medullam
 Exfugant , vero è manibus fugiente , prehensum
 Dum reris , vana delusus imagine veri .

Nec tibi displiceant rerum systemata , quanquam
 Lis aliqua exsurgat contra : modò cætera consent,
 Quæ sunt præcipua . Hæc , veluti tentamina prima ,
 Præmissique canes hæc illac nare sagaci
 Explorant aditus , & cæca cubilia veri .
 Sed cave ne fallax minium pigmentaque rebus
 Rhetorice adspargat . Mirum quantum illa dolofo
 Cuncta tibi insidiis tacitis in lumine ponat .

At nullum examen ratio syncerius optet ,
 Quàm cum res primis deducta è fontibus exit .
 Tu verò fontes illos intellige primos ,
 Quos hominum statuit vox & sententia concors .
 Hinc secura quies , & contemplatio rerum ,
 Hinc firma in tuto tibi jacta erit anchora portu .
 Et licèt inde aliquid mirabile , nec priùs ulli
 Compertum in lucem veniat , cui , territa primo

In-

D I S S E R T A T I O S E X T A . 129

Intuitu , assensum trepidet dare mens ; nihil inde
Insidias falsi timeas . Quot enim geomètra
Ipse etiam , monstris persæpe simillima , longos
Post flexus , primis nasci videt ex elementis ,
Quæ tamen assensum cogunt ! illud quoque veri
Ne sperne indicium , cùm res à tempore longo
Canitiem quandam traxere : ea quippe vetustas
Ex consensu hominum , qui raro fallitur , orta est .
Contra autem novitas suspecta sit illico , donec
Aut illam in causas notas ratio egeriturgens ?
A tergo , aut senium ex longo contraxerit ævo .

Postremò , siquid , naturæ arcana sepulta
Dum fodis , erumpat furtim , quod fortè repugnet
Præscriptis Fidei , id , velut anguem proflientem
Ingenii pravi è latebris , fuge . Nil tibi veri
Proferet in lucem spectrum illud , quod tibi tristis
Halitus afflavit menti , licèt experiare
Vim tetram , assensum tacitâ sibi fraude peten-
tem .

Nimirum quiddam miseris mortalibus atrum
Atque malignum hæsit primâ de labe Parentum ,
Non secus ac rabidi morsu canis indita pestis
Quæ latet in venis , perque intervalla resævit .
In primis hæc dira lues caligine cæcâ
Infecit verum , tenebrisque inclusit opacis .
Hinc , ut captivus ferratâ è crate malignam
Lucem emendicat , sic mens quoque corpore
clausa

Corruptum verum transmissum è sensibus haurit .
Nec stetit hîc clades . Quàm densus miles inundat
Obsessam jamdudum arcem , simul atque ruinâ
Ingenti portam tormenta in mœnibus amplam
Horrissono bombo latè effecere patentem ;
Haud aliter labe ex illâ , quâ crimine primo

Facta

130 *PHILOSOPHIA NOVO-ANTIQUA.*

Facta via, extemplo series aciesque malorum
Innumerae erupere, odia, insidiaeque, dolique,
Pugnae intestinae, bella externa: denique rerum
Ultima tot miserabilium accessit cumulo Mors.
At mihi restat adhuc via longa &c.

Duae dissertationes supersunt, altera de immortalitate animae, altera de Dei existentia, quas partim ægritudine corporis, partim aliis curis, partim ætate gravi impeditus; potissimum verò argumenti majestate deterritus intactas reliqui. Indicare id volui ut causam afferrem cur promissis minimè steterim. Ingeniosius & felicius aliquis fortasse opus istud perficiet; cui pro dignitate tractando atque exornando me imparem sentio.